

ՃԵՌ

ՀԱՅՈՐԳՈՒԹԵԱՆ

Բնական է մարդոց բազմաց իրաց տենչալ, այլ յաւելտ իմաստուն
տենչ՝ հոգեւորականին տենչալ, և վասն զի ուր պատրաստ է յոժա-
բութիւն Աստուածասէր, անգ և ոչ մի արգել, Ահա 'ի ինչոյ
տենչանօք և արգեամք Վանեցի Հեղահամբոյր Տ. Արարտս Բարեշնորհ
Վարդապետի Տէր Եովնաննէսեան Միարամի սուրբ Աժողոպս
ածաւ սա 'ի լոս :

281, 6

v

Տ Ե Ս Ո Ւ Թ Ի Ի Ն

Ճ Ա Ռ Օ Ր Ե Ն

ՓՐԿԵԿԱՆ ԽՈՐՀՐԳՈՅ

ՍՐԲԱԶԱՆ ՊԱՏԱՐԱԳԻՆ

ԱՇԽԱՏԱՍԻՐԵԱԼ

Ի ՀՈԳԵԼՈՅՍ ՅՈՎՍԵՓ ՎԱՐԺԱՊԵՏԵ

ՄԱՐՏԻՐՈՍԵԱՆ

ԱՐԱԲԿԵՐԻ ՍԱՂՄԿԱՅ ԳԵՂՁԷ

Ի ՀԱՅՐԱՊԵՏՈՒԹԵԱՆ

ՍՐԲՈՅ ԷԶՄԻԱՆՆԻ Տ. Տ. ՄԱՏԹԵՈՍ ՎԵԿԱՓԱՅԼ

ՍՐԲԱԶԱՆ ԿԱԹՈՒՂԻԿՈՍԻ ԱՄԵՆԱՅՆ ՀԱՅՈՅ

ԵՒ Ի ՊԱՏՐԻԱՐՔՈՒԹԵԱՆ ՍՐԲՈՅ ԱԹՈՌՈՅՍ ԵՐՈՒՍԱՂԵՄԻ

Տ. ՅՈՎՀԱՆՆՈՒ ՍՐԲԱԶԱՆ

ԱՐՔԵՊԻՍԿՈՊՈՍԻ

ԵՒ Ի ՊԱՏՐԻԱՐՔՈՒԹԵԱՆ ԿՈՍՏԱՆԴՆՈՒՊՈԼՍՈՅ

Տ. ՍԱՐԳԻՍ ՍՐԲԱԶԱՆ ԱՐՔԵՊԻՍԿՈՊՈՍԻ

A II
36724



Յ Ե Ր ՈՒ Ս Ը Ղ Է Մ


Ի Տ Պ Ա Ր Ա Ն Ի Ս Ր Բ Ո Յ Յ Ա Կ Ո Վ Բ Ե Ա Ն Յ

1860



THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1215 EAST 58TH STREET
CHICAGO, ILLINOIS 60637
TEL: 773-936-3200
WWW.CHICAGO.EDU



Յ Լ Ռ Ե Ց Լ Բ Ը Ն

ՏԵՍԱԿԱՆ ճշմարտութիւնք յայտնեալք Աստուծոյ՝ որք նկատինն 'ի փրկութիւն, խորհուրդք են անհաս՝ անմոլար Աստուածապաշտութեան և հաւատոյ : Այլ արդ՝ եթէ որ առանց գործնական հաւատոյ, սոսկ միայն տեսական հաւատով նկատեսցէ 'ի նոսա՝ որ անգործ է և անկենդան, մոլորի յոյժ չարաչար, զի տեսական հաւատով միտք և եթ արդարանայ 'ի մալորութենէ, և ոչ հոգին 'ի մեղաց : Այս մեղանչել 'ի ճշմարտութիւնս հաւատոյ՝ մեծագոյն յանցաւորութիւն է Ազանդաւորաց՝ քան Հեթանոսաց . զի հեթանոսք առ բնական ճշմարտութիւնն անիրաւին, իսկ նոքա առ գերբնականն ամբարշտին :

Եւ արդ՝ երբեակ խորհուրդքն են հաւատոյ . Երրորդութեան, Մարդեղութեան, և Հաղորդութեան, և երեքեան ևս 'ի վեր են քան զհասումն մարդկան :

Խորհուրդն Հաղորդութեան կախի զխորհրդոյ Մարդեղութեան, և տիրապէս իսկ իսկութիւն իրական պատարագի Խաչին, ոչ օրինակ կամ սոսկ յիշատակ . վասն որոյ և նոյն ըստ գոյացութեանն և համազօր, իւրով իսկ Արեամբ հաստատեալ զնա Փրկչին որպէս կտակ վերջին՝ 'ի յիշատակ և 'ի կորդութիւն չարչարանաց իւրոյ և մահուն . զի ընդ տեսալաւ անմահագործ հացին՝ բոլոր Քրիստոս Աստուածութեամբ և Մարդկութեամբ կայ 'ի ձեռն միաւո

բութեան : Այլ որպէս այն Մարմին միաւորեալ է ընդ Քրիստոսի , նոյնպէս և մեք Հայիւս այսու ընդ նրմա յօդիմք . և ըստ որում միութեանն յօդ է նոյն Մարմինն Քրիստոսի , մի է ապա և ՚ի մեզ յամենեւսին յօդաւորութիւնս այս Աստուածային . վասն որոյ և ՚ի նոյն իսկ միոջէ Հայէ անտի ճաշակեմք ամենեքին , ու ըսով նա ընդ մեզ կցորդի , և մեք ընդ նմա՝ և ընդ միմեանս :

Այլ ուրեմն ըստ տեսանելոյն դատեոցէ ոք , այլ ըստ իմանալոյն հաւատասցէ՝ խորհրդաբար և հոգեւորապէս . զի խորհրդականապէս լինի սա Մարմին և Արիւն Քրիստոսի , և ոչ երևեւապէս . յոյր սակս և ասի խորհուրդ հաւատոյ , զի այլ ինչ տեսանեմք՝ և այլ ինչ հաւատամք . ապա թէ ոչ՝ ոչ էր խորհուրդ :

Այլ Աստուածագործ սքանչելիս՝ Փրկիչն ոչ այնպէս հրաշացոյց զտիրական իւր զօրութիւն , որպէս ՚ի յետին ցանկացեալ Ընթրիսն անդ ընդ աշակերտսն ՚ի սահմանելն զայս խորհուրդ ահաւոր : Ասան զի որպէս ըստ մարմնոյ՝ ամենայն ոք ծնունդ ունի և սընունդ , նոյն և ըստ հոգւոյ . Մկրտութեամբ ունի ըզվերատին ծնունդ , և սուրբ խորհրդոյն ճաշակմամբ՝ զսնունդ . քանզի մտքրի մարդ ՚ի սկզբնական մեղաց՝ Մկրտութեամբ , և ՚ի ներգործական մեղաց՝ Աստուած խարութեամբ , յետ այնորիկ սնանի և ամօք՝ սուրբ խորհրդոյս ճաշակմամբ . ապա գրաւական է սա անմահութեան ամենեցուն արժանաւորաց , որպէս հոգւոյ՝ նոյն և անմահ յարութեան մարմնոց ՚ի կեանս : Իսկ յայսմ է բանն , որ ամենայն բազմաբիւր հոգևոր բարեաց է ծայր . անարատ խղճիւ երջանկահասաւ մերձե՛նալ :

Այլ վասն զի եղեն՝ և են , որք յազազս այսպիսի մեծամեծացն Աստուծոյ փոքր խորհեցան և խորհին , Աստուածայինսն ամբարշտելով և զանձինս իւրեանոց

շնասերով, Եկեղեցի Աստուծոյ միշտ ճակատ ընդդէմ
 եկաց պերճայաղթ : Ի ժամանակի յայտնի՝ մինչ ա-
 ղանդական ամբարշտութիւն փիռ է ամենայն ուրեք,
 մի է և առաջիկայս մատենիկ ջէն ուղղափառ Եկե-
 ղեցւոյ զօրեղ զինու սուրբ Գրոց . զոր դիպեցուցիչ
 խմատուն կիրթ ճակատահարն յառաջ քան զամս
 ինչ ուղղեաց վայելուչ . այն է՝ Արարիկերի Սաղմկայ
 գեղջէ Աստուածիմաստ Հոգեւոյս Յովսէփ վարժա-
 պետ Մարտիրոսեան :

Այս զի մի որպէս բազում անգամ պատահի ,
 այս օգտակար վաստակ բարի Առնն արժանագով աչ-
 խատութեան՝ ՚ի ձախող ինչ արկածից անհետացի ,
 տուաւ սա ՚ի Տիպ , լեալ աներկբայ՝ թէ այս ևս
 գործ յԱնձառաշնորհ այս Խորհուրդ հաւատոյ՝ իցե-
 ամենեցուն հաճելի :

Ա-Պ Լ-ՍՍԻԻԻ
 ԳԵՈՐԳ ԵՊԻՍԿՈՍ :





Ղաշակեցէ՛ք և տեսէ՛ք՝ զի քաղցր է Տէր.
Երանեալ է այր՝ որ յուսա՛ ՚ի նա:



Տ Ե Ս Ո Ւ Թ Ի Ի Ն

Ճ Ա Ռ Օ Ր Ե Ն

ՓՐԿԼԿԸՆ ԽՈՐՀՐԳՈՅ

ՍՐԲԱԶԱՆ ՊԱՏԱՐԱԳԻՆ



Յւշգ՝ ինչ Աբրահամոյ գաղարգիւն իսկանս՝
էր օրինակի Փրիլինն :

ԱՆՔԱՒՈՐ և սքանչելի է խորհուրդ սրբոյ Պա-
տարագին , զի ոչ յանասնոյ դառն կամ ոչխար զե-
նանի , այլ նոյն ինքն Գրիստոս մատչի Գառն Աստու-
ծոյ . բայց մեր տեսանեմք հանապաղ ՚ի վերայ սրբոյ
սեղանոյն մատուցեալ հոյ և բաժակ , արդ ո՛ւր է
հարմն և արինն :

Յառաջագոյն ցուցեալ Աստուծոյ ճշգրիտ
պատկեր ճշմարիտ Ողջակիցին շանսեղ պատանին խա-
հակ՝ բարձեալ յինքեան զփայտ իբրև զխաչափայտ ,
հուր և ս կալեալ ՚ի ձեռին՝ նշմար սիրոյ խաչաբար-
ձին՝ իբր ՚ի Գողգոթայ ՚ի սեղան անդր ընթանայ .
և յորժամ մերձենայ , յայնժամ ՚ի միտս եկեալ հար-
ցանէ ցհայր իւր . « Հայր . . . ահա հուր՝ և ահա
փայտ . ո՛ւր է ոչխար յողջակեզ » : Եւ զի՛նչ հայրն
պատասխանէ . չասէ թէ մուտցայ ընդ մեզ բերել ,
և կամ արդ բերեն ծառայք մեր . նա և ոչ զկամս իւր
յայտնէ՝ թէ ունիմ գրեզ իսկ առնել ողջակեզ . այլ
ամբքէ զնա մեղմագին այնուիկ հոգետուր բանիւն
ասելով , « Աստուած տեսցէ իւր ոչխար յողջակեզ
որդեակ » . Օ՛հար . ԻԲ . 7 , 8 :

Իսկ ընդէր ապա լռեաց Իսահակ՝ որում չեղև ինչ ակնկալութիւն տեսանել զմի յոշխարաց անտի հօր իւրոյ ՚ի զենուէլ : Վանդի հաւատաց ՚ի լսել զբանն թէ « Աստուած տեսցէ իւր ոշխար յողջակէզ » , զայն և եթ սկսաւ խորհել ՚ի սրտի իւրում . վասն զի Հոգին սուրբ՝ որ եբաց զբերան Աբրահամու մարգարէաբար պատասխանել , անդ լուսաւ որեաց և զմիտս Իսահակայ հաւատալ , թէ տեսցէ Աստուած զոշխարն յողջակէզ՝ որ իւր իսկ իցէ . խելամուտ եղեալ բանին Աբրահամու՝ որ չասաց թէ Աստուած տեսցէ ոշխար յողջակէզ , այլ թէ՝ Աստուած տեսցէ իւր ոչ խար յողջակէզ : Այա ՚ի բաց թողեալ ՚ի մտաց ըզինդբելին իւր ոշխար՝ զորմէ հարցաներ , և խորհէր ընդ միտս զայն իւր՝ զոր խօսեցաւ Աբրահամ . և այն պէս մտախորհ և մտադիւր ընթանայր ընդ այն ճառասպարհ անձին իւրոյ մահահրաւէր սեղանոյն : Աբրագէ Աբրահամ հանել զորդին իւր ՚ի սպանդ , և որդին կամակար ելանէ ՚ի սպանդարան , ուր ժամանեալ տեսանէ զինքն լինել օրինակ հանդերձեալ ճրջմարիտ Ողջակիցին . որ և ըստ Ճշմարտին ըստ այնմիկ՝ « Իբրև զսրջ առաջի կտրչի իւրոյ անմուռնչ , այնպէս ոչ բանայ զբերան իւր » . Գործ . Ը . 53 :

Արդ՝ որն յերկոցունց անտի գերօրինակ համարեացի . հայրն՝ եթէ որդին : Աս ընդ երկոսին իսկ առ հասարակ սքանչացեալ հիանամ . քանզի հայրն կամի մատուցանել ողջակէզ զորդին սիրելի , և որդին կամի մատուցանիլ ՚ի սիրեցեալ հօրեն : Օրինչ գործես Աբրահամ . զենում զորդի իմ յողջակէզ Աստուծոյ . Օրինէ քեզ Իսահակ . զենու զիս հայր իմ յողջակէզ Աստուծոյ . Հայրն զենու՝ որդին զենանի , և երկոսին միաբան առ ՚ի մի վսիսձան : Յօր վսիսձան . ՚ի կատարումն Աստուածային հրամանի : Աս՝ անդուստ երեւի ՚ի նոսին պատկեր ինչ , կամ ուրուական իմն նմանու-

Թիւն Աստուածային . զի Աբրահամ՝ յորմէ Իսահակ որոշեալ անձինք , և համակամութիւն նոցին՝ իբրև մի հոգի ՚ի նոսին : Անօրինակ միաբանութիւն :

Եւ այն գործ աննման և անօրինակ միաբանութեան նոցա՝ եղև նմանութիւն ծայրագոյն մարդասիրութեանն Աստուծոյ , և օրինակ Փրկչական Պատարագին : Քանզի Աբրահամ այնչափ սիրեաց զԱստուած , մինչև զորդին իւր մատուցանէր նմա ողջակէզ . և Իսահակ ևս այնչափ սիրեաց զԱստուած , մինչև զանձն իւր ետ լինել ողջակէզ : Եւ ահա ըստ օրինակի և նմանութեան ըստ այնմիկ , « Այնչափ սիրեաց Աստուած զաշխարհ , մինչև զՈրդին իւր Միածին ետ » մեզ . (Յով. Գ . 16 : Եւ այնչափ մեծ եղև սէր Որդւոյն Աստուծոյ առ մեզ , մինչև զանձն իւր եզ ՚ի վերայ մեր . և արդարև « Սեծ ևս քան զայս սէր՝ ոչ ոք ունի , եթէ զանձն իւր դիցէ ՚ի վերայ բարեկամաց իւրոց » . (Յով. ԺԵ . 15 : Ահաասիկ չափ՝ անչափելի սիրոյն Աստուծոյ , այս է՝ անձնատուր սպտարագ լինել Որդւոյն Աստուծոյ կամօք և հաճութեամբ Հօր՝ ՚ի հաշտութիւն և ՚ի հաղորդութիւն մարդկան ընդ Աստուծոյ :

Իսկ զինչ իցէ ասել հաղորդութիւն :

Եւ յաղագս Երանական հաղորդութեան :

Հաղորդութիւնն հասարակօրէն առեալ է գործողական կցորդութիւն սր և իցէ գործակցեալ իրաց . իսկ հաղորդիլն՝ աստանօր ՚ի բանիս առեալ է բաժանորդ լինել ուրուք ընդ զառս կամ ընդ վիշտս այլոյ ուրուք . զոր մին ունի տիրաբար , և միւսն ունիցի հետեաբար : (Օրինակ . Թագաւոր մտեալ ՚ի պատերազմ , և ՚ի սաստիկանալ մարտին յորժամ նետք թընձամեաց տեղան ՚ի վերայ , և սուրբ զիւրև պատեալք

և բազուկք 'ի հարուսն ամբարձեալք տեսանին . սա-
կայն թագաւորն յայնմ մեծի վտանդի ոչ ինչ երկու-
ցեալ 'ի սասակութենէ մարտին , և ոչ փոյթ ինչ ա-
րարեալ զհարուստոց և զվիրաց իւրոց անձին , ամե-
նայն զորութեամբ նահատակեալ արխաբար հարցե-
զախոյեան իւր զթշնամին . և զզորս նորա խորտակեալ
և խաղառ ջնջեալ զամենայն դքանձ և զստացուածս
նորին յաւար առեալ դարձցի փառօք իւրոց յաղ-
թանակին . յայնժամ և զօրակաճք իւր՝ որք հետեա-
բար կցորդք եղեն հարուստոց և վիրաց արքային
իւրեանց , հազորդ լինին իրաւամբ ընդ յաղթական
փառսն նորին . և այս է բան Առաքելոյն , զի « Կ-
թէ չարչարանացն կցորդ լինիմք , ապա և փառացն
հազորդ լինեցոց եմք » . Զոր. Ը . 17 : Իսկ զորպի-
սութիւն փառաց երկնաւոր թագաւորին մերոյ՝ ու-
րում զինուորեալ եկեղեցի ակն ունի ընդ երանելեա-
ցն տեսանել , ոչ է մարթ բանիւ ցուցանել . վասն
զի որպէս ոչ որ տեսեալ է զԱտուած աստ 'ի կեանս
յայտմիկ , նոյնպէս և զփառս նորին՝ զոր երանեալք
տեսանեն և վայելին՝ ոչ որ է տեսեալ , ոչ որ լուեալ ,
և ոչ 'ի սիրտ ուրուք նկարեալ . այլ զոր խոստացաւ յաղ-
թող զօրադլուխն իւր Քրիստոս , զնոյն հաւատոյ՝
թէ փառք են անճառելի , փառք երկնից արքայու-
թեան , փառք են անեղ Ատուածութեան . « Օր
ակն ոչ ետես , և ունկն ոչ լուաւ , և 'ի սիրտ մարդոց
ոչ անկաւ , պատրաստեաց Ատուած սիրելեաց իւ-
րոց » . Ա . Կոր. Բ . 9 :

Յաղագս Շնորհական հաղորդութեան :

Իսկ լրումն եկեղեցւոյ՝ որովհետեւ անկարանայ
ըստ լրութեանն իւրաքանչիւր հաւատացելովք չար-
չարակից լինել Քրիստոսի , որպէս զի ապա կարացե

ըստ լրութեանն Երանայան հաղորդութեամբ հաղորդիլ
 փառաց նորա , վասն այնորիկ Տէրն փառաց ըստ ա-
 մենառատ մարդասիրութեան իւրոյ գթացեալ կա-
 մեցաւ յիւրմէ ընու զպահասութիւն կարողութեան
 Եկեղեցւոյ՝ բաշխելով նմա զԱտուածախառն մարմն
 և զարիւն իւր ուտել և ըմպել , և նովին հաղորդ լի-
 նել փառաց իւրոյ . զի որ ոչն կարողանայ ժառան-
 գորդ լինել փառաց իւրոյ Երանայան հաղորդութեամբ ,
 կարողասցի Ատուածախառն մարմնոյ և արիւնն հա-
 ղորդութեամբ : Շնորհական հաղորդութիւն :

Յաղագս Երանայան և Շնորհայան հաղորդութեան փանգոմայն :

Ի՞նչ որ՝ յորժամ այնու շնորհայան հաղորդութեամբ ան-
 ջատին հոգիք բարեգործ հաւատացելոց , ընդ որս
 դասին և հոգիք մկրտեալ անմեղ աղայոց , որպէս
 հաղորդութիւնն Երանայան՝ նոյնպէս և հաղորդու-
 թիւնն շնորհայան միապէս բնակեցուցանէ զնոսա ՚ի
 Քրիստոս՝ և զՔրիստոս ՚ի նոսա . « Որ ուտէ զմար-
 մին իմ , և ըմպէ զարիւն իմ , նա յիս բնակեցցի , և
 ես ՚ի նմա » . (Յով. 2 . 57 : Որ և ՚ի յորութեան
 մեռելոց՝ միապէս « Աերպարանակից առնէ զմարմին
 խոնարհութեան մերոյ ըստ նմանութեան մարմնոց
 փառաց իւրոյ » . Փիլիպ. Գ . 21 : — յամագիրք :

Օայն ևս գիտեմք , զի փառք Որդւոյն Ատու-
 ծոյ՝ որում է՛թէ հաղորդեցին Երանայան հաղորդութեամբ
 և է՛թէ շնորհայան հաղորդութեամբ , նոյն փառք են ՚ի
 կողմանէ Տեսան փառաց . որպէս շնորհք առաքե-
 լութեան , շնորհք մարգարէութեան , շնորհք վար-
 դասպետութեան կամ ՚ի լեզուս խօսելոյ և թարգ-
 մանութեան . « Թէպէտ և բաժինք շնորհաց են՝ այլ
 Հոգի նոյն է . եթէ բաժինք պաշտամանց են , այլ
 Տէր նոյն է » . Ա. կորն. ԺԲ . 4 , 5 : Ի՞նչ ՚ի կողմանէ

հաղորդեցելոցն՝ ըստ իւրաքանչիւր վաստակոց և առաքինութեան իւրեանց, մի քան զմի առաւելուութեամբ զանազանեալ. որպէս « Ըյլ փառք արեգական, և այլ փառք լուսնի, այլ փառք աստեղոց, և աստղ քան զաստղ առաւել է փառք » . Ընդ. ԺԵ. 41 : Իսկ զոր մասնաւորապէս առեալ կոչեմք «որք հաղորդութիւն», է խորհուրդն ահաւոր. զոր՝ Հոգին սուրբ իջեալ յերկնից՝ կատարէ 'ի ձեռս Պատարագիչ քահանային յասելն անդ էական բանին, փոխարկելով զհացն 'ի ճարին և զբաժակն յարին իւրոյ էակցին .

Ըյլ են ոմանք յազգն Յունաց, թերեւս առեալ 'ի բանից սրբոյն Կիւրղի Երուսաղէմացւոյ՝ որ 'ի Ճառն սրբալոյս Միւռոնի, առաւել միտ եղեալ 'ի ժամանակ մաղթանաց Պատարագին՝ քան 'ի կէտներգործութեան Աստուածայիսու Էական բանին, ըզՓոխարկութիւնն կարծեն յայնժամ լինել, յորժամ զկնի սյնը էական բանին՝ Պատարագին մաղթէ առաքել զսուրբ Հոգին. և 'ի նոյն մաղթանս յարէ ասելով « Որով զհացս զայս օրհնեալ՝ ճշմարտապէս աբասցես ճարին Տեառն մերոյ Յիսուսի Քրիստոսի . Որով զբաժակս զայս օրհնեալ՝ ճշմարտապէս արասցես արին Տեառն մերոյ Յիսուսի Քրիստոսի » . Պարագ : Եւ այնու ոչ թէ զհաւատս խորեն, այլ հայելով 'ի կարգ գրուածոյ պատարագամատոց խորհրդատեարին, և 'ի կարգէ յետագաս մաղթանաց նորին՝ զժամանակ որոշեն . Իսոյ ներգործութիւն այնը Էական բանին՝ ըստ որում է գործողութիւն Աստուածային կամաց միութեան, առանց որոշելոյ զժամանակ և առանց մերժելոյ զնոսա՝ միաբանիմք 'ի հաւատս Փոխարկութեան. և ասելմք, —

Յաւագս Փոխարկութեան հոցին և Բաթմիին :

Փոխարկութիւն էութեան հացին 'ի ճարին և

բաժակին յարիւն, է դերազանց գործ Աստուածային .
վասն որոյ կարօտեալ միայն Աստուածային դերազանց
գործադիր բանին՝ որ է բանն էական « Առէք կերէք
այ՝ է ճարփն իմ . . . Արբէք ՚ի սմանէ ամենեքեան այ՝
է արիւն իմ . . . » : Եւ վասն այնորիկ ստի բան էական ,
զի այն է միայն աննահանջելի գործողութիւն և հրա-
ման Աստուածային կամաց էացուցանել զխորհուրդ
սրբոյ Հազորդութեան՝ ՚ի գործադրութեան Պատա-
բադիչ քահանային՝ ՚ի ձեռս ունելով զնուիրեալն
հոյ և գիկի՝ ըստ դիտաւորութեան Եկեղեցւոյ : Եւ-
որպէս ՚ի ստեղծագործութեան անդ վասն աճելոյ և
բազմանալոյ մարդկան՝ ասաց Աստուած զբանն էա-
կան « Աճեցէք և բազմացարուք . . . » : Օ՞նկ . Ա . 28 .
նոյնպէս ՚ի փրկագործութեան աստ՝ վասն հազորդե-
լոյ ինքեան զհաւատացեալս անուան իւրոյ՝ ասաց ըզ-
բանն էական « Առէք կերէք . այ՝ է ճարփն իմ . . . Ար-
բէք ՚ի սմանէ ամենեքեան . այ՝ է արիւն իմ . . . » : Օ՞ այն
ասաց ՚ի ընուլ զերկիր , իսկ զայս ՚ի ընուլ զերկինս՝
« Օ՞ սեղի անկելոց ապստամբողական թշնամոյն » ,
Շար : Աս ծնուցանէ զմարդիկ ՚ի կեանս մահկանա-
ցու , իսկ սա յարուցանէ ՚ի կեանս անմահ . նա բը-
նակեցուցանէ յերկրի զմարդ ընդ մարդոյ , սա բը-
նակեցուցանէ յերկինս զմարդ ընդ Աստուծոյ : Եւ
ոչ միայն այս ահաւոր խորհուրդ , այլ և ամենայն
խորհուրդք Եկեղեցւոյ ըստ իւրաքանչիւր նիւթոց
և գործադրութեանց՝ կարօտին իւրեանց պատշաճա-
ւոր Կական բանից որովք կատարին . որպէս և այս
ահաւոր խորհուրդ կատարի նովին Կական բանիւ ,
զոր լուաւ սուրբ Եկեղեցի ՚ի վերնատանն խորհրդոյ
՚ի բերանոյ Ռդւոյն Աստուծոյ . ուր կից ընդ նմին
Աստուածային խորհրդոյն՝ Աստուածային էր և հրա-
մանն՝ զայն խորհուրդ հանապազ առնել : Եւ որով
կարիցէր առնել . ոչ ապաքէն նիւթովքն՝ զոր ետես ,

և բանիւն՝ զոր լուաւ . վասն այնորիկ այս ահաւոր
խորհուրդ ճարձոյ և արեան՝ որպէս անհնար է առանց
Աստուածադիր նիւթոցն այնոցիկ լինել, նոյնպէս ան-
հնար է և առանց Աստուածախօս Էսական բանին Փո-
խարկութիւնն լինել :

Ուստի Բանն Էսական յասել Քահանային 'ի ժամ
սուրբ Պատարագին 'ի վերոյ հոյն և Բաժակին , ոչ
կարէ համարիլ պատմութիւն այր ժամանակի վրը-
կագործութեանն Յիսուսի . վասն զի յաղաքս նուե-
րեալ հոցին և բաժակին այնորիկ՝ զոր քահանայն ա-
ռեալ է 'ի ձեռս իւր , է իսկապէս խորհրդաբար խօ-
սիլ ընդ գործադրիչ Հօր Աստուծոյ՝ գործադրական
բանիւ Որդւոյն Աստուծոյ , գործադրութիւն Հո-
գւոյն Աստուծոյ՝ 'ի կատարումն խորհրդոյ առաջա-
կոյ Աստուածագործութեանն Եկեղեցւոյ . զի 'ի նը-
մին իսկ յասելն զԲանն Էսական՝ կատարէր Յիսուս
Հոգւովն սրբով 'ի սուրբ Ջերնատան . ուր անմիջա-
պէս պատուիրէր Եկեղեցւոյ առնել զայն Փոխարկու-
թիւն ևս վասն յիշատակի իւրոյ՝ ասելով « Օղոյս ա-
բասջիք առ իմոյ յիշատակի ո . 'Ղ-ի . ԻԲ . 10 : Ուր
լայտաբար ասելովն՝ պատուիրէր զայն փոխարկու-
թիւնն իսկապէս առնել . և առ իմոյ յիշատակի ասե-
լովն՝ պատուիրէր զնոյն փոխարկութիւնն միան-
գամայն և վասն յիշատակի իւրոյ առնել . ուր և
ցուցանէր ոչ միայն զնիւթս խորհրդոյն , այլ ուսու-
ցանէր և զԲանն Էսական՝ որով զխորհուրդն արար .
Ուրեմն և 'ի ժամ սուրբ Պատարագին յասելն Էսական
բանին յաղաքս նուիրեալ հոյն և Բաժակին՝ Էանայ
ճարձն և արեան Քրիստոսի իսկապէս , լինի և յիշատակ
նորա Ճշմարտապէս . վասն այնորիկ Դպիրքն 'ի բե-
րանոյ Դողովրդեանն երգեն ամէն . որ յամենայն ազ-
գրս մայր լեզուաց նշանակէ հաւատով ընդունիլ և
Ճշմարտութեան իրին վկայել . զոր թէ բուն Հայե-

բէն բացատրելով ասիցեմք, է ասել՝ այն ճարձին և ա-
րիւն է, խոստովանիմք և հաւատամք: Եւ ասպա սկը-
սանին զյիշատակ մահուան Որդւոյն Աստուծոյ եր-
գել ՚ի դէմն Հօր Աստուծոյ՝ ասելով, «Օ զորդիդ քո
ետուր ՚ի մահ վասն մեր սրտապան սրտաւոց մե-
րոց»: Եւ զբաշխին վասն մեր Հայն կենաց ներ-
կայսպէս, ՚ի դէմն Որդւոյն ասելով «Որ պատարա-
գեալ Հօր ՚ի հաշտութիւն հաց կենաց բաշխիս ՚ի
մեզ»: Եւ զհատարումն խորհրդոյն ՚ի դէմն Հողւոյն
սրբոյ ասելով «Որ զփառակցի քո զխորհուրդ իջեալ
՚ի յերկնից կատարես ՚ի ձեռս մերոց»: Վանդի յայն-
ժամ լինի Աստուածադործութիւն, որ է Փոխաբ-
կութիւն բանիւն Քրիստոսի. միանգամայն և քա-
հանայագործութիւն՝ որ է վասն Յիշատակի մահ-
ուան նորա, ՚ի նոյն վայրկենի՝ երբ Էական բանն
ասացեալ լինի բերանով Պատարագիչ քահանային
ըստ հրամանի Փրկչին թէ «Օ այս արասջիք առ ի
մոյ յիշատակի»:

Իսկ զինչ այլ պարտ էր իմանալ շայն այն՝ զոր-
մէ ասէր աբաջիք. ոչ ասպքէն իբրու մատամբ ցու-
ցանէր զխորհուրդն զոր արար, որ է հայն և բա-
ժանն՝ էացուցիչ բանիւն իւրով էացուցեալ ճարձին և
արիւն իւր կենդանի՝ կենդանարար Հողւոյն սրբով:
Եւ պա բոլորական իմաստ պատուիրանին Քրիստոսի
այսպէս իմացեալ լինի. զհայն և զբաժակն՝ զոր ես այ-
ժըմ «Եւ էք կերէք այս է ճարձին իմ. Արբէք ՚ի սմանէ
ամենեքեան այս է արիւն իմ» ասելով, ճարձին և արիւն
իմ արարի ՚ի քաւութիւն և ՚ի թողութիւն մեղաց,
զոր կերայք և արբիք, յայսմհետէ դուք ևս նովին
բանիւ իմով շայս խորհուրդ իմ աբաջիք առ իմոյ յի-
շատակի. զի հանապազ զիս յիշելով և զմահն իմ
պատմելով՝ ուտիցէք զճարձին իմ և ըմպիցէք զարիւն
իմ ՚ի քաւութիւն և ՚ի թողութիւն մեղաց. վասն

որոյ և Առաքեալն քարոզէ ասելով. « Վանկցս ան-
գամ թէ ուտիցէք զհոյս զայս՝ և զԲաթայս ըմպի-
ցէք, զմահն Տեառն պատմեցէք՝ մինչև եկեսցէ նա ո
Ա. Կրն. ԺԱ. 26: Եւ զոր Առաքեալն հայ և Բաթայ
ասէ, ոչ թէ սոսկ վասն յիշատակի պատարադեալ
մտօք ասէ՝ որպէս նորադանդք ասեն. այլ զոր փո-
խարկելով արար Քրիստոս, զայն և՛ վասն յիշատակի
իւրոյ առնել պատուիրեաց. Առաքեալն ևս նոյն օ-
րինակ փոխարկու թեամբ լինելով ասէ. քանզի վասն
ուտելոյ Հացին և ըմպելոյ Բաժակին այնորիկ խրա-
տէ զմեզ մաքուր լինել ՚ի խղճէ մտաց, և սոսկալի
վտանգ ցուցանելով անարժանութեամբ ճաշակո-
ղաց՝ ասէ. « Վորձեսցէ մարդ զանձն իւր, և ապա
՚ի Հացէ անտի կերիցէ, և ՚ի Բաժակէն արբցէ. զի որ
ուտէ և ըմպէ անարժանութեամբ, դատաստանս ան-
ձին իւրում ուտէ և ըմպէ. զի ոչ խտրէ զմարմինն
Տեառն ո. Ա. Կրն. ԺԱ. 28, 29: Եւսն՝ սով կամակոր
զրկեալդ ՚ի Մորմնոյ և յԱրեւէն Քրիստոսի. զի չա-
սէ թէ ոչ խտրէ զյիշատակն Տեառն, այլ ասէ թէ
ոչ խտրէ զմարմին Տեառն. վասն զի նոյն է խորհուրդ
Մորմնոյ և արեւն, և նոյն միանգամայն վասն յիշատակի
Տեառն:

Եւ ասա կաթուղիկէ Եկեղեցին այնու փոխա-
րկիչ զօրութեամբ Աստուածային բանին կատարէ ըզ-
խորհուրդն ասաւոր. և յետ կատարելոյն՝ Պատա-
րագիչն աղօթելով ՚ի դէմս Հօր՝ ասիւ և գողու-
թեամբ ՚ի վեր առեալ զՊատարագն մատուցանէ նմա
ասելով, « Եւ զքոյս ՚ի քոյոց քեզ մատուցանեմք ո,
Եթէ մատուցեալն այն շիցէ յայնժամ Եսական բա-
նիւն այնուիկ փոխարկեալ ՚ի մարմն և յարեւն Որդւոյն
Աստուծոյ, կենդանի պատարագ ընդունելի Հօր,
զիարդ մատուցանէ նմա իբրև շտուերական պա-
տարագն Մեղքիսեգեկի քահանային առ Հայրն Աբ.

բահամ լիկ հաց և գինի, Օննդ. Ժ. Զ. 18. Մի զի և հանդէսն մեծի պաշտաման, ընծայքն նուիրական, արարողութիւնն խորհրդական, և որ մեծն է և սարսափելի քան զամենեսեան՝ անդ Աստուածախօս բանն էական, յայանի ցուցանեն և հաւատարմացուցանեն, թէ զոր քահանայն մատուցանէ՝ է անտարակոյս Պատարագ կենդանի՝ մատուցեալ «Մտ ամենայնի և յաղագս ամենեցուն» :

Լսիցես. Ընդէր սպա զկնի Էական բանին և ըգկնի մատուցման Պատարագին քահանայն անընդհատ աղօթելով առ Հայր՝ մաղթէ առաքել զսուրբ Հոգին, որով արասցէ զհայն ճշմարիտ Տրփն և զբաժակն ճշմարիտ արիւն մարմնացեալ բանին. ոչ սպաքէն արար զայն ընդ ասել քահանային Էական բանի իւրոյ Միածնին :

Պատասխանեմ. Արդարև անյարմար է այդ ՚ի կարգի մարդկային բանի. զի մարդ զոր ինչ խորհի խօսի և գործէ, ըստ սահմանի բնութեան ընդ ժամանակաւ խորհի խօսի և գործէ. և ՚ի սկսանելոյ խորհրդոյն և բանին և գործոյն իւրոյ մինչև ցարարան ժամանե՛լ ժամանակ անցուցանէ : Վասն այնորիկ յարեան սմանք ՚ի Հայոց հոռովմէականք, որք հայելով ՚ի վիճակ մարդկայինս բնութեան, առանց ակնածութեան ՚ի դէպ վարկան փոխել զբառն արայն ՚ի պատարագամատոյց գիրս իւրեանց՝ և ընթեռնուն արբեր. որ թէպէտ ՚ի կարգի մարդկորէն բանի մերում է յարմարաւոր, բայց և ընթեռնուլն արայն ՚ի կարգի բանից հաւատոյ լուսաշաւիղ աստուածաբանութեամբ և ստեսանի յարմարաւոր. զի այդօրինակ խորհուրդ զԱստուծոյ՝ կամ խօսք ընդ Աստուծոյ, թէպէտ լինին մարդկային տկար սահմանաւ, բայց յորժամ լինին միանգամայն և զօրութեամբ հաւատոյ, յայնժամ առ Աստուածայինս

ըստ չափու հասու լինել՝ հասուցանել զմիտս մեր ըստ
չնորհաց հաւատն համընթաց առանց աշխատանաց .
Լ՛հա և ես՝ զոր ասեմ, հաւատով ասեմ . յետեա
ռաջնութիւն՝ կամ անցեալ և ապագայութիւն այնք
մաղթանաց Պատարագչին՝ չէ՛ ինչ ընդդէմ գործու
ղութեան Ատուածախօս էական բանին, որովհետե
անցեալքն մեր և ապագայք ներկայ են յԱտուած .
վասն այնորիկ ե՛թէ յառաջ քան զԱտուածագոր
ծութիւնն և թէ զկնի՛ ներկայապէս ընդունի ընդ
Ատուածագործութեան իւրում զքահանայական
մաղթանան զայն՝ ըստ հաւատոյ սուրբ Եկեղեցւոյ .
զի և սուրբ Եկեղեցի մեծաւ հաւատով ներկայապէս
ընկալեալ համարի զհանդերձեալ փառսն Ատուծոյ՝
որում անդրդուելի յուսով ակն ունի զնա ժառան
գել, զի խոստումն Ատուծոյ է : խոստացեալ ինչ
պարզե ՚ի մարդկանէ առ մարդիկ՝ չէ պարզե ՚ի ձե
ռքս հասեալ . այլ որ խոստանայ , սոյ միայն ակնկա
լութիւն իմն ունելոյ զայն ՚ի ժամանակին . բայց ե
կեղեցին Ատուծոյ զխոստացեալն առ ՚ի Ատուծոյ՝
մեծաւ հաւատով և հաստատուն յուսով առ իւր
ունի, և ընդ այն բերիլի՝ իբր ներկայապէս պարզե
ընկալեալ . զոր օրինակ վասն խոստմանն Քրիստոսի՝
Կերպարանակից առնել զմարմին խոնարհութեան մե
րոյ ըստ նմանութեան մարմնոյ փառաց իւրոց , այս
պէս քարոզէ , « Եւ վասն զի զայս խոստացաւ , զմեծ
և զանճառելի շնորհս պարզեւել սիրելեաց իւրոց
Ճշմարիտն Ատուած Յիսուս Քրիստոս » : (Յայս միտ
ասէ և Ատուածիմաստ մերս Նարեկացի . « Բո խոս
տումն շնորհ է » :

Լ՛րդ՝ Պատարագչին մարդ գոլով յասելն զբանն
էական ոչ կարէ և զառաքումն Հոգւոյն սրբոյ ՚ի
Հօրէ մաղթել միանգամայն . որովհետե մարդ ոչ է
ամենակալ, զի ամենակալ միայն Ատուած է . որ զու

մենայն ինչ՝ եթէ անցեալք, եթէ որ կանս, և եթէ հանդերձեալքն, ՚ի միում կէտ ներկայութեան միող հայնցուածով ունի տեսանէ՝ քննէ և ճանաչէ, բընաւ և ոչ մի կարօտեալ ժամանակի. քանզի որ ինչ էրն՝ և որ ինչ է՝ և որ ինչ լինելոց է՝ բովանդակապէս ՚ի միում ներկայութեան ՚ի նմին ՚ի յԱստուած են: Այս և ոչ է մարդ՝ գոնէ իրբև զհրեշտակս երկնից, որոց տուեալ է կարողութիւն զյոյլովագոյն գիտելիս առ ՚ի յԱստուծոյ հեղեալս ՚ի նոսա՝ իմանալ գիտել և ճանաչել ՚ի կէտ հեղմանն յայնմիկ ամենայն հանգամանօք. և ՚ի քթթեւական՝ առ բազում մարդիկ պատգամատար լինել, զի են «Օջրութիւնք հզօրք ակնարկութեան բարձրելոյն... և ըստ ընթացից տեսութեան մտաց արագուեմք» . Վ. Գ. 2Ա. 11-րոց՝ ըստ բնաւոր հոգեղէն գոյացութեան և ըստ բանաւոր յարապատրաստ հպատակութեան իւրեանց՝ ամենարագ սպասարկութիւնն ՚ի Մարգարէէն ասացաւ, «()րհնեցէք զՏէր ամենայն հրեշտակք նորա, հզօրք զօրութեամբ որ առնէք զբան նորա, լէք ձայնի պատգամաց նորա» . 11-լ. ՃԲ. 20. որ պարզապէս է ասել թէ երբ զձայն պատգամաց Տեառն լէք, առանց ժամանակ անցանելոյ՝ նոյն հետայն կատարէք ըստ կամաց նորա: Այսն զի կարող են ՚ի քթթեւական՝ ՚ի ծագաց երկից մինչև ՚ի ծագս աշխարհի հասանել. և ահա այնու արագութեամբ «Հրեշտակ Տեառն յափշտակեաց զՓ/լիպպոս» . և տարաւ յԱզովտոս. զի ՚ի նոյն կէտ յափշտակութեն՝ «11չ ևս ետես զնա ներքինին» . Վ. Գ. Ը. 30. և ինքն գտաւ յԱզովտոս, որ բազում ասպարիսօք հեռի էր ՚ի ջրոյ անախ՝ ուր զներքինին մկրտեաց:

Այլ թէպէտ մարդն այսպէս մարմնաւոր գողով տկար է քան զհրեշտակս զօրութեամբ, սակայն ըստ որում հոգեւոր և մտաւոր՝ կարող է ուղիղ Աստուա

ծարանական վարդապետութեամբ ընդհանրական եկեղեցւոյ զպահասութիւն զօրութեան իւրոյ ընուհաւատով, զի հաւասան ուղղափառ լուսաւոր առնէ զճրագ մտաց, հաստատէ զյոյս հաւատացելոց, և զօրացուցանէ զսիրտս յուսացելոց: Անոյն ասեմ և զՊատարագիչ քահանայէն, որ թէպէտ ոչ կարէ զուէ՛ք իբրէն ասելով՝ ուրոյն մաղթանօք միանգամայն հայցել ՚ի Հօրէ և զառաքումն Հոգւոյն սրբոյ՝ որպէս ասացաւ, բոյց կարնլ է յայնմ Աստուածախօսութեան անդ զիւրաքանչիւր ներգործութիւնս համագոյ և միասնական սուրբ Երրորդութեան միանգամայն ՚ի միասին հաւատալ, որպէս հաւատոյ և ուսուցանէ սուրբ Եկեղեցի, զի Փոխարկութիւն էութեան հային և բաժակին է գերազանց հրաշալի Աստուածագործութիւն, և վասն փոխարկելոյ զայն՝ նոյն ինքն Քրիստոս ասէ անդ զբան իւր բերանով քահանային, և գործէ զգործն փրկական ՚ի ձեռք քահանային, և ըստ իւրումն փկոյութեան՝ ոչ եթէ յանձնէ ինչ խօսի, այլ Հոյրն որ ՚ի նմա բնակեալ է, «Նա գործէ զգործան» (Յովհ. ԺԴ. 10, Ապա և սուրբ Հոգին որ է ՚ի Հայր և յԱրդի՝ գործակից է ընդ նոսին, ըստ որում գործն այն Աստուածային՝ է ներգործութիւն ոչ ՚ի ներքս Աստուածութեան, այլ ՚ի փոխարկութեան հոյին և բաժակին, ուրեմն նոյն ժամայն իջեալ յերկից կատարէ զխորհուրդ փառակցին իւրոյ՝ և կենդանի առնէ զնա, վասն զի «Հոգին է կենդանարար, մարմին՝ ինչ ոչ օգնէ» (Աբ. 2. 64, Որպէս մեկնէ և մերս երանեալ Լամբրոնացի ըստ կարգի բանից Խորհրդատետրին զմաղթանս առաքման ՚ի Հօրէ Հոգւոյ կենդանարարին: Ապա ոչ է պարտ յայնմ Աստուածագործութեան մարդկօրէն որոշել զժամանակ, վասն զի գործադրական է յայնժամ Բանն էական որպէս ՚ի սուրբ Վերնատան, և

գործադրողն է ընդ Հօր և ընդ սրբոյ Հոգւոյն հա-
մագոյ և միասնական . ուրեմն 'ի ժամանակի յայնմիկ
Աստուածախօս տական բանին՝ իջանէ յերկնից և գոր-
ծակից սուրբ Հոգին . որպէս ունի մաղթել քահա-
նայն , թէպէտ բանիւն իւրով չե է հասեալ 'ի մաղ-
թանսն յայն և ասել « Որով զհայց զայս օրհնեալ՝
ճշմարտապէս արասցես Տարին Տեառն մերոյ Յիսուսի
Քրիստոսի . Որով զբաժակս զայս օրհնեալ՝ ճշմարտա-
պէս արասցես աբիւն Տեառն մերոյ Յիսուսի Քրիստո-
սի » : Ո՛րտն զի քահանայն մարդ գոլով՝ որպէս ասա-
ցաւ , մինչև հասանել 'ի մաղթանսն յայն՝ կարօտ է
բաւական ժամանակի . որ թէ կարող լինէր գննէ
իրբե զհրեշտակս երկնից ամենարագ սպասարկու-
թեամբ՝ յայնմ պահու մաղթել միանգամայն և վա-
սրն առաքման Հոգւոյն սրբոյ՝ որոշակի բանիւ ընդ
միտս և ընդ բերան , մաղթէր արդեօք 'ի միասին յա-
սելն անդ էական բանին . իսկ ես գարձայց 'ի կարգ
բանի Հաղորդութեան :

Ի՛րջիւլ վաս Հաղորդութեան :

Եւրդ՝ մեք տեսանեմք աչօք 'ի վերայ սրբոյ Սե-
ղանոյն հոյ և Բաթմի՝ նոցին յատկութեամբք . և ճա-
նաչեմք հաւատով Տարին և աբիւն՝ էութեանցն փո-
խարկութեամբք . Զինչ ապա արժան է մեզ անուա-
նել . զի հայելով զգալի տեսակացն , հոյ և Բաթմի կո-
չել՝ յէութեն զարհուրիմք . և հաւատալով Աստուա-
ծագործ ճշմարտութեանն , Տարին և աբիւն անուանել
յահէ մեծութեան նորին սարսամբիմք . որ միայն քա-
հանային անկ է ասել 'ի պատարագելն և 'ի մատա-
կարարելն , Տարին և աբիւն Տեառն մերոյ Յիսուսի Քր-
իստոսի : Օ՛ր օրինակ 'ի հնու մն՝ յորժամ քահանայու-
պեան 'ի Սրբութիւն սրբութեանցն մտանէր , նա մի-


այն կարգայր զԷական անունն Աստուծոյ Երբայեցի
 բարբառով Ի՛՛ճ՛՛, ըստ մերոյս որ էն . իսկ մեք 'ի
 զօրութենէ անտի ահաւոր խորհրդոյն առեալ՝ եր-
 կիւղածութեամբ կոչեմք Սբօրօն-՚ն կամ սորբօ շա-
 ռըրօն-՚ն . զի զօրութիւն նորա է սրբել զմեզ 'ի մե-
 զաց՝ և հաղորդս առնել ճարմոյ և արեանն Բրիստոսի
 որ յերկինս է . վասն զի գոյացութիւն այնր կոչին և
 Բ-ժ-իին՝ բանիւն Բրիստոսի փոխարկեալ է 'ի ճարմն
 և յ-րօն իւր որ յերկինս է . և վասն փոխարկեալ
 լինելոյն աստցաւ շա-ռըրօն-՚ն , ըստ որում Առա-
 քեալն ասէ . « Ի՛-ստական օրհնութեան զոր օրհնեմք՝
 սչ ապաքէն Հաղորդութիւն է Արեանն Բրիստոսի .
 Հացն զոր բեկանեմք , սչ ապաքէն Հաղորդութիւն է
 Մարմնոյն Բրիստոսի ո . Ա . Կրն . Ժ . 16 :

Այլ ես աստանօր ողբամ զնորազանդն հերետախ
 կոս . որ 'ի վերայ այսր ճշմարիտ Աստուածագօրծ Հա-
 զրդութեան ընդհանրական Եկեղեցւոյ՝ նախ վասն
 թերահաւատութեան իւրոյ շուարեալ , և ապա 'ի
 յանցս անհաւատութեան բանսարկուն անկեալ .
 զրկեալ 'ի ճաշակմանէ ճարմոյ և արեան Փրկչին՝ աւաղ-
 արտաքոյ եկեղեցւոյ իբր յանձանօթ և յօտար ամայի
 աշխարհ 'ի քաղց և 'ի ծարաւ տակաւին չրջի վարա-
 նեալ : Արդ՝ իցէ թէ յուր միում ըստ նմանու-
 թեան անառակ որդւոյն՝ 'ի միտս իւր եկեալ ասիցէ .
 « Ի՛-կանի վարձկանք են 'ի տան հօր իմոյ հացալիցք .
 և ես ասա՝ սովամահ կորնչիմ . յարուցեալ գնացից
 առ Հայրն իմ , և ասացից ցնա . Հայր՝ մեզայ յերկինս
 և առաջի քո ո . Ար . Ժ . 17, 18 : Այլ այնպէս կա-
 տարեալ զղջմամբ և խոտովանութեամբ դարձցի 'ի
 առն հօր իւրոյ 'ի կաթուղիկէ յուզղափառ եկեղե-
 ցին Աստուծոյ , ուր արժանացի ղենման Եզրինն սյա-
 բարակի , և ուտիցէ զճարմն և ըմպիցէ զարեան նորա՝
 առնել կեանս յանձին իւրում . քանզի նոյն ինքն Տէքն

ասէ, « Եթէ ոչ կերթիք զճարին Որդւոյ մարդոյ, և արթնիք զարին նորա, ոչ ունիք կեանս յանձինս. Ձի մարին իմ՝ ճշմարիտ կերակուր է, և արին իմ՝ ճշմարիտ ըմպելի է ո. (Յով. 2. 84. 86. Եւսեւս և զայս՝ սիլ կամակոր զրկեալդ 'ի Մարմնոյ և յԱրեւնէն Քրիստոսի. զի չասէ թէ՛ եթէ ոչ կերթիք և արթնիք զառ յիշատակին Որդւոյ մարդոյ՝ ոչ ունիք կեանս յանձինս, զի առ յիշատակին իմ ճշմարիտ կերակուր և ճշմարիտ ըմպելի է. այլ սարգասպէս վասն մարմնոյ և արին իւրոյ ասէ՛ թէ՛ ճշմարիտ կերակուր և ճշմարիտ ըմպելի է. Օր թէ ուտէ ոք արժանաւորութեամբ, ըստ իւրում բանի՛ նա 'ի Քրիստոս բնակէ և Քրիստոս 'ի նմա, զի այն է Հաղորդութիւն. որ է հոյն և Բաժմին փոխարկեալ 'ի ձեռն Հողւոյն սրբոյ յանապական մարմն և յարին Քրիստոսի՝ մնալով տեսակ նոցին. և ցոր չափ կայ այն տեսակ հոցին և բաժակին, է խկապէս Հաղորդութիւն, Իսկ 'ի յեղափոխիլ և յապականիլ ապականացու նիւթեղէն տեսակին, անապականն է ութիւն ըստ որում Հաղորդութիւն՝ ոչ յեղափոխի ընդ նմին. այլ ուտի էջն՝ հաւատամք լինել 'ի նմին. քանզի նա է « Հոյն կենդանի, որ յերկնից իջեալ... (Յով. 2. 81. Որ էջն յերկնից Որդին մարդոյ՝ որ էն յերկինս ո. Լուչ. 9. 13.

17 2624

Օհուսին ասեմ. Տեսակ հոցին և բաժակին յեղափոխի՝ ըստ որում նիւթ ապականացու. քանզի Արտուածային է սահմանն անահանջելի, « Օյ ա մենայն նիւթոյ որ մարմին է՝ ապականութիւն հետեի ո. բայց փոխարկեալ գոյացութիւնն մնայ անփոփոխ, ըստ որում անապական Հաղորդութիւն՝ ա նապական մարմնոյն Քրիստոսի: Վասն այնորիկ յորժամ ուտեմք և ըմպեմք արժանաւորութեամբ, ապականացու մարմին մեր ընդունի զապականացու տեսակ հոցին և բաժակին յորովայն իւր, և անա



պահան հոգի մեր ընդունի զանապական գոյացու-
թիւն յեռթիւն իւր : Յորմէ հետեւի ասել, թէ քո-
խարկեալ գոյացութիւնն անապական՝ կայ և մնայ
ընդ ապականացու նիւթով հայցին և գինւոյն՝ մինչ
չև ՚ի կէտ յեղափոխման տեսակաց նոցին, և ՚ի յե-
ղափոխման անդ՝ այն ինչ կորուսանեն զտեսակա իւ-
րեանց, անջատի գոյացութիւնն կենդանի, որպէս ՚ի
մեռանիլ մարդոյ՝ հոգի ՚ի մարմնոց, այլ մինչ չև է ան-
ջատեալ, ՚ի ճաշակման անդ հաղորդէ զհոգին ար-
ժանքնկալ : Բայց յորժամ պատահեցայի բռնութեամբ
ուտել անհաւատից, կամ յանդգուշութենէ ուտել
անանոց, կամ պատահմամբ թափեալ ՚ի վայր դժ-
ուարին՝ ՚ի ջուր կամ ՚ի հուր կորուսանիցի, գոյացու-
թիւնն ըստ որում անկորուստ և անապական՝ առանց
ինչ հաղորդելոյ անջատի, և ուստի էջն՝ հաւատամք
՚ի նոյն ելանել, « Օ, ի հաց Աստուծոց է՝ որ իջանէ
յերկնից ... Ելանիցէ ուր էր զառաջինն » : Երկ. Զ.
ձձ. Եձ :

Չունիմք ՚ի բնականէն բերել այսմ օրինակ, այլ
բստ մտանեայ յարմարութեան՝ միայն զլոյս արեգա-
կան : Բարձ միանգամ խորհրդով քոյին ՚ի հանդիպոց
նորին զօգ և զամենայն մարմին, յայնժամ հասանէ
երեակոյտութիւն քոյ յաներևոյթ յերկիր իմն խա-
ւարային, բայց և անդտոին ոչ կարես ուրանալ զա-
րեգակնն ինքնին լուսաւոր : Այնպէս և սուրբ Հա-
ղորդութիւնն ՚ի ճաշակողն խնդրէ զհաւատ սիրով
յաջողեալ, որպէս արեգակն զօգ պարզեալ՝ ընդ որ
թափանցէ, և զսիրտ մաքուր՝ իբրու մարմին գիմա-
հար՝ յոր ճառագայթէ, Բակ եթէ ճաշակողն չունի-
ցի ուղղափառ հաւատս սիրով յաջողեալ, և սիրտ
նորա չիցէ խոտափանութեամբ և ապաշխարութիւ
մաքրեալ և յարգարեալ, ոչ երբէք գնա հաղորդէ :
այլ ՚ի տեսակէ անտի անջատեալ՝ « Ալանիցէ ուր էր

զառաջինն Դ. Սակայն անարժանութեամբ ճաշակողն
այն պատրաստէ անձին իւրում ահեղ դատաստան,
քանզի Առաքեալն ասէ, « փորձեցէ մարդ նախ զանձն
իւր, և ասա 'ի հացէ անախ կերիցէ, և 'ի բաժակէն
արբցէ. Զի որ ուտէ և ըմպէ անարժանութեամբ,
դատաստանա անձին իւրում ուտէ և ըմպէ. զի ոչ
խորէ զմարմինն Տեառն Դ. Ա. Կորն. Ժ. Ա. 28, 29.

Յայցանէ ունիմք իմաստասիրել, թէ խորհուրդն
այն ահաւոր՝ ըստ էութեանն է իմանալի և անփոփո-
խելի նիւթ հաւատոյ. և ըստ տեսակին՝ զգալի և
փոփոխելի նիւթ հաւատոյ. բայց 'ի յեղափոխիլ ապա-
կանացու տեսակին, անասական էութիւնն մնայ մի-
այն նիւթ հաւատոյ. Այլ ցորչափ կայ և տեսանի տե-
սակ նոցին, թէ և 'ի ճաշակ չիցէ մատուցեալ է ճըշ-
մարիտ ճարմն և արիւն Տեառն մերոյ Յիսուսի Քրիս-
տոսի. զոր ճաշակեալ հաղորդիմք և լինիմք ընդ Քրիս-
տոսի 'ի կենդանութեան և 'ի մեռելութեան մերում
միայն հոգւով. և 'ի յարութեանն հասարակաց՝ միա-
ւորելով փառաւորեալ հոգի մեր ընդ մարմնոյ մե-
րում, և լինիմք ընդ Քրիստոսի՝ փառաւորեալ հո-
գւով և մարմնով:

Ասացի՛ թէ և 'ի ճաշակ չիցէ մատուցեալ, է ճըշ-
մարիտ կենդանի ճարմն և արիւն. Զի են ամենք օտա-
րացեալք յեկեղեցւոյ, և ելեալք ըստ սահման այսր
ուղղափառ հաւատոյ, 'ի բաղմազդի մոլար վարդա-
պետութիւնս իւրեանց՝ զայն ևս յաւելուն տեսել,
թէ սրբադործեալ հացն և բաժակ՝ 'ի կայութեան
իւրում է հասարակ հաց և բաժակ. և 'ի ճաշակելն
սւրուք հաւատով ճաշակողին այնմիկ է սուրբ հաց
և սուրբ բաժակ, որ է տեսլ թէ՛ 'ի տեսանիլն աչօք՝
չունի ինչ գերբնական զօրութիւն յինքեան, այլ 'ի
ճաշակիլն անդ ստանայ զայն: Այլ այլանդակ վարդա-
պետութեան, բայց չեն զարմանք, զի այնպիսի օտար

և ինքնահնար հաւատք՝ պատճառեալ լինին ՚ի մալար կարծեաց . և մոլար կարծիք՝ պատճառեալ լինին ՚ի հայեցուածոյ մարմնական աջօք ՚ի բնականն նիւթեղինութիւնն , քան հոգւոյ ակամբ առ գերբնականն Աստուածայնութիւնն . սակայն մեզ չէ՛ մոյթ զնոցունց , զի « Սէք չունիմք այնպիսի սովորութիւնն , և ո՛չ եկեղեցիքն Աստուծոյ » . Ա . Կրն . ԺԱ . 16 :

Ըրդ խորհուրդն ահաւոր՝ որ կատարի ՚ի մէջ Առաքելական սուրբ Եկեղեցւոյ , է ճշմարիտ մարմն և արիւն Տեառն մերոյ Յիսուսի Քրիստոսի . և է Հաղորդութիւն Մարմնոյ և Արեան նորա որ յերկինս է . որ սկէս Առաքեալն ասէ , « Ի՛ստակն օրհնութեան՝ զոր օրհնեմք , ո՞չ ապաքէն Հաղորդութիւն է Արեանն Քրիստոսի . Հացն՝ զոր բեկանեմք , ո՞չ ապաքէն Հաղորդութիւն է Մարմնոյն Քրիստոսի » . Ա . Կրն . Ժ . 16 : Աւրեմն արիւն Հաղորդութեան՝ որ է ճշմարիտ մարմն և արիւն , հաղորդէ զմեզ Մարմնոյ և Արեանն Քրիստոսի որ յերկինս է : Ի՛այց աստանօր ընկզմեն զիս անդունդք և անհնարին խորութիւնք Աստուածային խորհրդոյս . քանզի ՚ի մէջ եկեղեցւոյ է՝ որ զմեզ հաղորդէ , և յերկինս է՝ որո՞ճ զմեզ հաղորդէ . արդ որն և որո՞ճն զիարդ կարիցէ իրասկէս և ճշմարտասկէս մի և նոյն լինել . այդ ոչ է երկուց զանազան իրաց ընդ միմեանս խտունմամբ միաւորութիւնն , այլ որն յեկեղեցի՛ և շրո՞ճն ՚ի յերկինս , նոյնանալ էութեամբ միութեամբ ճշմարտութեամբ . ընդ որ ոչ միայն ազգ մարդկան , այլ և վերին զուարթունք սքանչացեալ հիանան առաւել քան ընդ խորհուրդն Աստուածային մարդեղութեան :

Ի վերայ ի՛որհրդոյ Մարդեղութեան .

Քանզի խորհուրդ մարդեղութեան Արդւոյն

Աստուծոյ՝ է երկուց բնութեանց միաւորութի՛ . զի անձն Բանին Աստուծոյ՝ առեալ զմարդկային բնութիւն ՚ի Կուսէն Մարիամոյ՝ եղև մօրմին . և սրպէս յղութիւն մօրն էր կուսական , նոյնպէս և ծնունդ Որդւոյն կուսական . զի յղացուցիչ մօրն էր Հոգին Աստուծոյ , և ՚ի նմա ծնեալն Որդին Աստուծոյ . որով մայրն երանեալ անխախտելի կուսութեամբ եղև Աստուածածին : Մարողէր Առաքեալն « Օխաչելեալն Քրիստոս՝ հրէից գայթակղութիւն , և հեթանոսաց յիմարութիւն » . Ա . Կորն . Ա . 25 . քարողէ և Առաքելականն Եկեղեցի զԱստուածածինն միշտ կոչս , թերահաւտարից գայթակղութիւն , և նորազանգից յիմարութիւն . բայց մեզ ուղղափառ հաւատացեալոցս զնորին միշտ կուսութիւն՝ « Աստուծոյ զօրութիւն , և Աստուծոյ իմաստութիւն » . Լ՛ւր . Ա . 24 :

Ըրդ՝ բնութիւնն մարդկային ՚ի կէտ վայրկենի յղացման Կուսին՝ այն ինչ անձնաւորիլ էր յարգանքի նորին ըստ իւրում բնական սոյմանին , Անձն բաւնին Աստուծոյ յառաջեաց արդէլ զսոյման նորին՝ և ինքն եկաց փոխանակ մարդկային անձին , և այնպէս անձն Աստուածային և բնութիւնն մարդկային՝ անձառելի խառնմամբ ընդ միմեանս միաւորեցան , բայց ոչ խառնակեալ շիտթեցան . զի որ Աստուած է կատարեալ Աստուածային բնութեամբ և կամօք , նոյն մարդ կատարեալ մարդկային բնութեամբ և կամօք : Սրպէս և ինքն բաղում անգամ ՚ի բանս և ՚ի գործս իւր՝ մերթ միասնաբար , և մերթ որոշակի զերկու բնութիւն և զկամս յինքեան յայտնի ցուցանէր . զի ՚ի գիշերին յորում մատնէր , Աստուածային բնութեամբ և կամօք առ Հոյր իւր ասէր , « Հոյր՝ զօրս կտուրն ինձ , կամիմ՝ զի ուր եսն եմ , և նոքա իցեն ընդ իս » . Երկ . ԺԵ . 24 : Իսկ յորժամ ՚ի չարչարանացն զերծանիլ կամէր , սոսկ մարդկայնովն կամէր և

ասէր, « Հայր՝ եթէ կամիս՝ անցն՝ զբաժակս զայս յինէն. բայց սչ իմ կամք՝ սյլ քոյդ լիցին » . (Ղ-ի. ԻԲ. 42 .
Եւ մերթ Աստուածային միանդամայն և մարդկային բնութեամբ և կամք բազում գործս ցուցանէր . և այն զի ասէր, « Հուր եկի արկանն յերկիր . և զինչ կամիմ թէ արդէն իսկ բորբոքէր » . (Ղ-ի. ԺԲ. 49 .

Արդ՝ լուսցեն ընտանի թշնամիք մեր և զղջացին ընդ բարուբանս իւրեանց, զի մեք խոստովանիմք և հաւատամք զմարդացեալ բանն Աստուած՝ մի անձն մի դէմ . և վասն անշիտթ խառնմանն Աստուածային անձին ընդ մարդկային բնութեան, ասեմք յերկուց բնութեանց միաւորեալ մի բնութիւն : Եւ մի բնութիւն ասելով՝ կամիմք մի անձն ասել ընդդէմ Նեստորի, որ չարաչար վարդապետութեամբ երկու բնութիւն ասելով՝ զմի Քրիստոսն յերկուս անձինս որոշէր . զոր տիեզերական ժողովն Եփեսոսի դատապարտեալ նզովեաց : Իսկ յերկուց բնութեանց միաւորեալ ասելով՝ կամիմք անշիտթ խառնումն ցուցանել ընդդէմ Եւտիքեայ, որ մի բնութիւն ասելով չարաչար մոլորութեամբ շիտթեալ խառնակ դաւանէր . այն ևս տիեզերական ժողովով քանիցս անգամ դատապարտեալ նզովեցաւ : Սակայն ուր չիցէինչ կասկած՝ սչ Նեստորական և սչ Եւտիքական հակառակութեանց, առհասարակ միամտաբար ասեմք՝ Քրիստոս է Աստուած մարդացեալ :

Ի՞նչեւ ՚ի Քրայ Իրերոյ Հաղորդութեան :

Բայց խորհուրդն ահաւոր՝ որ հաղորդէ և որո՞՞հաղորդէ, չէ՛ երկուց իրաց միաւորութիւն . սյլ որն առ որո՞՞մն միախարկեալ լինելով՝ որպէս ասացաւ՝ նոյնանալ էու թեամբ միութեամբ և ճշմարտութեամբ . Հակա լուսցեն յայսմիկ լեզուք դիտուն ճարտասա

նից, և անկցին գրիչք 'ի ձեռաց իմաստուն գպրաց, զն եկսցք խնդրեսցուք 'ի Սերովբէից և 'ի Քերովբէից անախ զորպէսն իմանալ. զի որք հանսապաղ տեսանեն զերեսս Աստուծոյ, արժան թէ գիտացեն նոքա՝ թերևս և մեզ յայանեսցեն :

Այլ Սերովբէք և Քերովբէք գերաշխարհիկ իմաստունք, « Ար կայք միշտ առաջի Աստուածու թեան » . աղաչեմք զձեզ՝ զի առանց խնայելոյ յայանեսցիք մեզ : Այլ ահա նորին խոյ ևս անհաս գոլով այսմ ահաւոր խորհրդոյ, վիսյեն լինել անքննելի և անճառելի . վասն այնորիկ վերին թեւօք ծածկեն զգլուխ՝ իբրու թէ որպէս կարասցուք զայդ գիտել. և ստորին թեւօք ծածկեն զոտս իւրեանց՝ իբրու թէ ոչ կարեմք ամենևին յայդ 'ի խորս ընթանալ : Այլ միայն միջին թեւօք հաւատոյ թռուցեալ՝ 'ի ժամու Աստուածա գործութեանդ միաբան սղաղակեն և ասեն « Աուրբ սուրբ սուրբ Տէր զօրութեանց, լի են երկինք և երկիր փառօքքո, օրհնութիւն 'ի բարձունս » :

Ծածկեսցեն ուրեմն և զդէմս իմ թեւք հողեղինիս, զի պատկառանք անհնարինք անկան զերեսօք իմովք . զի յազոպս մեծի յանդգնութեան իմոյ առ 'ի գիտել զանգիտելին և նոցին խոյ հրեղինաց, ահաւասիկ Առաքեալն անդուստ 'ի վերուստ զայրագին ակամբ առ իս հայեցեալ ասէ . « Բարուք ընթանայիք, ո՞ կասեցոյց զձեզ ճշմարտութեանն չհաւանել » . Գալ. Ե . 7 :

Այն յանդիմանութիւն Առաքելոյն գրեցաւ առաւել ևս վասն իմ, և ծանրացաւ 'ի վերայ իմ առաւել քան զքար՝ և դժուարաբառնալի քան զաւազ . զի այսպէս եղև ինձ իմանալ, ո՞վ յիմար՝ ընդէր խտորեցար 'ի լուսաւոր արահետ շաւղաց սուրբ Եկեղեցւոյ, մինչ ունէիր քեզ ուղեցոյց զմեծասայծառ զոյս հաւատոյ, և միամիտ սրտիւ թեթև ըն-

Թանայիր 'ի վերայ այդորիկ ծովու Աստուածային խա-
րին խորհրդոյ : Արդ՝ զիւրդ շնչեաց 'ի քեզ յանկարծ
հողմն վայրահակ մտաց մարդկայնոյ , որով երկմտեալ
ծանրացար և սկսար ընկղմիլ . այլ մինչև ընկղմեալ
իցես գլխովին և կորուսեալ , վերացս՝ փութով զձե-
ռ ըս քո առ Փրկիչն Յիսուս՝ և աղաղակեա՛ ընդ Պետ-
րոսի ասելով « Տէր փրկեա՛ զիս ո , Ամբ . ԺԴ . 30 .
զի և նա ձգեալ զձեռն ողորմութեան իւրոյ փրկեա-
ցէ , և դարձեալ հաստատեցէ զքեզ 'ի հաւատոս
սուրբ Եկեղեցւոյ : Բայց մի այլ ևս մարդկային դաս
մամրդ մատիցես 'ի քննութիւն անիմանալի խորհրդ-
ոցն Աստուծոյ , և կորուսանիցես զանձն քո 'ի զուր-
վասն զի քննութիւն խորոցն Աստուծոյ՝ գործ է յա-
տուկ Հոգւոյն սրբոյ . այլ դու « Այսն հաւատա՛ և
կեցցես ո , Ամբ . Ը . 30 . և արժանի լինիցիս հաղոր-
դիլ Մարմնոյ և Արեան Տեառն մերոյ Յիսուսի Քր-
իստոսի : « Օ ի ես ընկալայ 'ի Տեառնէ , զոր և ձեզն
աւանդեցի , եթէ Տէր Յիսուս 'ի գիշերին յորում
մատնէր , առ հաց . Գոհացաւ . եբեկ և ասէ .
Այս է մարմին իմ . . . Նոյնպէս և զբաժակն յետ
ընթրեացն , առ և ասէ . Այս բաժակ նոր ուխտ է
իմով արեամբ ո , Ամբ . ԺԱ . 23 — 25 . որ և պատ-
ուիրեաց Եկեղեցւոյ իւրոյ առնել զայն Աստուածա-
գործ Փոխարկութեանն խորհուրդ՝ ասելով « Օ այս
արասջիք առ իմոյ յիշատակի ո : Այլ ընդէր պատուի-
րեաց առնել . վասն զի ըստ ամենառատ մարդասի-
բութեան իւրում կամեցաւ , զի մինչև 'ի կատարած
աշխարհի եղիցի միշտ ընդ մեզ յերկրի՝ ճշմարիտ
Մարմնով և Արեամբն իւրով . զի և մեք 'ի նոյն հա-
ղորդեալք՝ եղիցուք ընդ իւր յերկինս հոգւով , և
'ի կատարածի աշխարհիս՝ մինչև յաւիտեան լինել
ընդ նմա հոգւով և մարմնով :

Այս հոգեկտրատ յանդիմանութիւն սրբազան

Առաքելոյն թափանցեաց առ իս մինչև 'ի յոգի, վասն որոյ թողեալ զվայրն անըյս վայրենամիտ խորհրդոյս, անդրէն կալաց զուսաշաւիզ հետս հաւատոյ Առաքելական սուրբ Եկեղեցւոյ, որով ահաւասիկ տեսանեմ զՔրիստոս ճշմարտապէս 'ի մէջ եկեղեցւոյ, որ հանապազ պատարագեալ մատչի վասն մեզաց մերոց անմեղ Գառն Աստուծոյ: Ասե տեսանեմ նովին հաւատով զՀոգին ճշմարտութեան զառաքելեայն 'ի Հօրէ յաւուր մեծի Պենտեկոստէի՝ լիակատար շնորհօք բնակեալ ընդ եկեղեցւոյ: Այլ եթէ չէր ընկալեալ եկեղեցի զՀոգին սուրբ, և չունէր հանապազ ընդ իւր բնակեալ, անհաւատալի էր՝ յայնմիկ հացն և գինին փոխարկութեամբ լինել կենդանի ճարֆն և արիւն Յիսուսի Փրկչին. այլ թերևս լինէր որպէս 'ի ժողովս նորազանդից՝ հաց և գինի անկենդան, վասն որոյ և անընդունելի յիշատակ. քանզի ոչ լինէր ճարֆն և արիւն Քրիստոսի, և մեզ ճշմարտ կերակուր և ճշմարտ ըմպելի: Ասան այնորիկ ժողովուրդք նոցին մի երբէք ակնկալցին բնակիլ 'ի Քրիստոս՝ և Քրիստոս 'ի նոսին, զի ոչ ուտեն զճարֆն և ոչ ըմպեն զարիւն նորա՝ որ պահասեալ է 'ի նոսա. վասն զի ոչ ընդունին զսուրբ Հոգին բնակիլ 'ի ժողովս իւրեանց, որ փոխարկեցէ զհացն և զգինին 'ի ճշմարտ ճարֆն և յարիւն իւրոյ Կակցին: Չունին նա և զօրինաւոր քահանայս անընդմիջաբար Առաքելական յաջորդութեամբ ձեռնադրեալ՝ և կարգեալս 'ի սպասաւորութիւն Աստուածային խորհրդոցն եկեղեցւոյ. վասն զի կամակարութեամբ իւրեանց անջատեցան 'ի հոգեբնակ Առաքելական եկեղեցւոյ, և զրկեցան 'ի Հաղորդութենէ ճշմարտ ճարֆնոյ և արիւն Որդւոյն Աստուծոյ:

Իացց Կաթուղիկէ եկեղեցի՝ յորէ անախ մեծի Պենտեկոստէի՝ անընդմիջաբար ունի զսուրբ Հոգին լիակատար շնորհօք ընդ իւր բնակեալ. ուստի ան

ընդ միջաբար ունի և զլիակատար իշխանութիւն քահանայական պաշտօնէութեան՝ առ ՚ի լինել սպասաւոր Աստուածային խորհրդոյն, և ասել ՚ի բերանոյ հեղինակի այնր խորհրդոյ երկնաւոր Քահանայապետին « Ընէք կերէք այս է ճարֆն իմ . . . Արբէք ՚ի սըմանէ ամենեքեան այս է արիւն իմ » . որով փոխարկեալ լինի ճշմարիտ կենդանի ճարֆն և արիւն Արդւոյն Աստուծոյ՝ որ յերկինս է : Ըրբեմն Քրիստոս՝ յերկինս մարմնովն իւրով ընդ աջմէ Հօր, է և նովին մարմնովն Հաղորդութեամբ ընդ մեզ յերկրի մինչև ՚ի կատարած աշխարհի . զի եթէ ոչ լինէր հանապազ ՚ի մէջ եկեղեցւոյ ճարֆն և արիւն Արդւոյն Աստուծոյ, անտարակոյս ասեմ՝ զի և նա ոչ լինէր ընդ եկեղեցւոյ՝ որպէս ասացն, « Օգամենայն աւուրս՝ մինչև ՚ի կատարած աշխարհի » . Խաթի . ԻԸ . 20 :

Եւ ՚ի վերայ այսր լիակատար իշխանութեան եկեղեցւոյ՝ աստին երկինք նա և դերօրինակ Աստուածական մեծափառութիւն եկեղեցւոյ . զի Աստուածատուր քահանայական իշխանութեամբն այնուիկ՝ սպասաւորելով Աստուածագործ խորհրդոյն այնմիկ, ոչ միայն առնէ զայն վասն յիշատակի անձառելի տընօրէնութեան և խոնարհութեան Բանին Աստուծոյ, այլ և ուտելով և ըմպելով զայն Աստուածախսան ճարֆն և արիւն նորա՝ նովին Հաղորդութեամբ և մարդն աստուածանոյ : Ըհա լրումն ցանկութեան նախատեղծին Ադամայ, որ ուտելով ՚ի ծառոյն դիտութեաբար և շարի՛ կամէր անդէն աստուածանալ . իսկ այժմ՝ տեսանեն երկինք զԱստուած մարդացեալ, և ՚ի նմանէ Աստուածական մեծափառութիւն շնորհեցեալ իւրումն եկեղեցւոյ . զի որ էազ զմարմին մեր մահկանացու ըստ մարդկութեան, ետ փոխանակ զայն ճարֆն իւր խառն ընդ իւրում անմահ Աստուածութեան : « Ի՛վ մեծի տուր և առութեան » .

Լ՝մբ. Սրբի. որ եղև ընդ երկնաւոր վաճառականին .
զի մարդիկ ետուն թանին Աստուծոյ սոսկ մարդկային
մարմն և արիւն մահականացու , և առին 'ի նմանէ Աս-
տուածախառն մարմն և արիւն կերակուր անմահական :
ԼԷ զայն շնաշխարհիկն շահեկանութիւն յայնժամ
ստացաւ եկեղեցին , յորժամ Տէրն փառաց բողմեալ
յԸնթրիս խորհրդոյ՝ բաշխեաց նմա զմարմն իւր և
զարիւն ուտել և ըմպել , և զայն պատուիրեաց վասն
ուտելոյ և ըմպելոյ հանապազ առնել , և վասն յիշա-
տակի իւրոյ առնել :

Ըրդ՝ խորհուրդն այն ահաւոր՝ ըստ որում վասն
յիշատակի մահուանն Քրիստոսի , է Քահանայադոր-
ծութիւն . որ հոգեհնուադ ընթերցանութեամբ և
խորհրդաւոր արարողութեամբ կատարի բանիւ Ե-
կեղեցւոյ 'ի ձեռն քահանային : Իսկ ըստ որում 'ի
մարմն և յարիւն Փոխարկութիւն՝ է Աստուածագոր-
ծութիւն , որ կատարի յատկապէս բանին Աստու-
ծոյ 'ի ձեռս քահանային : Օր եկեղեցին ուտէ և ըմ-
պէ ունել կեանս յանձին իւրում . քանզի ասաց Տէ-
րն , « ԼձԹէ ոչ կերթիք զմարմն Որդւոյ մարդոյ , և
արբիք զարիւն նորա , ոչ ունիք կեանս յանձինս » (Յ՝Վ .
Չ . 54 . վասն այնորիկ պատուիրեաց ասելոյ « Օյոյս
արասիք առ իմոյ յիշատակի » :

Ի զիւր դու ևս միւսանգամ , զի ոչ պատուիրեաց
այնպէս առնել , այլ շայն առնել . զի զար ինքն արար ,
ոչ եթէ իբրև օրինակ ցուցանէր իւրումն եկեղեց-
ւոյ , որպէս յետ լուանալոյն զոսս աշակերտոց իւ-
րոց՝ պատուիրեաց նոցա և ասէ , « (Օրինակ մի ետու-
ես ձեզ , զի որպէս ես արարի՝ և դուք առնիք » .
Յ՝Վ . ԺԳ . 15 : Վասն որոյ և մեք առնեմք 'ի մէջ
եկեղեցւոյ 'ի յիշատակ ծայրագոյն խոնարհութեան
նորա . բայց զխորհուրդ Մարմնոյ և Արեան իւրոյ զոր
արար՝ և պատուիրեաց առնել , ոչ թէ ըստ նմանու-

Թեանն ստի առ ՚ի յիշատակ , այլ իսկապէս շոյն առնել . վասն այնորիկ շասաց թէ այսպէ՛ս արասջիք , այլ թէ՛ շոյ՝ արասջիք : Ս ՚ի եթէ ասացեալ էր այսպէ՛ս առարասջիք , թե՛րևս օրինակ լինէր այն . և ասել , Չայս՝ օրինակ ետու ձեզ , զի և դուք ըստ նմանութեան սմին արասջիք առ իմոյ յիշատակի . և այնպէս Պատարագն եկեղեցւոյ ոչ լինէր փոխարկու թեամբ ճշմարիտ ճարտիւն և արիւն Որդւոյն Աստուծոյ , այլ լինէր ըստ անվաւեր արարողութեան աղանդաւորաց՝ զուրկ ՚ի Հաղորդութենէ՛ ստի յիշատակ : Ի՛տոյց ասելովն շոյ՝ առարասջիք , յայսնի կամեցաւ ասել թէ՛ Չայս ճարտիւն և զարիւն իմ՝ զոր արարի , և զոր կերայք և արբիք , արասջիք և դուք սւտել և ըմպել . որով և « Յիշատակ իմ առնիցէք մինչև եկից ևս միւսանգամ » . Ըր :

Եւ ասա ըստ այնմ Աստուածային պատուիրանին պաշտէ եկեղեցի սուրբ զխորհուրդն ահաւոր , որ կատարի Հոգւով սրբով ՚ի ձեռս քահանային . զի չէ քահանայն տիրապէս կատարիչ այնր խորհրդոյ , այլ սպասաւոր խորհրդոյն կարգեալ ՚ի Քրիստոսէ , զի փոխանորդաբար ասացէ զԲանն էական : Այսն զի Քրիստոս է որ տիրապէս փոխարկէ գհացն ՚ի ճարտիւն և զբաժակն յարիւն իւր՝ գործակցութեամբ համադոյակից Հոգւոյ կենդանարարին . անդ երևու թաբար ինքրն իսկութեամբ , և աստ աներևու թաբար նոյն ինքրն էութեամբ : Այսն այնորիկ յառաջ քան զփոխարկութիւնն գեղեցիկ խորհրդով երգեմք ասելով , « Քրիստոս ՚ի մէջ մեր յայսնեցաւ . որ էնն Աստուած աստ բազմեցաւ » . զի յանուն նորա ժողովեալ Ողջունեմք զմիմեանս ՚ի համբոյր սիրոյ և խաղաղութե , որով յայսնեալ լինի Քրիստոս ՚ի միջի մերում , աներևութապէս բազմեալ ՚ի վերայ սրբոյ Սեղանոյն՝ առ ՚ի կատարել զառաջակայ զխորհուրդ սուրբ Հաղորդութեան , զի Քրիստոս մատուցանէ անդ Պատա-

բազ , և « Պատարագ Քրիստոս մատչի Գառն Աստու-
ծոյ » : Ի այց սրբ « Զանձինս առ իմաստունս ունէին » ,
Հով. Ա. 22 . յայնմիկ ևս ուղիղ համարեցան ըն-
թեռնուլ « Վրիստոս 'ի մէջ մեր յայանեսցի , որ էնն
Աստուած աստ բազմեսցի » : Եւ ոչ միայն 'ի պատա-
րագամատոյց գիրս համարձակեցան , այլ և դարձեալ
կան վարդապետք նոցին՝ զբանս ոմանս հոգեւնուագ
Շարականին փոփոխել յանդգնեցան . որոց եթէ չէր
այլով իւրիք հասեալ 'ի վերայ հայր ոմն աստուածա-
բան , փոքր մի ևս զՇարականն առնէին իբրև զխե-
լագատակս իւրեանց՝ անարգ խառնարան . այլ մեք
զոր 'ի նախնի Հարցն սրբոց որպէս ընկալաք , պար-
ծիմք զնոյն մինչև 'ի վախճան անփոփոխ՝ և առանց
ինչ յաւելոյ կամ յսպաւելոյ ունել :

Սե՛ծ են այս պարծանք արդարև Հայաստանեայց
եկեղեցւոյ , որ ոչ յանձն առնու երբէք՝ թէ և ողջա-
միտ և ուղիղ վարդապետութեամբ՝ յաւելուլ զմաւ-
նիկն այն Լատինաց 'ի Նիկիական հանդանակին . զի
չատ է յաղթամատոյց գիրս և յեկեղեցական եր-
գաբանութիւնս իւր համաձայն ընդհանրական եկե-
ղեցւոյ գաւանիլ զսուրբ Հոգին՝ « Հոգի Հօր և Առ-
դւոյ » . զի ուսեալ է 'ի սրբոյ Լուսաւորչէն իւրմէ
զայն բարձրագոյն աստուածաբանութիւն , « Հայր
յանձնէ՝ Արդի 'ի Հօրէ՝ Հոգին սուրբ 'ի նոցունց
եութենէ » . և ուրեք նաև « 'ի նոցունց և 'ի նսսին » :
Եւ առ պարզութիւն բանիս դեղեցիկ է օրինակն՝ զոր
ցուցանէ մերս Շնորհալին 'ի գիրս Յիսուս որդին ,
և ըստ նմին օրինակի ունիմք զմիտս մեր իբրև Զուր
մաքուր և պայծառ՝ հանդէպ Երբեակ և մի անբա-
ժանելի լուսոյն Աստուածութեան , արդ հաւատամք ,
զի Հայրն լոյս՝ 'ի Զուր ծագեալ . և լոյս Արդին՝ 'ի
Հօրէն լուսոյ ճառագայթ ներգործեալ . և լոյս Հո-

գին որ 'ի Հօրէ ելանէ՝ 'ի Ճառագայթէ անտի ծաւալ առեալ . վասն այնորիկ երգէ մերս Եկեղեցի , «Նոյն և նման Հօր և Որդւոյ , Հօգիդ անեղ և հաճագոյ . բղխումն Հօր անքննաբար , առող յՈրդւոյ անճառաբար » . Շար . այլ մի՛ երկարելով և մեք լիցուք ժամալաճառ , դարձցուք վաղվաղակի 'ի նըպատակ մեր :

Արդ՝ լուար , զի Աստուածագործութիւնն այն 'ի սուրբ Վերնատան՝ չէր օրինակական , և ոչ փոխարինական կամ վարկողական . քանզի ոչ ասաց Քրիստոս՝ Թէ զայս հաց կերէք , և զայս բաժակ արբէք փոխանակ Մարմնոյ և Արեան իմոյ . կամ Թէ այս հաց և Բաժակ համարեսցի ձեզ իբրև ճարճին և աբիան իմ . Րստ որում յետ ջրհեղեղին՝ յորժամ մարդիկն չէին սովոր տակաւին զմիս ուտել , այլ պողովք և բուսովք կերակրէին , հրաման ետ Տէր ուտել զմիս անասնոց սրբոց առանց խղճի . վասն որոյ ասէր՝ «Իբրև զբանջար խոտոյ ետու ձեզ զամենայն » . Օճնդ . Թ . 3 . յայնմհետէ սկսան ուտել զմիս առանց խղճի՝ որպէս ուտէին զբերս երկրի . և ոչ Թէ միսն եղև նոցա իսկապէս բանջար խոտոյ : Բայց 'ի Վերնատանն խորհրդոյ՝ ոչ եղև այնպէս . զի այն ինչ ասաց Յիսուս վասն Հացին՝ Թէ այս է ճարճին իմ , և վասն Բաժակին՝ Թէ այս է աբիան իմ , ոչ մնաց տեղի ինչ վարկման կամ փոխանակի . այլ եղև ճշմարիտ ճարճին և աբիան Տեառն մերոյ Յիսուսի Քրիստոսի :

Յորժամ տեսանէին Հրէայք՝ զի 'ի ձեռն Յիսուսի խուլն լսէր և համբն խօսէր , զարմացեալ ասէին Թէ «Մասպիսի ինչ երբէք ոչ տեսաք » . Սարկ . Բ . 12 . և եթէ մեծ հրաշք են առաջի մարդկան՝ խլից լսել և համերց խօսիլ , իսկ այս անլուր և անօրինակ հրաշագործութիւն , այն է՝ Հացն և Գի-

նին ճշմարտապէս կենդանի մարմին և արիւն լինել՝
զինչ երևեացի :

Դնձկայր Մովսէս գիտել զանունն Ատուծոյ ,
պատճառէր զհարցումն ժողովրդեան Խորայէլի և ա-
սէր . « Հարցանիցեն զիս՝ թէ զինչ է անուն նորա .
զինչ ասացից ցնոսա . Եւ ասէ Ատուած ցՄովսէս ,
ես եմ Ատուած որ էն ո . Եւ . Գ . 13, 14 : Անուն
անսահմանելի . Անուն անաւոր և անասելի ընդ բե-
րան ժողովրդեան հնոյն Խորայէլի . բայց 'ի մեզ՝ Ա-
նուն Ատուծոյ մարդացելոյ և ընդ մարդկան բնա-
կեցելոյ՝ օրհնաբանեալ ընդ բերան ժողովրդեան նա-
րոյս Խորայէլի : Այլ ամենառատ մարդասիրութեան .
քանզի որ էն վերանստեալ 'ի քառակերպեան հրա-
նիւթ 'ի յաթոռ փառաց , 'ի հինգերորդում աւուր
մեծի եօթնեկին՝ ընդ աշակերտսն բազմեալ 'ի սեղան
խորհրդոյ , առեալ 'ի ձեռս հոյ և բաժակ՝ Էական
բանիւն իւրով փոխարկէ և փրկութիւն հրաշագոր-
ծէ , որում ցանկայր 'ի սկզբանէ . քանզի ասէր , « Յան
կանալով ցանկացայ զայս պասեք ուտել ընդ ձեզ՝
մինչ չե չարչարեալ իցեմ ո . 'Ար . ԻԲ . 13 :

Արդ՝ որոյ Անունն էական անլուր և անսահմա-
նելի , նորին և յայս խորհուրդ բանն էական՝ անլուր
և անճառելի . զի ոչ որ 'ի յաւիտենից կոչեցաւ որ էն ,
բայց միայն Ատուած . և ոչ սիրտ ուրուք խորհեցաւ
կազմել այսպէս անօրինակ սեղան խորհրդոյ , բայց
միայն որ էն Ատուած . վասն զի աշակերտաց իւրոց
Հոց մատուցանէ՝ և ասէ թէ մարմին իմ է . Բաժակ
մատուցանէ՝ և ասէ թէ արիւն իմ է : Եւ զիարդ կա-
րէր լինել , և կամ զիարդ կարէ նոյնն հանապազ լի-
նել . վասն զի Ատուած է գործողն , Ատուածային
է գործն , և Ատուածապէս գործողութիւնն , զոր
յառաջ խոստացաւ 'ի ժողովրդեանն մինչ ուսուցա-

նէր 'ի Կափառնայում. ուր ասէր թէ՛ « Զայն զոր
ես տաց՝ Տարֆն իմ է ո. Զով. Զ. 82 :

Տէս՝ թէ խոստամբն այն որ 'ի Կափառնայում,
որպէս հաստատէ զհաւատս մեր 'ի խորհուրդն ա-
հաւոր. զի վասն հացին ասէր թէ՛ « Զոր ես տաց ո,
և ոչ ասէր թէ տամ. զի շէր անդանօր ներկայապէս
հաց 'ի ձեռս առեալ. այլ զոր կամէր տալ յետ սա-
կաւուց, զայն խոստանայր: Կբրու կամէր ասել թէ՛
'ի ժամանակի յորժամ բազմիցիմ յԸնթրիս խորհրդոյ
իմոյ, անդ տալոց եմ զԶայն զայն. վասն այնորիկ ա-
սէր « Զայն զոր ես տաց ո. իսկ վասն էութեան խոր-
հրդոյն որ է Տարֆն իւր, զայն ներկայապէս ցուցա-
նէր յասելն « Կարմին իմ է ո. վասն զի որ էն Մարմին
եղեալ, այն իսկ էր ներկայապէս « Զայն կենդանի,
որ յերկնից իջեալ ո. Զով. Զ. 82 :

Ասիցես. ապաքէն Տարֆնն Քրիստոսի հաց էր ու-
տելի և արիւնն բաժակ ըմպելի: Պատասխանեմ. որ-
պէս 'ի վեր անդր ցուցաւ 'ի բանի Փոխարկութեան,
նոյնն իմա՛ և յայսմիկ բանի էութեան. զի ոչ նմա-
նութեամբ ինչ կամ յարմարութեամբ փոխանակ հա-
ցին կերակրոյ և բաժակին ըմպելոյ, այլ ճշմարիտ
կերակուր և ճշմարիտ ըմպելի. որպէս ինքն ասէ.
« () 'ի Տարֆն իմ՝ ճշմարիտ կերակուր է, և արիւն իմ՝
ճշմարիտ ըմպելի է ո. Անդ. Զ. 86. զորմէ ճշմարիտ
ասելով՝ 'ի նմանութենէ կամ 'ի փոխանակութենէ
ամենևին անմասն և անբաժին ցուցանէ:

Թերևս սնդիցէ նորաղանդն՝ զայդ ինչ յայլա-
բանական միտս իմանալ ըստ հակառակ ոգւոց իւ-
րեանց. բերեալ ընդ առաջ՝ թէ այլ ուրեք ասէ Յի-
սուս զանձնէ իւրմէ « Կս եմ որթն ճշմարիտ՝ և Հայր
իմ մշակէ ո. Զով. ԺԵ. 1. որ թէպէտ ճշմարիտ
որթն եմ՝ ասէ, բայց պարտ է յայլաբանական միտս
իմանալ: Պատասխանեմ. յայսմիկ ճշմարիտն ասա-

ցեալ՝ տեսանի միայն զնիւթոյն, որ է որթն նմանու-
թեամբ առեալ, որ չէ կարգեալ ՚ի կիրառութիւն
ուտելոյ կամ բմակելոյ: Այլ ՚ի Հաղորդութեան՝ և՛
յառաջին մասին և՛ յերկրորդ մասին՝ ճշմարիտն ի-
մացեալ լինի ՚ի վերայ նիւթոյ և կիրառութեանց նո-
ցին, որպէս թէ ասէր, Տարֆն իմ է ճշմարիտ հաց՝
որ ձեզ ճշմարիտ կերակուր, և արիւն իմ ճշմարիտ
բաժակ՝ որ ձեզ ճշմարիտ բմակելի, նա մանաւանդ՝
յայտ է այն լինել նմանութիւն ՚ի բանից անտի, զոր
Յիսուս յարէ զինի՝ ասելով աշակերտաց իւրոց, «Աս
եմ որթ՝ և դուք ուս, որ հաստասեալ է յիս՝ և ես
՚ի նա, նա բերէ ստուղ յոյժ »: Յովհ. ԺԵ. 5: Արդ՝
որպէս ըստ յարմարութեան բանին իւրոյ զՀայր իւր
մշակ անուանէ՝ և զաշակերտսն ուս, նոյնպէս և
զինքն յարմարութեամբ որթ անուանէ, ուր ճշմա-
րիտն ասելով զհագեցեցոյց վարդապետութիւնս իւր
՚ի ձեռն աշակերտաց իւրոց յոյժ արգասաւոր լինել
ցուցանէ: Սակայն ՚ի խորհուրդ սրբոյ Հաղորդութեան՝
որպէս Հայն և Բաժակ՝ Էական բանին է գոյացա-
բար Տարֆն և արիւն իւր, ճշմարիտ կերակուր՝ և ճր-
մարիտ բմակելի, նոյնպէս և Էական բանին իւրով
Տարֆն և արիւն իւր հաղորդաբար ճշմարիտ կերակուր՝
և ճշմարիտ բմակելի, վասն որոյ ասէր, «Օ ՚ի Տարֆն
իմ՝ ճշմարիտ կերակուր է, և արիւն իմ՝ ճշմարիտ բմ-
ակելի է »: Յովհ. 2. 56:

Բարեւ, Քրիստոս ՚ի հաց փոխարկեալ: Աստուա-
ծարանութիւնն հոգեբարբառ՝ ուսուցանէ զերբանն
ուղղափառ խոստովանիլ համարձակաբար՝ թէ Քր-
իստոս է հաց կենդանի և կենդանաբար, զի և Թա-
գաւորն Սաղիմայ Մելքիսեդեկ քահանայ յնձայել
անդ Աբրահամու հօրն հաւատոյ՝ անդուստ ՚ի հե-
ռուստ ամաց անտի՝ հացիւն և դինեաւն այնուիկ
զայս ճշմարտութիւնն ցուցանէր, Օննդ. ԺԴ. 18:

նա և մարդարեքն տեսանելով զայս՝ ընդ տեսակաւ
Առաջաւորաւ թեան հացին խորհրդաբար գուշակելն է
Լը ընդ էր է ինձ վասն ճշմարտութեանս սցարիկ ընդ
հեռաւորս շրջիլ տատանիլ. Տէրն մեր յայնժամ Թեմ
րիս խորհրդոյն իւրոյ՝ որով բանիւ փոխարկեաց ըզ-
հացն 'ի ճարփն իւր. ոչ ապաքէն այ՝ է ճարփն ի՞մ ասե-
լով. և ահա նոյն Կահան բան էր անդրադարձաբար՝
զոր յառաջն ասաց 'ի Կախառնայում, " Լը և Էմ հացն
կենաց ", (Յովն. Զ. 48. որ ոչ ըստ տեսութեանն տե-
սակաց Մարմնոյ և Արեան իւրոյ, և ոչ ըստ տեսու-
թեանն տեսակաց Հացին և Բաժակին, այլ ըստ էու-
թեանն անձառելի խորհրդոյն՝ Քրիստոս Աստուած է
ճշմարիտ Հաց կենդանի, և հաց և բաժակն Աստուա-
ծադորձեալ՝ ճշմարիտ ճարփն և արիւն կենդանի. վասն
զի զորութիւնն Աստուածաբան բանին այնորիկ՝ ոչ մի
այն 'ի կողմանէ աստի գոյացութեան հացին և բա-
ժակին ստ. ճարփն և յարիւն Քրիստոսի հաւատով տե-
սանի, այլ և 'ի կողմանէ անտի անձառելի Հաղորդու-
թեան Մարմնոյ և Արեան նորա՝ ստ. հաց և 'ի բա-
ժակն Աստուածադորձեալ :

Ըստ խոստովանութիւնն ուղղափառաց՝ է գիտակ
սրանչելի, որոյ յերկուց ծայրից ևս և թէ հայեցիս
ըստաւոր հաւատոյ սկամբ, միտոյէս մերձեցում ցանէ
տեսողութեան քոյ զերկուց չհեռաւոր նպատակին.
և յայտնապէս ցուցանէ՝ թէ Քրիստոսն Յիսուս որ
յերկինս ընդ աջմէ Հոր՝ նոյն ինքն Աստուածադորձ
փոխարկութեամբ անձառելի խորհրդոյն իւրոյ՝ է և
ընդ մեզ Կաթուղիկէ եկեղեցւոյ. " Ար մատուցեալ
միշտ՝ և անստիպաս մնաց 'ի լրութեան, յարակայ զե-
նեալ 'ի սղանդարանի անթիւ սեղանոյ անսպառու-
թեամբ, բոլոր յամենեւին՝ և ընաւ յամենայնում,
էտ թեամբ յերկինս՝ և իսկու թեամբ 'ի ստորինս,
աննուաղ մարդկու թեամբ՝ և անթերի Աստուածու-

Թեամբ, փշրեալ՝ և բաշխի 'ի մատունս անհատոս, զի զհամայնն հաւարեցէ առ 'ի նոյն ճարփն իւրու մն գրե-
խոյ ո. Ա. ար. ԽԵ :

Յայս ատուած իմաստ մերս Նարեկեան սրբա-
նուէր աղօթից՝ զիւրաւ բացատրի դաւանութիւն
եկեղեցւոյ 'ի սքանչելի խորհուրդ սրբոյ Հաղորդու-
թեան. զի Տէրն մեր՝ որ յերկինս յաթոռ իւրում,
նոյն ինքն 'ի Տաճար սուրբ իւրում միշտ պատարա-
գի անսպառութեամբ, և յիւրաքանչիւր 'ի փշրեալ
մատունս անաւոր խորհրդոյն՝ է իսկապէս բոլոր
մարդկութեամբն և համայն Ատուածութեամբն :
Ուրեմն մասն ինչ Ատուածսգործեալ Հային և Բա-
ժակին՝ ոչ թէ մասն ինչ է Մարմնոյ և Արեանն Քր-
բիտոսի, այլ ամբողջապէս բոլոր ճարփն և արիւն նորա.
զի որպէս 'ի պատարագել քահանային փոքրիկ հաց
և սակաւ բաժակ՝ փոխարկելով Հողոյն սրբոյ գոյ-
անայ ամբողջ ճարփն և արիւն Քրիտոսի, նոյնպէս և
լստ տեսակին փշրեալ փոքրադոյն մասն Ատուածա-
գործեալ Հային և սակաւագոյն հիւթոյ Բաժակին
փոխարկեալ գոյացութիւնն անփշրելի դողով 'ի նո-
սին՝ է ամբողջ ճարփն և արիւն Որդւոյն Ատուածոյ. որ
հաղորդելովն հաւարէ իբրև զանդամս զեկեղեցի իւր
առ ինքն՝ իբր 'ի գլուխ Եկեղեցւոյ :

Յաղագս՝ իէ Բրիտոս է գլուխ Եկեղեցւոյ,
և ոչ Պետրոս :

Քանզի ընդհանրական Եկեղեցի այնու հաղոր-
դութեամբ է խորհրդական անդամ միայնոյ Գլխոյն
իւրոյ Քրիտոսի. և Գլուխն այն՝ որ է կերպարանն
Ատուածոյ Հօր, « Ոչինչ յափշտակութիւն համարե-
ցաւ զինն ինչ հաւասար Ատուածոյ. Այլ զանձն ունայ-
նացոյց, զկերպարանս ծառայի առ ետ ի նմանութիւն

մարդկան եղեալ, և կերպարանօք գտեալ իբրև ըզմարդ . Խոնարհեցոյց զանձն , լեալ հնազանդ մահու չափ՝ և մահու խաչի . Վասն որոյ և Աստուած զնա առաւել բարձրացոյց . և շնորհեաց նմա անուն՝ որ ՚ի վեր է քան զամենայն անունն . Փիլիք . Բ . 6 — 9 : Իսկ որ անուն է այն ՚ի վեր քան զամենայն , շնորհեցեալ ՚ի բարձրելոյն Հօրէ Աստուծոյ՝ խոնարհեցելոյ Որդւոյն Աստուծոյ . ոչ լուաւ եկեղեցին յատուկ պատկանեալ ՚ի մարմնացեալ Աստուածն քան՝ անուն վերագոյն քան զամենայն , բայց միայն անունն Գլուխ անկեան : Թէպէտ և ՚ի մէջ հնոյ ստուերական եկեղեցւոյն զնազան անուանք յարմարութեամբ ասացեալ լինէին ՚ի գուշակողաց զգալոց Մեօխայէն , որպիսիք են՝ Ակնկալութիւն հեթանոսաց , Հրեշտակ ուխտի , Հրեշտակ մեծի խորհրդոյ , Հայր հանդերձելոյ , Հոգի երեսաց , Պահապան Իսրայէլի , և այլ բազում . այլ քան զամենայնն ճահաւորագոյն և յատուկ պատկանեալ առ գալոց Մեօխայն յանարգանս ՚ի շարչարանս և ՚ի մահ , էր միայն ասացեալն ՚ի Մարգարէէն՝ Սէմ , Գլուխ անկեան , Սուլ ճժԷ . 22 . զոր բացատրէ Առաքեալն ասելով , « Սէմն էր ինքն Վրիստոս » , Ա . Կրն . Ժ . 4 : Օրմէ և սուրբն Պետրոս Հոգւով սրբով լցեալ ատենաբանէր առաջի իշխանաց ժողովրդեան և երիցանց Իսրայէլի . « Եւս է վէմն անարգեալ ՚ի ձէնջ շինողաց , որ եղև Գլուխ անկեան . եւ չիք այլով իւրք փրկութիւն . զի և ոչ անուն այլ գոյ ՚ի ներքոյ երկնից տուեալ ՚ի մարդիկ , որով արժան իցէ կեալ մեզ » . Գործ . Գ . 11 , 12 :

Իայց ՚ի մէջ նորոյս ճշմարտութեան եկեղեցւոյ՝ Սէմն այն եկեալ Մեօխայն կոչեցաւ Գլուխ եկեղեցւոյ . « Որով ունիմք զփրկութիւն Արեամբն նորա , և զԹողութիւն մեզաց Մարմնովն նորա : Որ է պատկեր աներևութին Աստուծոյ , անդրանիկ ամենայն

արարածոյ . Օ ի նովաւ հաստատեցաւ ամենայն, որ
ինչ յերկինս՝ և որ ինչ յերկրի, որ երևին՝ և որ ոչն
երևին . եթէ աթոռք, եթէ տէրութիւնք, եթէ
պետութիւնք, եթէ իշխանութիւնք . ամենայն ինչ
նովաւ՝ և ՚ի նոյն հաստատեցաւ . Եւ նա է յառաջ
քան զամենայն, և ամենայն ինչ նովաւ եկաց բովան-
դակ : Եւ նա է Գլուխ մարմնոյ եկեղեցւոյ ո . Կրդ .
Ա . 14 — 18 : Եւ արդարեւ կոչեցաւ Գլուխ եկեղեց-
ւոյ, վասն զի նա է Շինող, նա է Տէր, նա Իշխան,
նա Փրկիչ և Կեցուցիչ եկեղեցւոյ . և ամենայնն բու-
վանդակի ՚ի մի բան ասել՝ Գլուխ եկեղեցւոյ :

Այլ թէպէտ սուրբն Պետրոս ևս ասացաւ գլ-
լուխ եկեղեցւոյ, բայց զանազանեալ այնչափ հեռա-
ւորութեամբ՝ որչափ ընդ մէջ է՝ Տեառն և ծառայի,
ընդ մէջ Պաշտելոյ և պաշտողի, ընդ մէջ Դաւա-
նելոյ և դաւանողի, ընդ մէջ Երկրպագելոյ և եր-
կրպագողի, ընդ մէջ Աստուծոյ և մարդոյ՝ Արարչի
և արարածոյ . որ է ասել՝ անհասանելի հեռավորու-
թեամբ : Օ ի յորժամ ասեմք զՔրիստոսէ Գլուխ ե-
կեցւոյ, ասեմք տիրապէս և բացարձակաբար . որում
առնչաբար հետեւի խորհրդական անդամ Աթուղի-
կէ եկեղեցի, որ է ժողովն ուղղափառ հաւատացե-
լոց և մկրտեցելոց յանուն Հօր և Որդւոյ և Հոգւոյն
սրբոյ . որք և հաղորդին ՚ի ճարմին և յարինն տէրու-
նական : Իսկ ասելով զՊետրոսէ գլուխ Առաքելոց,
ոչ հետեւի թէ Առաքեալքն իցեն խորհրդական ան-
դամք Պետրոսի . քանզի այնք ամենեքին Պետրոսիւ-
հանդերձ՝ են ամբողջ և լրացեալ անդամք միոյ Գլու-
խոյն Քրիստոսի :

Ըպաքէն բառն Գլուխ եկեղեցւոյ՝ ՚ի Քրիստոս
և ՚ի Պետրոս այնու զանազանի, զի ՚ի Պետրոս է ա-
նուն յարդական և առասական . իսկ ՚ի Քրիստոս՝

անուն իսկական և բուն Աստուածաբանական . վասն այնորիկ առանց ասելոյ զանունն Քրիստոս՝ միայն ասելով Գլուխ եկեղեցւոյ , նշանակէ զՔրիստոս՝ որ տիրապէս ինքնին է Գլուխ եկեղեցւոյ . զի է յաստուածական նմա , և անփոխադրելի ումեք յանդամոց նորա . վասն զի անդամն՝ որչափ և սրտուականագոյն իցէ , ըստ որում անդամ՝ չէ՛ գլուխ : Իսկ առանց բացայայտելոյ զանունն Պետրոս՝ ոչ կարեմք ասել գլուխ եկեղեցւոյ . այլ զոր ասեմք գլուխ Առաքելոց , է ասել գլխաւորն կամ առաջինն ՚ի մէջ Առաքելոց . զի նա եղև առաջին դաւանող զՔրիստոսն Որդի Աստուծոյ , յորմէ կացուցաւ գլուխ և առաջնորդ . և վասն առաջնութեան հաւատոյ իւրոյ՝ անուանեցաւ Վէ՛մ եկեղեցւոյ : Որպէս ոմն ՚ի սրբազան Հարցն մերոց շնորհալի վարդապետութեամբ ասէ . « Որոշեաց ՚ի մարդկային անկարգ գնացից զքնարեալսն ՚ի սկզբանէ , զորս և առաքեալս անուանեաց , և կացոյց նոցա գլուխ և առաջնորդ զերջանիկն Պետրոս : Եւ Պետրոս յորժամ ասեմ՝ զո՞ ասեմ , զայն՝ որ դաւանեաց զՈրդի ՚ի բնութենէ Հօր . և մեծագունի երանութեան արժանաւոր եղև . Վէ՛մ անուանեցաւ՝ և ՚ի հիմունս եկեղեցւոյ եդաւ » . Սորճիս Թիմ :

Ի՛այց Քրիստոս ինքնիշխան տէրութեամբ և հեղինակութեամբն իւրով է խորհրդական Գլուխ եկեղեցւոյ . ուստի ոչ պատկանի ասել զնմանէ գլխաւոր եկեղեցւոյ , զի գլխաւորն չէ՛ տիրապէս գլուխ . այլ պատկանի զՊետրոսէ՝ որ չէ՛ տիրապէս գլուխ , այլ վասն առաջնախօս լինելոյ ՚ի դաւանութե՛ն՝ եղև գլխաւոր և առաջին ՚ի կարգի հիմանց շինութեանն եկեղեցւոյ . և ահա յայս միտ ճանաչի Պետրոս գլուխ եկեղեցւոյ : Որոյ առաջնութիւնն կամ գլխաւորութիւնն փոխադրելի է յաջորդաց իւրոց . և որ իրաւամբ յաջորդ է նմա , իրաւամբ յաւանդէ և զգլխաւոր

ւորական պատիւ նորա . վասն որոյ 'ի մէջ տիեզերա-
կան ժողովոյն եկեղեցւոյ՝ նմա անկ է բազմիւ գա-
հերէց . որ է « Սուրբ և առաջին ամենայն եպիսկո-
պոսապետաց հայրապետն Հռովմայ և փոխանորդն
Պետրոսի առաքելոյն » . Եւրկ . Իդէ :

Իսկ եթէ յաջորդն այն հայելով 'ի գերակայ ժա-
ռանդութիւն իւր՝ մեծամտեսցի, և զանձն իւր իբրև
զԱստուած՝ առանձին միշտ անսխալ ծանխցէ, որպէս
քարոզեն 'ի մերոց անտի հակառակորդք մեր, չգի-
տեմ՝ յորժամ կարգի հարկ լինի մեզ սալա զնա ճա-
նաչել : Եւ կամ եթէ ձեռն արկանիցէ կորզել և յինքն
ամիտփել զՔահանայատետական իրաւասութիւնա և
զՀովուապետական արտօնութիւն այլոց ազգացն Առա-
քելադիր Եպիսկոպոսապետաց, յայտնի անիրաւի և
մեծապէս մեղանէ . և զճայրագոյն քահանայապե-
տութիւն իւր՝ հպարտացեալ փոխէ 'ի ճայրագոյն
բանաւորութիւն . քանզի երջանիկն Պետրոս իւրով
իսկ Առաքելական գլխաւորութեամբ՝ ոչ կամեցաւ
երբէք յինքն կորզել զԱռաքելական արտօնութիւնն
այլոց Սեռասանից . և ոչ իսկ կարող էր կորզել . զի
ամենեքին նոքա ոչ թէ 'ի Պետրոսէ բնկալան զԱռա-
քելական իշխանութիւնն իւրեանց, այլ անմիջապէս
'ի Քրիստոսէ՝ քարոզել զհաւատս, աշակերտել զհե-
թանոսս, կապել և արձակել, և բացարձակապէս
հովուել զբանաւոր հօան Քրիստոսի և ածել 'ի փա-
րախ արքայութեանն Աստուծոյ : Եւ որք անմիջապէս
ձեռնադրեալք էին 'ի Քրիստոսէ, ինքեանք միջարար
ձեռնադրելին իւրաքանչիւր 'ի վիճակս յաթոս իւ-
րեանց՝ զո՛ր և արժան տեսանէին . և սհա այնու սահ-
մանադրութեամբ և անընդհատ յաջորդութեամբ
լինին ձեռնադրութիւնք 'ի մէջ Առաքելական եկե-
ղեցւոյ, զոր շինեաց Քրիստոս 'ի վերայ հաւատոյ վե-
մին Պետրոսի՝ անյաղթելի 'ի դրանց զժօխոց :

Եւ արդարեւ ՚ի սկզբն անեւ անտի շինութեան նորա՝ հետզհետէ երեւեցան չարափառք և ամբարիշտք, որք իբրև զդրունս դժոխոց բացին զերանս իւրեանց ՚ի վերայ սուրբ Եկեղեցւոյ. բայց ոչ կարացին երբէք, նոյնպէս և ոչ նորադանդք կարեն՝ և ոչ կարացեն երբէք յաղթահարել զնա. վասն զի Գլուխ նորա Քրիստոս է, զոր երկոցս անգամ փորձեաց սատանայ՝ և երկոցս խայտառակեցաւ առաջի նորա: Այլ ՚ի մտնութեանն գիշերի՝ յորժամ անսանէր զնա մարդ անկեալ ՚ի տողնոս երկիր շարչարանաց և մահու, համարձակեալ մերձենայր ՚ի նա՝ և որոնէր չարասէրն կործելով արատ ինչ մեղաց ՚ի նմա գտանել. զորմէ ասաց Տէրն, « Գայ իշխան աշխարհիս այսորիկ, և յիս ինչ ոչ գտանէ »: (Յով. Ժ. 7. 50):

Օրինչ գտեր ՚ի նմա չուսուեալդ և թշուառացեալդ սատանայ. մի թէ զվէմն Պետրոս կարծեցեր, զոր երբեմն կամէիր խտրալել իբրև զցորեան. որ և ՚ի գիշերին յայնմիկ դիւրաւ շարժեցաւ յերկիրէ աղջկանն ՚ի գաւիթ քահանայապետին, և երկոցս ուրացաւ զՏէրն մինչև նշանակեալ հաւն խօսեցաւ: Այլ այս է Վէմն անշարժելի՝ անսխալելի՝ վասն որոց հաւատալի և երկրպագելի, որ մարդկութեամբն իւրով աշխարհի յաղթեաց. և զիշխանդ աշխարհի դատապարտեաց, և զամենայն զօրութիւնս քո խպառխորտակեաց Վէմն երկնաւ որ՝ վէմն կենդանի՝ « գլուխ անկեան սպառուական, և որ ՚ի նա հաւատասցել՝ մի ամաչեսցէ »: Ա. Պեթ. Բ. 6:

Այլ սկզբնաչարն սատանայ՝ որ հանապազ ինդրէ հնարս քակտելոյ զմիաբանութիւն եկեղեցւոյ՝ կամելով կործանել զնա, թէպէտ քանիցս անգամ « Աւրեաց զաղեղն իւր և զընաիրսն վիրաւորեաց », թէպէտ « ՚ի տանէն զչարսն բուսուցանէր, և զվերակացուս խորանին՝ քակտիչս և քայքայիչս առադրէր », և

Ի վերջոյ Ս. Բ. բայց ոչ կարաց որպէս կամէրն յաղթա-
հարեալ. վասն այնորիկ կարեոր վարկաւ տաժամանակ
մի փոխել զարուեստ շարութեան իւրոյ, և կեղծա-
ւարեալ ցուցանէր զինքն իբրու նախնաձայնդիր ե-
կեղեցւոյ, և այնպէս զամանս յանմտաց անտի հրա-
պուրեաց, և խրատեաց զնոսա այնչափ ազգատեաց
լինել՝ մինչև զհայրենի լեզու ժողովրդեան մերոյ ջա-
նային իսպառ խափանել: Եւ որ առաւել ողբալի է
և սոսկալի լսելեաց, զուղղափառ եկեղեցին Հայաս-
տանեայց առաջի Քահանայապետին Հռովմայ Եւտի-
քական հերետիկոս համբաւել, որ և նա հաւատա-
լով բանից նոցին՝ առանց քննելոյ զԼուսաւորչական
դաւանութիւն մեր, ձեռնտու և զօրավիզն լինէր
նոցա՝ արկանել հերձուած ՚ի մէջ ազգին: Արբ թէ
բանիւ և թէ գրով խռովեցուցին զտկարսն և բա-
ժանեցին ՚ի մէնջ, ասելով թէ՝ որ ոչն է պապական,
դժոխական է, զի պարտ է բրիտաննէին հաւատալ ՚ի
Պապն Հռովմայ. որ յաջորդ դուով Պետրոսի առա-
քելոյ գլխոյն եկեղեցւոյ, նա է գլուխ եկեղեցւոյ.
և որ ոչն հաւատայ ՚ի Պապն՝ է արտաքոյ եկեղեցւոյ,
ուր չիք փրկութիւն. զի ոչ կարեն արձակիլ ՚ի կա-
պանաց՝ և ոչ ունին թողութիւն մեղաց:

Տեսանենս, թէ որպէս տայ խմանալ բանսարկուն
զգաւն Գլուխ եկեղեցւոյ՝ որ զՊետրոսէ ասացեալ,
մինչև հաւասարել զնա և զյաջորդս նորա Գլխոյն
և Աստուծոյն եկեղեցւոյ. և որ սոսկումն բերէ լսե-
լեաց, դաւանիլ զնոսա՝ անսխալ որպէս զԱստուած:
Վկայեալ անմիտ, յուժմէ՞ ուսար զմարդ առանձին՝
թէ և իցէ քահանայապետ, անսխալ լինել. և թէ ՚ի
գլխաւորութենէն Պետրոսի զայդ յառաջ բերես, ոչ
աղաքէն և նա առանց ընդհանուր միաբանութեան
եկեղեցւոյն՝ ինքնին սխալական էր, վասն զի մարդ էր:
Եւ զի ոչ ասաց Տէրն ցՊետրոս՝ թէ դրուեք զը-

ժոխոց գքեղ մի յաղթահարեացեն , այլ վասն եկեղեցւոյն ասաց՝ թէ գրունք զժոխոց զնա մի յաղթահարեացեն . որ է մի միայն Աթուղիկէ և Առաքելական սուրբ եկեղեցի . զոր շինեաց Քրիստոս արդեամբ շարչարանաց իւրոց 'ի վերայ վիմին բանի , Վէմն երկնաւ որ՝ վէմն կենդանի՝ « գլուխ անկեան պատուական , և որ 'ի նա հաւատասցէ՝ մի ամաչեացէ » . Ա . Պեթ . Բ . 6 : Վասն որոյ և մեք հաւատամք 'ի Վէմն յայն 'ի Գլուխ անկեան , յոր և Պետրոս հաւատաց . որպէս գրէ ոմն 'ի սրբազան Հարց արեմտեան եկեղեցւոյ , « Այլ մեք որ քրիստոնեայքս եմք և կոչիմք , ոչ 'ի Պետրոս հաւատամք . այլ յայն՝ յոր Պետրոսն հաւատաց , շինեալք Պետրոսի բանիւն որ զՔրիստոսէ » :

Եւ ահա այն հաւատալի և երկրպագելի Գլուխն անյաղթելի և անսխալելի եկեղեցւոյն իւրոյ՝ որպէս ասացաւ , Շինող է նորա , և Տէր է նորա , Իշխան և Փրկիչ և Կեցուցիչ է նորա . վասն այնորիկ յատուկ է Քրիստոսի տիրապէս անունն Գլուխ եկեղեցւոյ , որ է ասել՝ Ատուած եկեղեցւոյ . « Օ՛ր 'ի նմա բնակէ լըբումն Ատուածութեանն մարմնապէս » . Կր . Բ . 9 : 'Կմին իրի եկեղեցի հնազանդ է Գլխոյ իւրում յամենայնի . զի նոյն է ասելն՝ Գլուխ իմ Յիսուս , և նոյն է ասելն՝ Ատուած իմ Յիսուս . որպէս սուրբն Յովհաննէս 'ի հանգստեան իւրում ասէր , « Ի վեր է քան զամենայն ասելի և իմանալի անուն՝ Ատուած իմ Յիսուս » . Լ . ր ընդ ելէ :

Հուսկ ուրեմն ասեմ . սուրբն Պետրոս ասացաւ Գլուխ կամ գլխաւոր եկեղեցւոյ՝ ըստ որում ծայրագոյն անդամ եկեղեցւոյ . բայց Քրիստոս է Գլուխ եկեղեցւոյ՝ ըստ որում Ատուած եկեղեցւոյ , և ոչ թէ գլխաւորն եկեղեցւոյ Պետրոս . այլ Գլուխն եկեղեցւոյ Քրիստոս՝ խորհրդով Ատուածարուեստ Հաղորդու-

Թեան իւրոյ զանդամս իւր զեկեղեցի յինքն հաւա-
քէ . վասն այնորիկ « Յանուն Յիսուսի Քրիստոսի
ամենայն ծունր կրկնեսցի , երկնաւորաց և երկրաւո-
րաց , և սանդարամետականաց . Եւ ամենայն լեզու-
խոստովան լիցի , թէ Տէր է Յիսուս Քրիստոս 'ի փա-
ռւս Աստուծոյ Հօր Կ . Փիլէո . Բ . 10 , 11 :

Վարդապետի վերայ իրհրդոյ Հաղորդութեան :

Վարդ՝ որպէս Հայրն մի Հայր՝ միայնոյ Որդւոյ ,
նայնպէս և Որդին մի գլուխ՝ միայնոյ եկեղեցւոյ . և
չունի Քրիստոս զայլ խորհրդական անդամս , բայց մի-
այն զեկեղեցի՝ ըստ որում եկեղեցի : Այլեղեցին ևս
չունի զայլ խորհրդական գլուխ , բայց միայն զՔրիս-
տոս՝ ըստ որում գլուխ եկեղեցւոյ . առ որ հաւաքին
անդամք ըստ լուծեան՝ Հաղորդութեամբ կենդա-
նարար Մարմնոյ և Արեան իւրոյ , որ է Աստուածա-
հրաչ մեծագործութիւն , կամ մեծահրաչ Աստուա-
ծագործութիւն անլուր և անօրինակ : Հնչեսցուք ու-
րեմն 'ի լսելիս ամենեցուն զայն Աստուածուսոյց բան ,
զոր գրեաց ոմն վահանակիր քաջամարտիկ աստուա-
ծաբան , « Ոչ այս այն է՝ զորմէ ասէին թէ մասն Աս-
տուծոյ իցէ , այլ այս այն է՝ որ 'ի սիրտ մարդոյ ոչ
անկաւ Կ :

Իսկ արդ՝ անկարելի է մեզ ճառել զգերազան-
ցութիւն սուրբ Պատարագին : Մտցուք 'ի խորհրդ-
գաւոր արարողութեանց պաշտաման նորին սուղ ինչ
ընդ բան արկանել , որք առհասարակ հոգևորական
եղանակաւ շարժեն զսիրտս հաւատացելոց 'ի զճուճն
մեզայ՝ և յակնկալութիւն սրբարար շնորհաց . որով
արժանի լինին մատչիլ 'ի ճաշակումն անմահական
Հայցին և Բաժակին : Մյլ զի մի երկարեսցին բանք
մեր 'ի սմին , առցուք զբանս և զարարողութիւնս

որ զինի Հայր Բերին, յարժամ քահանայն զխորհուրդըն անաւոր 'ի անս ժողովրդեան վերառեալ ասեբարձրաձայն՝ 'ի Սրբո-վի-ան սրբոյ. յայնժամ ժողովուրդըն՝ որ խոստովանութեամբ և սպաշխարութեամբ պատրաստ է մատչիլ 'ի սուրբ Հաղորդութիւն, 'ի լսել յեղակարծումն զայն անկարծելի ձայն՝ յանկարծ այլ յայլմէ եղեալ անկանի 'ի տագնապ անհնարին, որպէս զի 'ի յուսոյն իւրմէ 'ի գերեւ ելանկիցէ. բայց անդատին իսկոյն 'ի միտս իւր եկեալ՝ խրատոյս սայ անձին, և յայլ կերպի զինքն քաջալերէ վերստին: Ասպա ոչ իբրև լալազին աղաչաւոր, այլ գողցես իբրև ընդգրկելի սիրուն բռնաւոր՝ մտանէ 'ի պայքար ընդ պատարագչին. վասն որոյ փոխեալ զձայն իւր անդանոր կրիւք տագնապին, յարտասուս հարեալ աղաղակէ սրաիւ զայրագին, գոչէ բարձրաձայն զսոսոյսն և զիրաւացին. « Միայն սուրբ, միայն Տէր, Յիսուս Քրիստոս, 'ի փառս Աստուծոյ Հօր »:

Եւ այնու բարձրաձայն գոչմամբ՝ զկիրս իւր յայտնելով կամի ասել, Ո՛վ սրբազան Պատարագիչ. մեք մեղաւորքս մտեալ յայս յարկ սրբութեան 'ի մերս քաւարան, զխտեմք՝ զի ոչ կարեմք մեզէն արժանի լինել սրբոյ Հաղորդութեան. այլ սպաւինեալ յողորմութիւն քարձրելոյն՝ կացեալ յանդիման սուրբ Պատարագիս, անկալեալ սպասեմք՝ զի արժանաւորացն աղօթակցութեամբ մերձեցուք յայդ 'ի սեզան անմահութեան, զի Արիւն Որդւոյն Աստուծոյ սրբեսցէ զմեզ 'ի մեղաց. զի նա է՝ ոչ միայն ըստ արդարութեանն Աստուծոյ Սրբո-վի-ան սրբոյ, այլ և ըստ մեծի ողորմութեան նորա՝ « Այեանք, յոյս, յարութիւն, քաւութիւն, և թողութիւն մեղաց »: զի եթէ մեք մեզէն սուրբ լինել կարող էաք, ապա քաւութեան և թողութեան անկարօտ լինէաք: Ի՞՞՞՞ Գու ասելով Սրբո-վի-ան սրբոյ, արգելուս զմեզ 'ի Հաղորդութենէ

Մարմնոյ և Արեան Փրկչին մերոյ : մի թէ յոյս հոգւոց և փափազ սրտից մերոց զուր և ունայն եղիցի . զի այն ինչ մեք յուսով ունին դիր լինել, և հայիլ 'ի Սրբու թիւնն յայն զաչս 'ի վեր ամբառնալ՝ վստահ արար զմեզ զուարթարար քարոզն Պօօխոմէ : դու զանակնունելին առ մեզ որոտացեր ձայնն սարսափելի 'ի Սրբո-թիւնն որոց, զն անդր քան զյոյս մեր . քանզի ո՞վ որ իցէ ինքնին սուրբ՝ սրում այդ ահաւոր խոր հուրդ՝ իցէ Սրբու թիւնն, թէ և մեք իբրև զհրեշտակս սուրբ և անարտո լինէսք, ո՞չ ապաքէն նորին իսկ ևս և ոչ յօրինակ սորին կարելին անձամբ մերձենալ . ուստի և Սերովբէն ունելեօք առեալ 'ի կայծականց անտի նու իրեցելոյ, Լ. Կ. Զ. Ե. մատուցանէր 'ի բերան Մարգարէին . իսկ մեք հողեղէնքս և մեղուցեալք՝ զհարդ կարացուք մերձենալ 'ի ճշմարիան օրինակին, Լ. Զ. զինչ ապա . զրկիցիմք ուրեմն խաղառ 'ի Սրբութենէ այսի Ատուածային Հաղորդութեան : Օ ի ոչ որ է որ յինքենէ սրբութեամբ արժանանայ հաղորդիլ, բայց եթէ սրբարար շնորհօք Հօգւոյն սրբոյ . և ոչ որ ինքնին է սուրբ, բայց « Միայն սուրբ, միայն Տէր, Յիսուս Քրիստոս, 'ի փառս Աստուծոյ Հօրո »

Արդ՝ զինչ մնայ մեզ առնել . որք միանգամ մը տեալ եմք յոյս Ատուածային խորան, ուր տեսանեմք զանմահ Թագաւորն փառաց բացեալ զիւր անսպառելի գանձարան, կարօտեալքս և տառապեալքս ունայն և գատարկաձեռն երանիցեմք, ոչ բնաւ . առ մենեխն սյդ մեզ անհնար : Այնդանի է Տէր՝ թէ ոչ դարձցուք աստի տնանկ ամաչեցեալ, յորժամ առատապէս բաշխին պարգևք Ատուածային շնորհաց . ոչ թողցուք զանձինս մեր մնալ 'ի ներքոյ ծանր պարտեաց, յորժամ Տէրն մեր արդեամբ փրկագործ չարչարանաց իւրոց՝ կենդանեաց և ննջեցելոց առհասարակ զպարտան հատուցանէ . ընդէր մնացուք մտա-

ներ ՚ի դատաստան արդարութեան արժանապէս կը
րել փոխարէն զպատիժ մեղաց, մինչ բացեալ է ա-
ռաջի մեր դուռն Աստուածային անհուն ողորմու-
թեան, ոչ գնամք աստի սովեալ ՚ի քաղց և ՚ի ծարաւ,
մինչ պատրաստեալ կայ առաջի մեր անմահական սե-
ղան Սրբութեան: Այլ սրբազան Պատարագիչ, գի-
տեմք՝ զի վասն ահաւորութեան մեծի խորհրդոյն ի-
րաւամբ երկնչիս ՚ի վերայ մեր, զի ո՞վ կարէ կալ ա-
ռաջի նորա. այլ վստահ եղիցի սիրաքո և մի զան-
գիտեր:

Ի վերայ Բարեխօսութեան Տիրմօր Կրօն:

Քանզի միաբան մեր ամենեքեան ունիմք բա-
րեխօս զՄայրն ամէնօրհնեալ, որ մատուցանէ զաղօ-
թըս և զաղաչանս մեր Որդւոյն իւրոյ. որոյ և բա-
րեխօսութիւնն առ Որդին իւր անտարակոյս ընդու-
նելի, որպէս ցուցաւ նախ ՚ի հարսանիսն անդ ՚ի Կա-
նա Գալիլեացոց. ուր արար Յիսուս սկիզբն նշա-
նաց, վասն զի Մայրն արար անդ սկիզբն աղաչանաց.
նա՞ զի ոչ կամէր Յիսուս տակաւին նշան ինչ առնել՝
քանզի չև էր հասեալ ժամանակ նորա, բայց և այն-
պէս՝ ոչ կարաց և Մօրն աղաչանաց անլսող լինել:

Այլ, սրչափ անոյշ էր այն հրաշալի գինին յար-
բումն ուրախութեան հարսանեաց բաղմականին, զոր
Յիսուս առնելով սկիզբն հրաշից, արար և սկիզբն
իւրոյ ճանապարհին դիմել ընթանալ ՚ի չորհարանս՝
ի խաչ՝ և ՚ի խաչին ըմպել զդառն և լեղին. զի որ-
պէս հարսանիքն այն էր գինւոյն կարօտեալ, նոյնպէս
և հրաւիրեալն Յիսուս լեղւոյն ծարաւեալ. վասն ո-
րոյ ՚ի խաչին աղաղակէր ասելով՝ «Ծարաւի եմ».
Յովհ., ԺԹ., 28: Եւ այնմ անհնարին դառն օշարա-
կին՝ զոր ըմպելոց էր Յիսուս ՚ի խաչին, խեղամուս

եղեալ և Մայրն յօրէ անտի բանից ճերուհի Սիմէօնին՝ կրէր զսուր խաչին իւրոյ Միածնի 'ի խորս իւրում սրտին . և այնպէս ընդ Միածին Որդւոյն իւրոյ յամենայն 'ի կեանս իւր 'ի չարչարանս և 'ի խաչհամաշաւիղ ընթանայր . ուստի յիրաւի է ասել, թէ մինչև էր խաչին լեալ Աստուածընկալ, Մայրն երանեալ եղև խաչընկալ . և մինչև տեսեալ երկիր ըզկուսածինն 'ի խաչին , տեսին երկինք զսիրտ կուսին 'ի խաչին՝ և զխաչն 'ի սրտի կուսին : Բայց և այնպէս՝ Մայրն ողորմութեան աղաչէր , և Որդին ողորմած՝ լսէր . նա՛ զի եթէ Մայրն չէր անդ և աղաչեալ, վստահ եմ ասել՝ զի ոչ արդեօք և Որդին զայն սկիզբն նշանաց անդանօր առնէր, քանզի չէ՛ էր հասեալ ժամանակ նորա . այլ ըստ հարկին՝ ժամանակ եղև հարսանեացն կարօտութիւն առ գինին զոր չունէին , և առ միջնորդութիւն կուսին զոր ունէին :

Յայսմիկ հաւատամք , թէ ուր Յիսուս և Մարիամ՝ անդ կարօտելոց լիութիւն , տրտմեցելոց ուրախութիւն , յանցանաց ներումն , մեղաց թողութիւն , և դատապարտելեաց ազատութիւն : Ասան այնորիկ գեղեցիկ խորհրդով աւանդեցին սուրբ Հարբ Հայաստանեայց եկեղեցւոյ , զի 'ի վերայ սրբոյ Սեղանոյն՝ ուր մատչի Պատարագ՝ բաց 'ի տէրուհական նշանէն դնիցի և պատկեր Տիրամայր կուսին , զի ժողովուրդն տեսանելով զպատկերն զայն՝ պատկերեսցէ 'ի միտս իւր զվերափոխեալն սուրբ Աստուածածին , որ յերկինս բարեխօս վասն մեղաւորաց . և այնու հաւատով անկեալ առաջի նորա խնդրեսցէ զբարեխօսութիւն վասն թողութեան մեղաց՝ առ Որդին իւր Միածին : Եւ եթէ յայսմ միջնորդական նպաստաւորութենէ զուրկ և վրէպ լինէր ընդհանրական սուրբ Եկեղեցի , արդարև ըստ նմանութեան ժողովոյ նորա զանդից՝ աղքատ լինէր և չքաւոր առաւել քան զե-

կեղեցին Հրէական Հնոյ օրինաց . որ ըստ իւրումն ստուերական վիճակին՝ ճոխացեալ էր ընտիր ընտիր միջնորդօք , որպիսիք էին Աբրահամ , Մովսէս , Յեսուս , Եղիա՝ և այլ բազումք :

Քանզի 'ի հնումն ըստ տնտեսելոյ Մարդասիրին Ատուծոյ՝ սիրելին իւր Աբրահամ արար սկիզբն բարեխօսութեան . որ խոհեմամիտ քաղաքավարութիւն հետզհետէ խոնարհեալ աղաչէր և խնդրէր անցուցանել զցասումն արդարութեանն Ատուծոյ՝ որ 'ի բազմամարդ Սոդոմացիսն և 'ի Գոմորացիս , մինչ 'ի տանեակ թիւ արդարոց զիջանիլ՝ բայց ոչ գտաւ . Օմբ . Ժ.Ը . 32 . սակայն յայնմհետէ բազում անգամ ներեաց Ատուած զմեղս մեծամեծս ժողովրդեան իւրայելի՝ աղօթիւք և բարեխօսութիւն սիրելեաց իւրոց :

Իսկ 'ի նորումն՝ սկիզբն արար սիրելի Մայրն Յիսուսի առ սիրելի Որդին իւր 'ի հարսանիսն անդ 'ի Կանա Գալիլեացոց . քանզի Ճարտարտպետն իմաստուն իմաստութեամբ հոգացաւ , զի յառաջ քան զչինութիւն եկեղեցւոյն իւրոյ՝ զկարևոր պիտոյս նորին յառաջագոյն պատրաստեցէ . վասն այնորիկ ըզՄայրն իւր՝ լինել առաջին միջնորդ . և բարեխօս Եկեղեցւոյ , յառաջ քան զինքն հրաւիրանօք 'ի հարսանիսն անդ պատրաստեաց . քանզի գրեալ է , « Լույաւուրն երրորդի հարսանիք էին 'ի Կանա Գալիլեացոց . և անդ էր Մայրն Յիսուսի » . Յով . Բ . 1 : Յորմէ երևի՝ թէ նախ քան զՅիսուս ուրոյն հրաւիրմամբ կոչեցեալ էր Մարիամ . զի զկնի ասելոյն թէ Անդ էր Մայրն Յիսուսի , յարէ անմիջապէս թէ « Կոչեցաւ և Յիսուս և աշակերտքն նորա 'ի հարսանիսն » . Լուկ . Բ . 2 :

Տեսանէս , զի ըստ իմաստութեանն Ատուծոյ՝ յառաջագոյն հրաւիրեալ էր Մարիամ վասն բարեխօսութեան . կոչեցաւ և Յիսուս վասն հրաշագոր-

ծուծեան, և աշակերտքն վասն վկայութեան, որք զաղաչանս Տիրամօրն լուան ականջօք իւրեանց, և զնշանն Յիսուսի տեսին աչօք իւրեանց, և այնպէս եղեն մեզ վկայք Ճշմարտութեան: արդ՝ հաւատայ Եկեղեցի վկայիցն Յիսուսի, նշանացն Յիսուսի, և բարեխօսութեան Մօրն Յիսուսի: Հարսանիք, որ և վասն յաւերժական ուրախութեան, զի անդ եղև սկիզբն բարեխօսութեան և սկիզբն նշանաց: Իսկ որ սկիզբն է՝ ապա և սկզբնաւորեալքն հետեւին:

Ի վերայ հրաշից, և մասանց Սբբոյ, և սբբոյ խաչին, և Երկրագործութեան՝ որք Սեղանոյն յեկեղեցոյն, և քնորինսնսն որք Տեղեաց:

Ի յորժամ կատարեցաւ Աստուածաշէն եկեղեցի յաւուր մեծի Պենտեկոստէի, յայնմհետէ որքան զօր բազմացան հրաւիրեալքն բազմականք ՚ի հարսանիսն անապական: յորոց բազումք Երանական հաղորդութեամբ և բազումք Շնորհական հաղորդութեամբ ՚ի Քրիստոս կատարեցան: Որոց աղօթիւք և բարեխօսութեամբ ընդժամանակս ժամանակս երեւեցան և երևին հրաշագործութիւնք ՚ի մէջ եկեղեցւոյ, զորս պարտ է հաւատալ: զի որ ինչ վկայութեամբ Եկեղեցւոյն ճշմարիտ է՝ այն իսկ է հաւատալի:

Ի այց ոչ է արժան հրաշից առ մեզ յաճախել: զի մի փոքրկասցին հաւատք մեր և վերացի ՚ի մէնջ Երանութիւնն Քրիստոսական: որ ՚ի ժամանակէ անտի սրբոյն Թովմայի տեսանելոյ աչօք զյարուցեալն Քրիստոս՝ այնմ եղաք բարեմասնեալ: Օ ՚ի որպէս՝ Սովորութիւնն փոքրկացուցանէ զզարմանս, նոյնպէս և հրաշք յաճախ երևեալք՝ փոքրկացուցանեն զմծուծիւն հաւատոյ: մանաւանդ զի ըստ առածին՝ « Ոչ է պարտ ամենայն մարդոյ հաւատալ », նոյնպէս

և ոչ ամենայն հրաշից՝ որք յանդէպս և 'ի տարադէպս իցեն երևեալք . զի մինչև անկեալ իցէ ընդ քննութեամբ հաւատարիմ պաշտօնէից եկեղեցւոյ , և ճըշմարտութիւնն չէ 'ի նոցունց վկայեալ՝ ոչ է արժան հաւատալ . Վասն զի պարտ է քննել զսկիզբն հրաշագործութեանն այնորիկ՝ թէ ո՞վ արար . և զմիջոցն՝ թէ որո՞վ անուամբ կամ որո՞վ զօրութեամբ արար . և ըզվախճանն՝ թէ վասն որո՞յ արար . և յորժամ տեսանի , թէ սկզբամբ՝ միջոցաւ և վախճանաւ համեմատին հրաշիցն Առաքելոց և Մարգարէից կամ այլոց Սրբոցն եկեղեցւոյ , որպէս զի գործողն իցէ ընտրեալ յաշխարհէ և ստեցեալ յաշխարհէ , և գործն՝ արարեալ անուամբ և զօրութեամբն Աստուծոյ , և երևեալ վասն շինութեան և պայծառութեան եկեղեցւոյ՝ 'ի մխիթարութիւն տառապեալ հաւատացելոց և յամօթ երեսացն անհաւատից . յայնժամ վկայեալ լինին ճշմարտութիւնք հրաշիցն այնոցիկ՝ զորս արժան է հաւատալ : Յորոց սակի են պէսպէս զօրութիւնք երևեալք 'ի մասանց և յսկերաց Սրբոց 'ի ժամանակս նեղութեան . և զոր անեսալ եմք աչօք մերօլք զբժշկութիւնս ծանր հիւանդաց և դժուարաբուժելի ախտաժետաց՝ Անաց Փայտիւն հրաշագործեալ , մինչև զարմանալ իսկ բժշկաց և ապշիլ հեթանոսաց . և արդարեւ լինին այնպիսի բըժշկութիւնք հիւանդաց՝ որք հաւատով մերձենան 'ի սուրբ խաչն Աստուածընկալ , և կամ յսկերս Սրբոց՝ զորս բարեպաշտութեամբ պատուէ սուրբ Եկեղեցի իբրև կենդանի բնակարան Աստուածային շնորհաց :

Այլ զայս մեծահաւատ բարեպաշտութիւն Կաթուղիկէ եկեղեցւոյ նորաղանդք անգոսնեն . որպէս զի զսուրբ խաչն Գրիստոսի՝ և զՆշխարս կամ զՊատկերս Սրբոց պաշտելով՝ աստուածական երկրպագութեամբ՝ խարդաւանեալ իցէ 'ի վիհ բազմաւ

տուած մոլորութեան, Ալ լսան պատուելոյ զՊատկե-
րլս Սրբոց՝ պատկերապաշտս կոչեն. և լսան երկիր-
պագանելոյ խաչափայտին Քրիստոսի՝ փայտապաշտս
անուանեն. թողեալ՝ ասեն, զՔրիստոս Աստուած որ
խաչեցաւ, զփայտն յորոյ վերայ խաչեցաւ՝ զայն իբրև
զԱստուած պաշտեն. որ է յայտնի զըսպարտութիւն՝
և դիւական չարախօսութիւն :

Մի չարախօս. զայդ զըսպարտութիւնդ՝ զոր խօ-
սիս ՚ի վերայ Կաթուղիկէ եկեղեցւոյ, ոչ եթէ յանձ-
նէ ինչ խօսիս, այլ սկզբնաչարն սատանայ որ ՚ի քեզ
է՝ նա տայ քեզ խօսիլ, և դու խօսելովդ՝ նմա հա-
ճոյանաս : Ալ եթէ կամիս առաւել ևս նմա հաճոյա-
նալ, գնա դու և մուտ ՚ի մէջ բազմութեանն Հրէ-
կոց, որք նեղեն զՅիսուս ՚ի ճանապարհին յերթալ
նորա ՚ի տուն Յայրոս իշխանին՝ բժշկել զմիամօր
դուստր նորին. անդ ՚ի մէջ ամբոխին տեսցես դու
զկին մի տեւատես, որ առ պարկեշտ պատկառանացն
իւրոց՝ ոչ համարձակի մերձենալ առ Յիսուս. այլ
՚ի ծածուկ մերձենալով միայն ՚ի քղանցս հանդերձի
նորա՝ հաւատայ փրկիլ : Ալ յորժամ տեսանես զնա,
որպէս սովոր ես հանապաղ առնել՝ կեղծաւորեսջիր
առ նա. և ցոյց նմա զդէմս խաբուսիկ ջերմեռան
դութեան՝ ասելով, Ես՝ եմ վարդապետ Աւետա-
բանական ճշմարտութեան, եկի քարոզել քեզ ըզ-
ճշմարտութիւն. և այնպէս խաբէական համոզիչ
բանիւք ձերովք իրատես զնա, զի մերձեցի նա
յանձն Յիսուսի՝ և մի ՚ի հանդերձս նորա. ասե-
լով՝ եթէ հանդերձս զոր զգեցեալ է՝ չէ՛ Աստուած
կենդանի, որ կարողացի զքեզ բժշկել. այլ կը-
տաւ ինչ անպիտան ՚ի բամբակէ կամ ՚ի վշոյ ձե-
ռագործ մարդկան. և արդարև որք բաժանեցինն
զնոսա ՚ի մէջ իւրեանց և զգեցան, ոչ ինչ զօրացան.
այլ մանաւանդ ՚ի ժամանակի Յարութեան նորա իւր-

աովեցան, « Եւ եղեն իբրև զմեռեալս »: Ի այց անդանօր ՚ի հարցանելն Եիսուսի՝ թէ « Ո՞վ է որ մերձեցաւն յիս . . . քանզի գիտացի՝ եթէ զօրութիւն ել յինէն », [Գ. Բ. 45, 46. նա և յասելն նորացկինն, « Իաջալերեաց դուստր՝ հաւատք քո կեցուցին զքեզ, երթ ՚ի իազաղութիւն . և եղիջիր ողջ ՚ի տանջանաց քոց », [Գ. Բ. 48. Ս. Գ. Ե. 34. խից զականջս քո ՚ի լսել զայն, և կափս՝ զաչս քո զբժշկութիւն կնոջն տեսանել:

Ի այց Կաթուղիկէ եկեղեցին տեսանէ զկինն հաւատով մերձեցեալ ՚ի հանդերձսն Եիսուսի՝ և առժամայն բժշկեալ, նա և լսէ զբան նորա թէ « Զօրութիւն ել յինէն », անդ ուրեմն խորհրդածեալ ըստ Հոգւոյն շնորհաց՝ զմանկունս իւր այսպէս ուսուցանէ. զի որ կտաւով հանդերձիցն իւրոց ներգործեաց առ մերձեցեալն հաւատով զԱստուածային զօրութիւն, ապա առաւել ևս ներգործէ փայտիւն պատուական Խաչին իւրոյ. քանզի զհանդերձսն կրեաց ՚ի զգեստ Մարմնոյն՝ զոր կամեցեալն էր թռչուլ զինուորաց: Սակայն սիրեաց և կրեաց զՓայա Խաչին ՚ի պէտս փրկութեան աշխարհի. յորում մաճաւ բեւեռեցաւ՝ և Աստուածային արեամբն ներկեաց, և շնորհեաց զայն մեզ հաւատացելոցս լինել հովանի և պահապան. վասն որոյ հաւատայ եկեղեցին՝ թէ խաչեալն Աստուած մարմնով Աստուածութեամբն իւրով ՚ի նմա բնակէ. և այնու հաւատով կոչէ զմեզ երկրպագել սրբոյ Խաչին՝ և զբնակեալն ՚ի նմա միշտ փառաւորել: Եւ ոչ որպէս ըստ քոյն բարբանջանացդ՝ իբրև Աստուծոյ երկրպագէ և իբրև զԱստուած պաշտէ, այլ վերբերական երկրպագութեամբ իբրև Աստուածայնոյ երկրպագէ. և ըզբնակեալն ՚ի նմա՝ պաշտողական երկրպագութեամբ իբրև զԱստուած փառաւորէ, և որպէս առնէ՝ նոյն

պէս և ուսուցանէ, թէ օրհնութիւն և փառք և երկրպագութիւն՝ որ պաշտողաբար մատուցանի 'ի մէնջ, վայել է միայն Արարչին՝ և ոչ արարածոց ամենեւին. զի նա միայն է պաշտողական փառատրութեամբ երկրպագելի օրհնեալ յաւիտեան և յաւիտեանս յաւիտենից :

Իսկ յորժամ զերանելեացն ասեմք օրհնեալ և փառաւորեալ, այն օրհնութիւն կամ փառաւորութիւն չէ 'ի մէնջ մատուցեալ, այլ 'ի Քրիստոսէ շքնորհեցեալ Աստուածահաճոյ և առաքինի վարուցնոցա. և առ 'ի նոցանէ հոգւով և ճշմարտութեամբ առ ինքն մատուցեալ պաշտողական փառացն փոխանակ՝ փառք պարզեական : Օ՛րհնք փառաւորեն ըզՔրիստոս պաշտողական փառք աստ 'ի կեանս իւրեանց, նոքա փառաւորին 'ի Քրիստոսէ պարզեական փառք անդ 'ի կայանս իւրեանց, ըստ որում ինքն ասէ. « Օ՛ փառաւորիչս իմ փառաւորեցիցո՛ր. Ա. թ. 4. Բ. 30. այլ վասն պաշտողական փառաց զոր 'ի մէնջ պահանջէ, ասէ. « Եւ եմ. . . Աստուած նախանձոտ. Եւ ի. Ե. զփառս իմ այլում ոչ տացո՛ր. Եւ ի. Ե. Ե. 8 : Եւ ահա այնպէս ճանաչեմք զսուրբ Աստուածածինն՝ և ասեմք փառաւորեալ և օրհնեալ, զի օրհնեաց զնա Աստուած և փառաւորեաց առաջի ամենայն ազգաց. զայս ասելով եկեղեցին՝ մի թէ զկոյն իբրև զԱստուած պաշտէ : Եւ եթէ այսու ասացուածովքս նորազանդք զըսարտեն երկրպագանել նմա և իբրև զԱստուած պաշտել, ուրեմն ընդ զըսարտութեամբ իւրեանց արկանեն և զազգական նորին՝ զԵղիսաբեթն ասեմ՝ զլցեալն Հոգւով սրբովոր 'ի լսելն զձայն ողջունի սրբուհւոյ Կուսին՝ ասէր, « Օրհնեալ ես դու 'ի կանայս ո՛ր. 'Եւ. Ա. 42. և զայն ասելով՝ զԱստուածային զնորահրաշ օրհնութիւնն 'ի նմա խոստովանէր, և խոստովանելովն զնա

մեծացուցանէր . և ընդ այն կցէր ասելով, «Եւ օրհնեալ է պտուղ որովայնի քո ո . և այս իսկ էր օրհնութիւն պաշտողական մատուցեալ առ Աստուած որդին . յորմէ առեալ եկեղեցին՝ երգէ ասելով, «Տուք օրհնութիւն պտղոյ կուսին ո : Այլ յորժամ եկեղեցին զօրհնութիւն և զփառս և զգովաբանութիւնս պաշտողաբար մատուցանէ , նմա միայնոյ մատուցանէ՝ որում պաշտողաբար երկիրպագանէ . վասն զի օրհնութիւնք՝ փառք՝ և երկրպագութիւն պաշտողականք՝ են արտաքին նշան ներքին աստուածաշտութեան : Այս գիտելով պիղծն Արիոս , որ զանեղական Աստուածութիւն Արդւոյն ուրանայր , նմա և պաշտողական փառս մատուցանել զլանայր . վասն որոյ՝ փոխանակ ասելոյ Փառք Հօր և Արդւոյ և Հոգւոյն սրբոյ , ըստ չարափառ մոլորութեան իւրում ասէր՝ Փառք Հօր Արդւով ՚ի ձեռն Հոգւոյն սրբոյ :

Իսկ սուրբ Եկեղեցին յամենայն ՚ի պաշտամունս և յաղօթս իւր հաւասարապատիւ երկրպագութիւն զպաշտողական փառս մատուցեալ համագոյ և միասնական անբաժանելի սուրբ Երրորդութեան՝ ասէ . «(Օրհնութիւն և փառք (կամ Փառք) Հօր և Արդւոյ և Հոգւոյն սրբոյ ո . և այս պաշտողական փառաբանութիւն եկեղեցւոյ յաճախեալ է ՚ի բերանս արանց և կանանց՝ ձերոց և երիտասարդաց . որք ՚ի ժամանակս ուրախութեան իւրեանց գոհացեալք , և ՚ի ժամանակս տրտմութեան և սգոյ իւրեանց մխիթարեալք , ասեն՝ (Օրհնեալ ես Աստուած , կամ Փառք քեզ Աստուած : Այբ լուաւ զըպարտիչն այն՝ կամ յումմէ՞ լուաւ ասել՝ Փառք քեզ սուրբ Աստուածաձին , կամ Փառք քեզ սուրբ Պետրոս առաքեալ , և կամ Փառք քեզ սուրբ Գրիգոր լուսաւորիչ . և եթէ զըպարտիչն այն չարախօսէ վասն մեր առաջի մարդկան , են բազումք՝ որք բարեխօսեն վասն մեր

առաջի Աստուծոյ . բայց « Այն այնմ, որ ասիցէ ըզ-
չարն բարի՝ և զբարին չար » : Այլ կամ է ինձ ընդ
նմին սակաւիկ մի ևս բանագնաց լինել :

Աւեր դու զըստարտիչ դատախազ . Ձի այլ է
փառք և երկրպագութիւնն պաշտողական, զոր մա-
տուցանեմք միայն Աստուծոյ . և այլ է փառք և եր-
կրպագութիւնն պատուողական և վերբերական, զոր
մատուցանեմք սրբոյ խաչին և ամենայն սրբոցն Աս-
տուծոյ . ուրեմն ոչ կարես իրաւամբ զմեզ պատկե-
րապաշտս կոչել՝ քանզի չեմք , այլ եմք պատուողս
պատկերաց սրբոցն Աստուծոյ՝ զի սուրբք են և փա-
ռաւորեալք միշտ առաջի Աստուծոյ : Աւ ահա այնու
զանազանութեամբ երկրպագէ եկեղեցին պատուա-
կան սրբոյ խաչին . և ՚ի պատուելն անդ երկրպագու-
թեամբ՝ սուրբաբար խօսի ընդ խաչեցելոյն , և դուն
ուրեք հռետորական սասցուածով՝ ընդ խաչին . և
առ խնդրելոյ մեր զգօրութիւն և զպահպանութիւն
նորա , քարողէ խնդրել ՚ի Տեառնէ՝ և ոչ ուղղակի
՚ի սրբոյ խաչէն , զի մի համարեսցի ինքնին՝ իբրև ա-
ռանց զօրութեան խաչեցելոյն լինել լսող աղաչա-
նաց , և վերբերականն երկրպագութիւն կարծեսցի
պաշտողական : Այսան այնորիկ յորժամ ՚ի հանդիսի
յայնմիկ վերբերական երկրպագութեանն եղանակէ
« խաչի քոյ Քրիստոս երկիրպագանեմք . . . » . անդէն
առ նմին կոչէ զհաւատացեալս ՚ի պաշտողականն եր-
կրպագութիւն՝ ասելով , « Այնք հաւատացեալք
երկրպագեսցուք Քրիստոսի Աստուծոյ մերոյ » . և ՚ի
վերջն փառաւոր հանդիսին այնորիկ՝ անմիջապէս ըզ-
պաշտողական փառս և զերկրպագութի իւր մատու-
ցանէ ամենասուրբ Երրորդութեան, ասելով՝ « Փառք
և երկրպագութի շօր և Որդւոյ և սրբոյ Հոգւոյն » :
Այնպէս և ՚ի հանդիսի տօնախմբութեան Սրբոյ՝
նրչափ և պատուողական փառօք զանուանս կամ ըզ-

Մատունս նոցա փառաւորէ , միշտ 'ի վերջինն հատուածս երգարանութեանց՝ Փառք Հօր և Որդւոյ և Հոգւոյն սրբոյ ասելովն , զպաշտողական փառս իւր աս Աստուած մատուցանելով զհանդէս Սրբոցն կատարէ :

Եւ այս օրինակ պատուողական երկրպագութիւնս երկիրպագանեմք սրբոյ Սեղանոյն , յորոյ վերայ Քրիստոս պատարագի : Եւ և Տնօրինական սուրբ Տեղեաց նորին , զոր Մարգարէն զցայգ և զքերեկ հա նապազ տենչայր գտանել . վասն որոյ ուխտ դնէք անձին և ասէր , « Թէ ոչ մտից 'ի յարկս տան իմոյ , թէ ելից յանկողինս մահճաց իմոց . Թէ տաց քուն աչաց իմոց , կամ նինջ արուանաց իմոց , կամ հանգիստ իրանաց իմոց . մինչև գտից զտեղի յարկի Տեառն Աստուծոյ Եսկորայ » : Եւ իբրև 'ի մարգարէական շքնորհաց Հոգւոյն լուր առնու զնմանէ յԵփրաթայ , և նովին հոգւով գտանէ զնա 'ի դաշտս մայրեաց , ամենայն ուրախութեամբ հրաւիրէ զազգն ասելով , « Սոցուք 'ի յարկս նորա , երկիր պագցուք 'ի տեղւոջ ուր կացեալ են ոտք նորա » . Սալմ. ՃԱ. 5—7 :

Հապա հարցցուք ցՄարգարէն , թէ ընդէր եղև նա այնպէս տեղապաշտ կամ յարկապաշտ :

Եսա՝ ո՞վ աստուածահայր մարգարէ . մոռացա՞ր արդեօք զմեծ և զառաջին պատուիրանն Աստուծոյ , զտուեալն Աստուածատես մարգարէին Մովսէսի , թէ միայն « Տեառն Աստուծոյ քում երկիր պագցես , և զնա միայն պաշտիցես » . Բ. Օրին. 2. 15 : Սաբ. 7. 10 : Ըրդ՝ զի՞ եղև քեզ , զի աւանիկ երկիրպագանիցես 'ի տեղւոջն՝ ուր կացեալ են ոտք նորա :

Պատասխանէ Մարգարէն . Սչ մոռացայ , և ոչ երբէք մոռանամ . այլ զի՛ յամենայն սրտէ իմմէ որպէս սիրեմ զնա , այնպէս սիրեցի և զվայելութիւն տան նորա՝ և զտեղի յարկի փառաց նորա . քանզի

սուրբ է և պատուական տեղին այն՝ ուր կացեալ են
ուրք նորա . և յոյժ սիրելի են յարկք նորին Տեառն
զօրութեանց , « Յանկայ և փափագի անձն իմ 'ի գա-
ւիթս » նորա . Սաղմ . 29 . 2 :

Իսկ՝ որ արժան է ըստ Մարգարէին և ընդ նմին
սիրով երկիրպագանել 'ի տեղւոջ ուր կացեալ են ուրք
նորա , զինչ անարժանութիւն իցէ ապա սիրով և
մեծագոյն պատուով երկիրպագանել սուրբ և պատ-
ուական խաչի նորա՝ յորոյ վերայ խաչեցաւ բարձրա-
ցաւ , և 'ի նմա առ ինքն ձգեաց զամենեսին զմեզ
բարձրացուցանել :

Իսկ որք անդունեն զայս Աստուածահաճոյ բա-
րեպաշտութիւն Եկեղեցւոյ , նոքա ոչ հաւատան լի-
նել 'ի սուրբ խաչն Աստուածընկալ՝ յաղթողական
պահպանողական և բժշկական զօրութիւն Աստուծոյ ,
ուստի ըստ մուրական վարդապետութեան հաւատոյ
նոցին՝ 'ի զուր պարծի Առաքեալն , որ երդնու ոչ
յայլ ինչ պարծիլ՝ « Իսցց միայն 'ի խաչն Տեառն մե-
րոյ Յիսուսի Քրիստոսի » . Վաղ . 2 . 14 . զի յայտ նու-
ցա խաչափայտն Քրիստոսի է հասարակ փայտ ինչ ա-
նարգ , սակայն մեզ ուղղափառացս՝ « Փայտ կենաց է
ամենեցուն՝ որք պատսպարին 'ի նա » . Ասմ . 4 . 18 .
Արդ՝ սցսչափ ինչ բաւականացի այժմիկ ընդդէմ
նորաղանդից , մեր դարձուք անդրէն զանհաւատալի
հրաչիցն խօսել :

Ի վերայ ասկանաւոր պարողական կեղծեաց :

Այլ զտարապայման և զայլանդակ հրաշագոր-
ծութիւնս՝ զոր լուաք և զոր ընթերցաք 'ի վարս ու-
մանց և 'ի թարգմանութիւնս յայլոց լեզուաց , չէ
արժան ամենեւին հաւատալ . վասն զի Կաթողիկէ
եկեղեցի պերճ է և ճոխ լիակատար պարգևօք Աս-

տուածային շնորհաց, և ճրագ լուսափայլ, որ առա-
տու թեամբն իւրով որպէս ճանաչէ զԱստուած, նոյն-
պէս և զԱստուածայինն բարւոք ճանաչէ, որով և
լուսաւորի ամենայն մարմին նորա, զի լուսաւորեալ
մտօք լինիցին զգաստ և զգոյշ 'ի սոււա և 'ի կեղծեալ
աստուածայնոց, զի եթէ ըստ Տեառն բանի « Եւ-
րիցեն սուտ քրիստոսք և սուտ մարգարէք, և տացեն
նշանս մեծամեծս... առ 'ի մոլորեցուցանելոյ », Ս՞րհ,
ԺԳ, 22. ապա յարիցեն և սուտ քրիստոնեայք և սուտ
վարդապետք, որք « Կերպարանեալք 'ի կերպարանս
առաքելոց քրիստոսի », Բ. Վ՞րն. ԺԱ. 15. և « Սրոց
կատարածն կորուստ է », Փիլիպ. Գ. 19. ցուցանեն
զանձինս իւրեանց իբրև ունսղս բժշկական զօրութիւն :
Լը զգիրս անընդունակս եկեղեցւոյ ընթեռնուն 'ի
վերայ հիւանդաց, և տան գիր ինչ ազօթից կամ յու-
ռութու լուսնս ծրարեալ պահել և կրել միշտ 'ի պա-
բանոց կամ 'ի գլուխս նոցա, և ախտացեալն եթէ
ուրեք երկուցեալ իցէ՝ հոգ կամ փօշի բերեալ 'ի
տեղւոջէ անտի՝ ընթեռնուն 'ի վերայ նորա, և տան
զայն ծամ և անխօս արկանել 'ի գետ կամ 'ի ծով :
Լը զկեղէն բժիշկ՝ և եղկելի ախտաւոր, նա՛ առածն
Տէրունեանս առ նոսա յարմարաւոր, « Կոյր կուրի ա-
ռաջնորդել, ո՞չ ապաքէն երկոքին 'ի խորխորատ ան-
կանիցին », Վ՞րն. Զ. 39. որպէս անկեալ են դիւս-
պաշտ վհուկք և կախարդք, և անկանին ընդ նոսին՝
որք առ նոսա ապաւինին :

Նա և ոմանք 'ի դռեհկաց շրջին 'ի վանորայս, և
յաւուրս Տօնից մտանեն 'ի ժողովս Աւստաւորաց, և
'ի ժամանակի սուրբ Պատարագին կեղծեն զանձինս
իւրեանց իբր ուշաթափեալ, և յետ սակաւուց բար-
ձրր աղաղակաւ՝ կափուցեալ աչօք ազդեն զսուս
տեսիլ իւրեանց 'ի սոսկումնս ռամկաց, որպէս թէ այլ
իմն հօգի 'ի ներքուստ անտի տայ նոցա բարբառել :

Են և ոմանք՝ որք հիւսիսն կամ յշխարհիսն ար-
 ուեւտիւք և կամ գաղանի մեքենայիւք՝ գործս զար-
 ժանալիս իբրև հրաշս ցուցանեն, զի նորօք 'ի վանան
 իւրեանց աւելի արդիւնս հաւաքեսցեն . բայց եզ-
 կելիքն՝ այնու աւելի ևս յանձինս իւրեանց դատաւ-
 տանս ընդունին, զի նորօք ստամառս տան արձակել
 զլեզուս անհաւատից կատակել զհաւատս քրիստո-
 նէից :

Այլ յաղագս այնպիսի խաբեբայ արանց և խա-
 բէական նշանաց՝ հարկ 'ի վերայ կայ ո՛ր և իցէ ազգի
 առաջնորդաց եկեղեցւոյ բառնալ 'ի միջոյ, և խրա-
 տել զժողովուրդն չհաւատալ երբէք այնպիսեաց . զի
 մի նմանեալ տխմար վաճառականաց՝ զԱստուածածիր
 զուստիայլ մարդարիտ հաւատս իւրեանց յիմարա-
 բար փոխանակեսցեն ընդ կեղծեալ ոսկւոյ՝ ոսկեփայլ
 անարգ սղինծոյ սուտերևոյթ զարմանալեաց :

Ի վերայ Բարեխօսութեան Սրբոյ, ուստի և վան
 Բանալան սիրոյ նոցա :

Ասան զի ճշմարիտ հրաշագործութիւնք՝ 'ի ըս-
 կզբանէ անտի որչափ երևեցան՝ եղեն ազօթիւք և
 բարեխօսութեամբ Սրբոյ . բազում անգամ ևս մի-
 աբան ազօթիւք բաղմութեան հաւատացեալոց 'ի ծա-
 մանակս նեղութեան իւրեանց . որոյ լնէր Աստուած
 վասն սիրելեաց իւրոյ՝ որք գտանելին 'ի մէջ նոցա, և
 մաղթէին անցուցանել զսրտմտութիւն բարկութեան
 նորա 'ի վերայ մեղաց իւրեանց, և նա ողորմութեամբ
 բն իւրով սքանչելի հրաշիւք կատարէր զինդ ըուածս
 նոցա՝ և փրկէր զնոսա :

Օյա ընդունին նորազանդք . քանզի ստեն,
 Սուրբն Աստուծոյ՝ ցորչափ յաշխարհի աստ կենդանի
 են, օրհնեն զԱստուած և բարեխօս լինին վասն մե-

ղաւորաց, և Աստուած լսէ ձայնի աղօթից նոցա. իսկ յետ մեռանելոյ և երանելոյ նոցա յաշխարհէ, զիւրդ բարեխօսեսցեն՝ որք ոչն օրհնեն զԱստուած. յառաջ բերեալ զբան Մարգարէին, « Ոչ թէ . . . մեռեալք օրհնեսցեն զքեզ . . . այլ կենդանիք օրհնեսցեն զքեզ ուրիշ . . . ԼԸ. 18, 19. Ահա այսպէս քարոզեն ՚ի ժողովս իւրեանց, և տան ուրանալ զբարեխօսութիւն սուրբ Աստուածածնի և ամենայն Սրբոց :

Ի այց մեք զՃմարտան ասեմք. Աստուած՝ որ լսէ յամենայն ժամ կենդանի Սրբոց իւրոց, լսէ հանապազ և երանեալ ննջեցելոց. վասն զի որպէս անզեղջքն և յուսահատք և անհաւատք ՚ի կեանս յայս միկ՝ թէպէտ կենդանի են առաջի մարդկան, բայց մեռեալ են առաջի Աստուծոյ, նոյնպէս և ամենայն հաւատացեալք՝ որք առաքինի վարուք Սրբութեամբ և Հաղորդութեամբ ՚ի Քրիստոս կատարեցան, թէպէտ մեռեալ են ՚ի մարդիկ՝ բայց կենդանի են ՚ի Աստուած. որք ՚ի կայանս իւրեանց անդադար օրհնեն զնա յուսով յարութեան, և յայնմ հետէ օրհնեսցեն զնա մինչև յաւիտեան. և ահա Մարգարէն յայս միտ լրացուցանէ զբան իւր « Ոչ թէ մեռեալք օրհնեսցեն զքեզ, այլ կենդանիքս օրհնեսցուք զքեզ յայնմ հետէ մինչև յաւիտեան ուրիշ : Ի այց չէ պարտ ընդ այնպիսիս զարմանալ. զի որք ախտացեալ են ՚ի հաւատոս, անկարծ՝ թէ այնքիկ պակասեալ են և ՚ի մտաց. վասն այնորիկ և բանք նոցա միշտ պակասեալ գտանին : Ի այց որ միանգամ կամիցի խոնարհութեամբ լսել և ճմարտութեանն հասու լինել, չէ ինչ դժուարին. վասն այնորիկ կարևոր վարկայ սակաւիկ մի ևս աստէն երկարել :

Այլ է կենդանի ՚ի մարմնի՝ և այլ է կենդանի ՚ի հոգի. որպէս և նոյն է ասել, այլ է մեռեալ ՚ի մարմնի՝ և այլ է մեռեալ ՚ի հոգի : Այլ այս յայտ է՝

զի յորժամ տեսանէր Մովսէս զհրաշարի վառումն մա-
րենւոյն, լուաւ անտի զձայնն Աստուծոյ որ ասէր .
« Ես եմ . . . Աստուած Աբրահամու, Աստուած Իսահա-
կայ, և Աստուած Յակոբայ ո . Լըւ . Գ . 6 : Լըդ՝ ո՛ւր
էին յայնժամ Աբրահամ Իսահակ և Յակոբ . ո՛չ ա-
պաքէն բազում ամօք յառաջ մեռեալք և ելեալք է-
ին յաշխարհէ . ապա զիւրդ ոչ ասաց Աստուած թէ
Ես էի Աստուած Աբրահամու, Իսահակայ, և Յակոբայ .
այլ ասաց թէ՛ Ես եմ . զի այնու ասացուածով նոցին
իսկ բազմամեայ մեռելոց՝ զինքն Աստուած ներկայա-
ցուցանէ, և զնոսա առաջի իւր միշտ կենդանի ցու-
ցանէ . վասն այնորիկ յարէ Յիսուս ՚ի բանն յայն
թէ՛ « Եւ Աստուած չէ՛ մեռելոց, այլ կենդանեաց .
զի ամենեքին նմա կենդանի են ո . Դ՛ . Ի . 38 . որ-
պէս և առ Մարթա ասէր, « Որ հաւատայ յիս .
թէպէտ և մեռանի՝ կեցցէ ո . Յով . ԺԱ . 28 . բայց
ըստ Առակաց՝ Թուի յաչս անզգամաց թէ մեռաւ .
Լ՛ստ . Գ . 2 :

Եւ եթէ կամիցի առաւել ևս լսել լուիցէ . Աբ-
րահամ յաշխարհի աստ՝ մինչ կենդանի էր յԱստուած
և ՚ի մարդիկ, ստիպեալ ՚ի բանական սիրոյն իւրմէ
որ առ Աստուած և առ մարդիկ, նովին սիրով բա-
րեխօսէր և աղաչէր զԱստուած անցուցանել զցա-
սումն ՚ի Սողոմազուց և ՚ի Գոմորազուց անտի . այլ
յորժամ փոխեցաւ յաշխարհէ, ո՛վ արգել զնա ա-
նուհետև ՚ի բարեխօսելոյ . զի որ ընդունելի էր ա-
ռաջի Աստուծոյ բարեխօսութիւն բանական հոգւոյ
նորին, ո՛չ ապաքէն նոյն բանական հոգի նորա միշտ
կենդանի կայ առաջի Աստուծոյ՝ ՚ի բանական սիրոյն
անբաժան :

Քանզի սէրն բանական՝ ոչ է իբրև մարմնական
ձիր ինչ արտաքին և անցողական, և ոչ առ փրկու-
թիւն անձին մասնաւոր շնորհ ինչ պարգեւական, այլ

խոնարհականին հոգւոյ՝ էապէս ներքին կատարելութի մշանջնական, որով հոգին ճանաչի գոլ էակ անմահ հական: Ուրեմն սէրն այն՝ ոչ միայն 'ի հոգիս արդարոց, այլ և 'ի հոգիս մեղաւորաց իսկ կոյ և մնոց միշտ անեղծ և անխախճան, զոր ուսուցանէ մեզ և առակն Մեծատան. որոյ չուսուեալ հոգին՝ մինչ 'ի տանջանսն էր և անոյս յաղատութենէն, բռնադատեալ լինէր անդ 'ի բանական սիրոյն իւրով զհնգեւսին եղբարս իւր ինամել, «Օ, ի մի և նոքա (ասէ) գոյցեն յոյս տեղի տանջանաց ո. 'Ա. ի. Ժ. 28. Օղվանայր արդեօք եղկելի պապակեալն 'ի տապոյ անտի անշիջանելի հրոյն, եթէ կարող լինէր Աբբա համ արձակել զՂազարոս 'ի տուն հօր նորա առ 'ի տալ վկայութիւն. բայց որ 'ի զովանալոյն հատալոյս նորա, գոնէ թողապի 'ի բռնութենէ բանական սիրոյն՝ որ անդ սկսաւ սաստկագոյն տանջել ըզնա. զի ոչ երբէք ողորմեցաւ ազբատաց և կարօտելոց, այլ անողորմ վարուքն իւրովք հպարտացեալ չար օրինակ եղեալ էր եղբարցն իւրոց: Այսն զի գտերն՝ զոր թէ առ Ատուած և զոր թէ առ բնկերն պարտէր, զայն ամենայն վասն անձին իւրոյ պահեաց, և յամենայն 'ի կեանս իւր բեհեղեայ և ծիրանեայ սգունելիօք և համադամ կերակրովք միայն զանձն իւր սիրեաց՝ և զեղբարս իւր ասեաց, որով եղև աստուածատեաց. զի ըստ սրբոյն Յովհաննու՝ «Արօջ սիրէ զեղբայր իւր զոր սեսանէ, զԱտուած զոր ոչն ետես՝ զիսրդ կարիցէ սիրել ո. Ա. Եօհ. Դ. 20. վասն այնորիկ և սէրն այն՝ արդարապէս եղև նմա յայնժամ դատախազ իրաւաբան, որ մասնեաց զնա որդանն անմահի՝ դժնդակ խղճի՝ անողորմ դահճի: Բանղի սէրն բանական՝ էապէս բազմեալ 'ի գերակայ տաճար խորհրդոյ մարդկային հոգւոյ, խնդրէ միշտ կենսակից լինել ընդ Ատուածոյ՝ և Աս-

տուճով կենակցիլ ընդ անձին և ընդ ընկերին . վասն զի մարդն է բանաւորութեամբ Աստուածասէր , բռնաւորութեամբ՝ անձնասէր , և երկոքումքն ընկերասէր . վասն որոյ մարդատեացն է հրէշ երկկերպսւրան , գազան մարդակերսյ՝ կամ մարդ գազանակերպ : Եւ զի առաջին և ըստ ինքեան սիրելի մարդկան՝ է Աստուածն անչափ և անսահման , ապա և սէրն ասայն՝ պարտ է լինել անչափ և անսահման . վասն որոյ այն առաջին պատուիրան տուաւ մարդկան « Իրեւցես զՏէր Աստուած քո յամենայն սրտէ քումով . . . և յամենայն զօրութենէ . . . մտաց քոց » . Եւ . 27 : Իսկ անձն և ընկեր իւր՝ ըստ որում սահմանաւոր և համաչափ , և սէրն առ նոսա՝ պարտ է լինել սահմանաւոր և համաչափ . վասն որոյ տուաւ երկրորդ պատուիրան « Իրեւցես զընկեր քո՝ իբրև զանձն քո » . Եւս . 19 : 59 :

Եւ ահա այն սէր է՝ որով մարդ յորժամ բազմիցի յընթրիս ուտել և ըմպել , զքաղցեալս և զճարաւիս յիշէ , և ըստ կարողութեան իւրում կերակրէ զնոսա և արբուցանէ . և յորժամ զգենու զհանդերձս փառաւորս , զմերկսն յիշէ և զգեցուցանէ . և ՚ի հանդիլն ՚ի տան իւրում , զօտարս ժողովէ . և ՚ի զուարթ առողջութեան անձին իւրում՝ ՚ի տես գնայ հիւանդաց . և ՚ի խրախճանս բարեկենդանութեան իւրում՝ ըստ խրատու Աւարելոյն այնպէս յուշ լինին նմա կապեալքն և չարչարեալքն , որպէս թէ ինքն կապեալ և չարչարեալ իցէ , Եւս . 19 : 5 . վասն որոյ երթեալ ՚ի կաղարանս նոցա , բանիւ և արդեամբ զնոսա մխիթարէ :

Եւ այն սէր է՝ որով մարդ ՚ի ծանր հիւանդութեան իւրում կամ ՚ի ժամանակի մահաւիթ փորձութեան՝ որպէս յօժարութեամբ հաճի կորուսանել զգանձս իւր վասն ստողջութեան անձին և կե-

նոց, 'ի դէպ ժամանակի առաւել ևս յօժարի կորուսանել զկեանս իւր վասն տուողին կենաց . և այնու նահատակեալ ելանէ ընդդէմ թշնամեաց հաւատոյ և հայրենեաց, որոյ անունն գրեալ լինի 'ի գիրս Դպրութեան կենաց. Փիլիպ. Դ. 3: (Յայր. ԻԱ. 27:

Այն սէր է՝ որով մարդն արդարապէս կշռէ զամենայն արարս, և հաւասարէ զամենայն զոուրեառս իւր . և որպէս կամի՝ թէ այլք արասցեն ինքեան, ըստ պատուիրանի Տեառն այնպէս առնէ և ինքն նոցա. Սաղմ. Է. 12:

Այն սէր է՝ որով մարդ յորժամ անկանի 'ի սուգ թախծագին վասն մեռանելոյ համարուն սիրելչոյն իւրոյ, գերաբուն սիրելեաւն միսթարի . և օրհնելով զկամս նորին՝ ասէ ըստ Յովնայ համբերողին, «Տէր ետ՝ և Տէր էառ ո. Յովն. Ա. 22:

Այն սէր է՝ որով մարդ ոչ միայն անյիշաչար լինի վասն յանցանաց ընկերին, այլ և բարի առնէ ատելեաց և թշնամեաց իւրոց . և բարեխօսութեամբ ազաչէ զԱստուած վասն նոցա ասելով, «Շնորհեա և թշնամեաց իմոց և ատելեաց՝ զԹողութիւն՝ որ առ իս յանցանաց . և դարձն զնոսա 'ի շարեացն զորունին վասն իմ, զի ողորմութեանդ քում արժանի եղիցին ո. Հապտ. Ի. 12:

Այն սէր է՝ որով քահանայք և վարդապետք եկեղեցւոյ՝ նախանձաւոր եղեալք օրինացն Աստուծոյ, զժողովուրդս իւրեանց աւետարանական բանիւք հանապազ խրատեն, զմիտս նոցին լուսաւորեն, զհաւատս նոցա հաստատեն, 'ի խմորոյ աղանդաւորաց զգուշացուցանեն, և զստամբական քաղցրութիւն և խոնարհութեամբ համոզեն, զսգաւորսն միսթարեն, զորտմեալսն սփոփեն, զայրիս և զորքս հայրաբար ինսամեն, առաւել քան զպիտոյս իւրեանց՝ ըզպէտս տնանկաց տեսանեն . տքնին 'ի շինութիւն և

ի հաստատութիւն միամիտ ժողովոցոց՝ կալ մնալ միշտ ընդ հովանեաւ սուրբ Եկեղեցւոյ : Սնանանդ որք ՚ի հեռաւոր տեղիս բնակեալք իցեն՝ և ուրեք առանց Հովուի մնացեալք, առ ՚ի գնալ յայցելութիւն նոցին՝ Առաքելական վարուք յանձն առնուն զամենայն, « Վ իշտս ՚ի գետոց, վիշտս յաւազակաց, վիշտս յազգէ, վիշտս ՚ի հեթանոսաց, վիշտս ՚ի քաղաքի, վիշտս յանապատի, վիշտս ՚ի ծովու, վիշտս ՚ի սուտ եղբարց ո. Բ. Կրն. ԺԱ. 26 : Որովք պարզերես և համարձակութեամբ մտաչին առաջի Աթոռոյ երկնաւոր Քահանայապետին տսելով, « Ահա ես և մանկունք իմո, Լիբրայ. Բ. 15. և արժանի լինին անդ՝ իբրև ծառայ բարի և հաւատարիմ մտանել յուրախութիւն Տեառն իւրեանց . Սորի. ԻԵ. 21 :

Սնանանդ յետք է ըստ պատկերի և նմանութեան Աստուծոյ՝ բան իմացութեան և մշտնջենաւորութիւն հոգւոյ . որով հոգին է բանաւոր իմացական և անմահ իբրև զհրեշտակս երկնից, որք են իմանալի բանաւոր հոգիք հարկաւորք : Որոց զսէրն առ մարդիկ՝ կարճեսցուք աստանոր ցուցանել ՚ի գործոյ անտի ազգութամատոյցն Ռափայէլի՝ սպասաւորելով առ Տոբիթիթ և առ պատանին Տուրիա, Տոբ. Գ. 24. շատ է մեզ իմանալ առակաւ սրբոյ Աւետարանին, որ վտան անպտուղ ծառոյն՝ օրինակի անբարեգործ մարդոյն : Քանզի տէր պարտիզին պտաուիրէր զծառն կտրել որ ընդ վայր զերկիր խափանէր, բայց սէր պարտիզպանին ՚ի նա ձեռն մխել ոչ ներէր . և այն ոչ միանգամ, այլ ՚ի լրանալ միոյ միոյ երից ամաց՝ երիցս և նա միջնորդ և բարեխօս եկաց . որ հեղիկ հայցուածով և զգարմանն խոստանալով, յերիս ժամանակս իսկ կենաց մարդոյն՝ զցատումն Տեառն անցուցանէր . Վր. ԺԳ. 6 — 9 : Եւ եթէ պարտիզպանն այն չէ՛ փոխանակ հրեշտակի ՚ի Քրիստոսէ՝ առակեալ, զի՛նչ

այլ քան զայն յարմարագոյն կարեմք իմանալ . իսկ եթէ որ հակառակեալ պնդիցէ լինել սոսկ սլաւոմու- թիւն ոչ մեկնական՝ այլ միայն բան նկարագրական , զայնպիսին արժան է կոչել նկար մարդակերպ . որ թէ ոչ յամառեալ կամակորիցէ , լուիցէ զբուն և զհարազատ իմաստ այնր Առակին , զոր և մերս Հը- ուետոր յաղօթամատոյց դիրս իւր այսպէս բացատրէ .
« Որք և պտղակորոյս անկոյ թղենւոյն եռամեանն դատարկութեամբ , որ զընաւ յաւիտեանս պարու- նակէ ժամանակն՝ զանցեալն ընդ ներկայիս և ընդ ապառնւոյն , յամայր յամբուութեամբն յերկարաձգե- լոյ՝ յայգի աշխարհիս արմատացելոյ , սին սաղար- թիւրն պաճուճելոյ՝ զրկեալ ՚ի պտղոց , որ է ճշգրիտ պատկեր թշուառ մարդկութեանս , սոքա բարեխօսք՝ հանդերձիչք՝ այլ և խնամակալք » . Եւր . 2Ա :

Արդ՝ որպէս հոգեղէն զուարթունք երկնից , նոյնպէս և հոգիք սրբոց՝ որք դասակիցք եղեն նոցա , լսեն զաղաչանս մեր բարեխօս լինել առ Տէր : Եւ մի անհնարին ինչ թուիցի քեզ՝ թէ զիսրդ կարեն լսել , որք անհասանելի հեռաւորութեամբ անջատեալ կան ՚ի մէնջ . վասն զի էութիւն ամենակալին Աստուծոյ՝ և՛ զմեզ և՛ զնոսա բովանդակ ունի յինքեան . զի նա է « Տէր Աստուած ամենայնի , զօրաւոր յամենայնի . անպարագիր և անվայրափակ տեղի ամենեցուն . բո- լոր իսկութեամբ հուսյ յամենեսին » . Եւր . ԻԳ : Իսկ որ մերձ է յամենեսին բոլոր իսկութեամբ , և զամե- նայնն ունի բովանդակ յինքեան , նա ինքն աղդ առ- նէ Երանելեացն այնոցիկ զՏօնասիրական պաշտա- մունս Եկեղեցւոյ և զաղաչանսն ՚ի բարեխօսեւ . և այն աղդարարութիւնն Աստուծոյ՝ զոր ասեմք , մի դու կարծիցես իբրու ՚ի մէնջ մտացածին ինչ լինել . այլ ուսեալ եմք յոչխարագիւտ առակէ սրբոյ Աւե- տարանին . որ ՚ի գտանել առն այնորիկ զկորուսեալ

ոչխար իւր, « Կնէ զնա 'ի վերայ ուսոց իւրոց խնդալովոյ, ' Դ՝ Ե. Ե. և մինչ երթեալ հասանէ 'ի տուն, առ խնդակից առնելոյ ինքեան' (քանջ 'ի միտ առ), « Կոչէ զբարեկամս և զղբացիս' և ասէ ցնոսս. ուրանս եղերուք ընդ իս, զի գտի զոչխարն իմ զկորուսեալոյ. Լ՛ւր. Ե. 6: Եւ այս շատ լիցի քեզ՝ յաղագս ազգարարութեանն Աստուծոյ ասացեալ:

Բայց գուցէ կամիցիս դու՝ շիրոք եղեալն լսել, կամ իբրև աջօք տեսանել: Հայեաց 'ի մարգարէն Եղիա 'ի վերացեալն շարժմամբ յերկինս. որ 'ի յերկնից անտի 'ի կայից իւրոց՝ սրպէս կարաց իմանալ զչարագործութիւնս կռամոլ արքային Յովրամայ որդւոյ բարեպաշտն Յովսափատայ. կամ զհարգ կարաց լսել զաղաղակս տառասպեալ օրինապահաց, որք էին 'ի մէջ ժողովրդեան Իսրայէլի, Բ. Լ՛ւր. ԻԱ. 12-20, ԼԲԹԹերևս 'ի ժամանակէ անտի սովոր էին զԵղիա կարգալ, ըստ որում ասէին Հրէայք վասն Յիսուսի. Լ՛ւր. ԻԷ. 47: Յայտ իսկ է՝ զի ազդեաց նմա Աստուած. և նա առաքեաց Յովրամայ զգիր յանդիմանութեան 'ի ձեռն ուրուք մարգարէի կամ 'ի ձեռն հրէշտակի միոյ կերպարանաւ մարդոյ. զի Թերևս զղջացի Յովրամ և ապրեսցի յառաջակայ պատուհասէն. բայց կռամոյն այն ոչ մարգարէին լուեալ և ոչ երբէք զղջացեալ՝ մինչև ըստ գործոց շարեացն իւրոց արժանապէս պատուհասեալ մեռանէր:

Եւ և յորժամ կազմեցաւ 'ի Բաբելոն արքունական սաստիկ հրամանաւ այն սոսկալի հրաբորբոք տանջանարան երկց մանկանց՝ եօթնյատիկ ջեռուցեալ, յորում միջնորդական յուսոյլ աղօթէին առ Աստուած և ասէին. « Եթէ 'ի բացէ առներ զողորմութիւնս քո 'ի մէնջ, վասն Աբրահամու սիրելոյ քո՝ և վասն Իսահակայ ծառայի քո՝ և վասն Իսրայէլի սրբոյ քոյ » . Լ՛ւր. Գ. 33. զինչ ասես. զլսցաւ Աստ

ուած յայնժամ ազդեալն հոգւոց նոցին զմաղթանս
Նահատակացն այնոցիկ, և ցուցանել սիրելեաց իւրոց
զփառաւոր և զզուարճալի տեսարան այնր հրախա-
ղաց հանդիսին : Այս ոչ որ կարէ մխտել զայս ու-
ղիղ վարդապետութիւն, եթէ ազդեալն Աստուած
երանեալ Եկեղեցւոյ՝ զաղաչանս զինուորեալ եկե-
ղեցւոյ ՚ի բարեխօսել : նա և զայն ամենայն բարիս
և զփառս իւր, զոր՝ մինչդեռ յաշխարհի տատ էին,
յամենայն ՚ի կեանս իւրեանց ցանկային նոքա տե-
սանել :

Այն է այս շնորհ սարգևեալ ՚ի Մարդասիրէն
վասն բարեպաշտ և Աստուածասէր ծնողաց, որք կա-
մին՝ որդիքն և ընտանիք իւրեանց լինել ինքեանց
նշան բարութեան : Իսոց ծնողքն այնքիկ՝ որչափ
կեանս աստ ՚ի կեանս իւրեանց, պարտաւոր են ին-
քեանք ուսուցանել զհաւատս և զպատուիրանս Ե-
կեղեցւոյ, և կրթել զնոսս ՚ի մանկութենէ առա-
քինի քաղաքավարութեամբ և Աստուածապաշտութիւն
և մի ապաստան առնել զնոսս ՚ի գանձս և ՚ի կալ-
ուածս, այլ յանձն առնել ՚ի խնամս Արարչին, զի
պահեսցէ զնոսս ընդ հովանեալ սուրբ Եկեղեցւոյ՝
և արացէ նոցա յիշատակ յաւերժական օրհնութեան :
Վասն զի հոգիք բարեպաշտ ծնողաց յետ հրաժարե-
լոյ յայսմ աշխարհէ՝ զոր ինչ և բարիս գործեսցեն
աստ որդիք և ընտանիք իւրեանց, զայն ամենայն
յԱստուածուստ անտի անշուշտ ունին իմանալ քան-
զի ազդեալն նոցա Աստուած և ընդ զցանկութիւն
սիրոյ նոցա՝ և յաւելլու ՚ի նոսա ուրախութիւն մեծ :
Այնպէս իմա և ընդ հակառակն վասն անհոգ և ան-
բարեսէր մտի ծնողաց՝ զաղետալի թշուառութիւնս
զաւակաց իւրեանց, որք յաւելլուն ՚ի նոսա տանջանս
ասպաշաւանաց, և զիցի քեզ օրինակ շեղի քահանայն,
որ վասն անհոգ լինելոյ խրատել զորդիս իւր՝ ան-

կեալ յաթոռոյն իւրմէ ողնաբեկ մեռաւ՝ և քահա-
նայութիւն 'ի տանէ նորին վերջացաւ, Ա. թ. 104. Գ. Գ.

Այս ևս զայս՝ զի մի տարակուսեալ կայցես 'ի
վերայ երկուց ճանապարհաց, և վայեցիք քեզ անդ
'ի գլուխ վայն ողբալի: Աբրահամ՝ մինչ յաշխարհի
էր, ցանկայր տեսանել զօր գալստեան Փրկչին աշ-
խարհի. և թէպէտ յառաջ քան զժամանակ մարդե-
ղութեան նորա՝ մեռեալ էր Աբրահամ, և անցեալ
'ի վերայ նորա ազգք երիցս չտրեքտասանք, բայց որ
ցանկայր տեսանել զօր Փրկչին՝ էր սէրն բանական
առ Օծեալն Մեծիայն 'ի հոգին Աբրահամու կենդանի
և անվախճան: Այլ յորժամ Փրկիչն եկն յաշխարհ,
եթէ ոչ լինէր առ Աբրահամ ազգուութիւն և ցու-
ցումն առ 'ի Աստուածութենէ, զխնդր կարէր տե-
սանել և ուրախ լինել. բայց որ ազգեացն նմա և
եցոյց զօր Գալստեան իւրոյ, նա ինքն ասաց. « Աբ-
րահամ հայր ձեր ցանկացաւ տեսանել զօր իմ, ե-
տես՝ և ուրախ եղև ո. (Զով. Ը. 56.

Այլ մեք՝ որ հաւանեալս եմք այսմ Աւետարա-
նական ճշմարտութեան, և պատրաստեալ եմք մեր-
ձենալ 'ի սուրբ Սեղանն տէրունական, գիտեմք՝ ե-
թէ չեմք բաւական ապացխարութեամբ մերով ար-
ժանաւոր լինել 'ի Հաղորդութիւն Աստուածային
խորհրդոյն՝ յորմէ դողան զուարթունք երկնից. վասն
այնորիկ միաբան ամենեքեան խնդրեմք և ազաչեմք
զԱստուած՝ զի աղօթիւք և բարեխօսութեամբ Սբ-
բոց իւրոց ընկալցի զխնդրուածս սրտից մերոց, և
ողորմութեամբն իւրով թողցէ մեզ զյանցանս մեր.
զի և մեք ընդ արժանաւորացն. « Վասնիցուք... հա-
մարձակութեամբ առաջի աթոռոյ շնորհաց նորա ո.
Եբրայ. Գ. 10:

Իսկ վրիպեալքն 'ի ճշմարտութենէս յայսմանէ՝
եթէ բամբասեն զմեզ 'ի քարոզութեան իւրեանց.

Ինչ ոչ բնաւ այս կարծիք՝ որ հաւանեալս եմ ճշմարտութեանն . Գալ. Ե . 7 : Ինչքի Որդին Աստուծոյ ՚ի վերայ Խաչին վասն չարչարողաց իւրոց և խաչահանուաց մարդկային բանական սիրովն բարեխօս լինէր առ Հայր ասելով, « Հայր՝ թող սոցա, զի ոչ գիտեն թէ զինչ գործեն ք . Գալ. ԻԳ . 54 :

Ահա աստանօր դարձեալ կալան զիս զարմանք անհնարին պաշարմամբ . վասն զի որպէս խորհուրդ փրկագործ Հաղորդութեանն Քրիստոսի անլուր և անօրինակ, նոյնպէս և փրկաւէտ Միջնորդութիւն նորա առ Հայր՝ անլուր և անօրինակ : Ո՞վ անհասանելի մեծութեան և անքննելի Տնօրէնութեան . զի որ ՚ի վերայ Խաչին նոյն ինքն Քահանայ՝ և Պատարագ Աստուծոյ Հօր , ահա նոյն ինքն Մարդ՝ միջնորդ Աստուծոյ Հօր, և Աստուած՝ զմիջնորդութիւն մարդկային ընդունող ընդ Հօր . ո՞վ ետես՝ ո՞վ լուաւ ՚ի յաւիտենից միջնորդ այսպիսի : Ահա այս է նոր Միջնորդ մի՝ անլուր և անօրինակ և անհամեմատ . վասն զի ՚ի կողմանէ մարդկութեան միջնորդող՝ և ՚ի կողմանէ Աստուածութեան ընդունող՝ նոյն ինքն է Աստուած և Մարդ՝ որ Մի է . վասն այնորիկ գրեաց Հոգին սուրբ ՚ի ձեռն Առաքելոյն , « Ո՞ր է միջնորդ Աստուծոյ և մարդկան՝ մարդ Յիսուս Քրիստոս ք . Ա . ՏԻԺ . Բ . 5 :

Եւ որ եղև նա միջնորդ այնպիսի՝ որ Մի է ըստ որում Աստուած և մարդ , նա՝ և զմարդկային միջնորդութիւնն և բարեխօսութիւնն ՚ի Սրբոց և ՚ի սիրելեաց իւրոց ոչ արգելեաց . այլ մանաւանդ միջնորդութեամբն իւրով այնուիկ՝ ուսոյց միջնորդել և բարեխօսել առ Աստուած . յորմէ ուսեալ առաջին վկայն իւր սուրբ Ստեփաննոս՝ վասն քարածիգ ժողովոյն ծունր եղեալ աղաղակէր ասելով, « Տէր՝ մի համարիր դոցա զայս մեղս ք . Գալթ . Է . 58 :

Առիցեն վրիպեալքն յայսմ ճշմարտութենէ
զմարդկօրէն բարեխօսութիւնն Գրիստոսի, և զոր 'ի
նմանէ ուսեալ՝ սրբոյն Ստեփաննոսի. զոր ոչ առնէ-
ին վասն բարեպաշտ Տօնասիրաց և բարեխօսութիւն
հայցողաց, այլ մանաւանդ վասն չարչարողաց՝ սպա-
նողաց և քարկոծողաց: Իսկ յորժամ մեք Տօնասի-
րական սլատուով խնդրիցեմք զբարեխօսութիւնս
Սրբոց, և նորա Աստուածուստ անտի իմացին ըզ-
խնդրուածս մեր, լռե՛ն արդեօք, կամ անխոյժ լինին
զմէնջ. ոչ ապաքէն նոյն իսկ սէր է 'ի նոսա՝ որով բա-
րեխօսէին մինչ 'ի՛մարմնի աստ էին, և բարեխօսու-
թիւնք նոցա ընդունելի լինէին. և արդ՝ նովին սխ-
րով կեան անմահ, և բնակեալ 'ի սէրն Աստուած՝ և
Աստուած 'ի սէր 'ի նոսին. զի « Աստուած սէր է,
և որ կայ 'ի սէրն՝ բնակեալ է Աստուած, և Աստ-
ուած 'ի նմա բնակէ ». Ա. (3րդ. Դ. 16.

Վասն այնորիկ ունիմք ահաւասիկ բարեխօս՝
մարդ Յիսուս Գրիստոս, և զմայր նորին զսուրբ Աս-
տուածածին և զամենայն Սուրբս. որովք առաւել
և ս հաստատիմք 'ի յոյս, եթէ մարդասէրն Աստուած
վասն բարեխօսութեան նոցա՝ ոչ հայի 'ի սակաւու-
թիւնն ասպախարանաց և 'ի բազմութիւն մեղաց մե-
րոց. այլ հայեցեալ 'ի զղձումն սրտից և յարտասուս
աչաց մերոց, ամենառատ ողորմութեամբն իւրով
գթացի 'ի մեզ՝ քաւել և սրբել զամենայն զմեզս և
զանօրէնութիւնս մեր: Այաքէն՝ օն և օն արասցէ
մեզ Տէր՝ եթէ անմասն ելանիցեմք 'ի սուրբ Հաղոր-
դութենէ Աստուածային խորհրդոյն.

Եւ ահա աստ է տեսանել յափշտակութիւն
Արքայութեանն երկնից. զի յաւուրց անտի լրանա-
լոյ Սարգարէական օրինաց՝ արդարև « Սինչև ցայժմ
արքայութիւն երկնից բռնադատի, և բռունք յա-
փշտակեն զնա ». Ստ. ԺԱ. 12. Վասն այնորիկ յա-

սել Պատարագչին զբանն սարսափելին՝ Ի Սբէր-Իի՛ն
սբէրոյ, ըստ խորհրդաւոր արարողութեան Հայաստա-
նեայց եկեղեցւոյ՝ իբրու բռնաբարական ձայնաբ-
ձակութեամբ Գալիբբ բարձրածայն աղաղակեն, «Մի-
այն սուրբ, միայն Տէր, Յիսուս Քրիստոս, ՚ի փառս
Աստուծոյ Հօր ու :

Տեսեալ Պատարագչին զայն զբռնն յարձա-
կուրդ և եռանդագին փափագ սրտից նոցա ՚ի սուրբ
Հաղորդութիւն, իսկոյն փոխէ զեղանակ բանին՝ առ
՚ի համոզել և զիջուցանել զկիրս նոցին, և այլով
ղիւրալուր եղանակաւ յուսադրէ զնոսա վերստին,
կորդալով զՀայր և զՈրդի և զսուրբ Հոգի, և մաղ-
թէ հայիլ յառաջակայ ժողովուրդն յայն՝ որք կա-
տարեալ ջերմեռանդութեամբ և լցեալ սիրով ան-
կեալ առաջի երկիրսյագանեն, և Սրբոցն բարեխո-
սութեամբ համարձակեալ խնդրեն մերձենալ յայս
՚ի Սեղան անմահական :

Յայնժամ և նոցա համոզեալք՝ ամենայն խոնար-
հութեամբ անսան Պատարագչին, և հետեւելով նը-
մին՝ սկսանին ապա ինքեանք ևս ջերմեռանդ սրտիւ
օրհնել զՀայր և զՈրդի և զսուրբ Հոգի՝ ողորմելի
ձայնիւ մեղմոցին, և ակնկալեալ սոցասեն հրամանի
նորին ճաշակել զխափաղելին հոգւոց իւրեանց՝ ըզ-
կենդանի և կենդանարար Հայն երկնային :

Ալ յորժամ լսեն զայն տենչալի հրամանն ՚ի Պա-
տարագչէն՝ որ ասէ, « Ի սուրբ ՚ի սուրբ պատուա-
կան Մարմնոյ և յԱրեւնէ Տեառն մերոյ և փրկչին Յի-
սուսի Քրիստոսի ճաշակեցուք սրբութեամբ, որ
իջեալ ՚ի յերկնից բաշխի ՚ի միջի մերում. Սա է կեանք,
յայս, յարութիւն, քաւութիւն, և թողութիւն մե-
ղաց » . յայնժամ ձայնիւ ցնծութեան սաղմոսերգեն
և միտքան օրհնեն ասելով, « Քրիստոս պատարա-
գեալ բաշխի ՚ի միջի մերում. ալէլուիա, Օ հօրին իւր

տայ մեզ կերակուր, և սուրբ զարիւն իւր ցօղէ 'ի մեզ. ալէլուիա . . . ո, մինչև քարոզել Սարկաւաբին « Երկիւղիւ և հաւատով յառաջ մատիք, և սրբութեամբ հաղորդեցարուք ո. զի ահա եղև ձեզ հրաման ըստ մեծի ողորմութեան երկնաւոր Թագաւորին՝ յառաջ մատչիլ և սրբութեամբ հաղորդիլ »:

Այն զուարթարար ձայն քարոզին առաւել քան զամենայն երգս երաժշտական մեղեդեաց՝ յակամջս նոցա հնչէ քաղցրագին. նմանեալ՝ ասեմ, ձայնի փոշոյ Գաբրիէլին՝ զոր հնչիցէ զարթուցանել յարուցանել զննջեցեալսն, որք առաքինի վարուք և մաքուր խղճիւ՝ կատարեալ հաւատով և հաստատուն յուսով յարութեան 'ի Քրիստոս ննջեցին, Արոց հոգիքն արժանաւորեցան ուրախութեամբ տեսանել զըյս փառաց ճշմարիտ լուսոյն Քրիստոսի յաւուրն կոչման՝ յորում եղև անջատիլ նոցա 'ի մարմնոց իւրեանց, « Եւ հանգչիլ յուսով բարեաց յօթեւանս արդարոց ո »:

Իսկ 'ի հաւատացելոց և յուսով ննջեցելոց՝ եթէ անմաքուր խղճիւ փոխեցան յայսմ աշխարհէ, ըստ Ատուածուսոյց վարդապետութե սուրբ Լուսաւորչին մերոյ՝ « Այլ կայանք են նոցա ո, կարօտեալք օժանդակութեան աղօթից և Պատարագաց սուրբ Եկեղեցւոյ. Արուք դիւրագոյն լինի նոցա հատուցանել զպարտս իւրեանց՝ մինչև զյեափն նոքաբակիտն. և այնպէս սրբեալ և մարբեալ՝ արժանաւորին և նոքա « Հանգչիլ յուսով բարեաց յօթեւանս արդարոց ո »:

Ասացաւ՝ « Հանգչիլ յուսով բարեաց ո. վտան զի հաւատացեալքն երբ մեռանին, հոգիք նոցա չունին այլ նիւթս հաւատոյ. զի « Հաւատք՝ են յուսացելոց իրաց հաստատութիւն, և յանդիմանութիւն ուրոց ոչն երեւին ո. Եբրայ. ԺԱ. 1. 0) Ի որք աստ 'ի

մարմնի հաւատով տեսանէին զԱստուած . « Իբրև ընդ հայելի զփնակաւ » , 'ի կէտ անջատման 'ի մարմնոց իւրեանց տեսանեն « զէմ յանդիման » . Ա . Կր՛ն . ԺԳ . 12 : Իսց ռնին զյոյս բարեաց մինչև յօր մեծի գալստեանն Քրիստոսի՝ դարձեալ միաւորիլ ընդ մարմինս իւրեանց . զի որք յաշխարհի աստ ուղղափառ հաւատով մինչև 'ի կէտ կոչման իւրեանց քաջալերեալ զինուորեցան 'ի մարմնի , և մարմնոյն իւրեանց յաղթեցին փառաց և ցանկութեան աշխարհի , այն է յոյս նոցա՝ զի զփառս երկնից արքայութեան փոյեւ լեցեն և սովին յաղթական մարմնով . և յետ այնք փառաւորեալ միաւորութեան՝ յոյսն և ս հատանի , զի շեք այլ մի ինչ նոցա յուսալի , « Օ ի զոր տեսանէ որ՝ զի և ս յուսայ » . Հով . Ը . 24 : Իսց սէրն է 'ի նստա մշանջնական՝ անեղծ և անվախճան . որոց վախճանն է միշտ սիրելին իւրեանց՝ Աստուած յախտեանական :

Եւ ահա այնու Աստուածասէր հոգւով պատրաստալքն փափագին մերձենալ 'ի Սեղանն անմահական՝ ճաշակել զճորձն և զորձն Տէրունական . վարն որոյ մտադիւրութեամբ աղօթեն , և սպասեն կոչման Սարկաւազին՝ որպէս Իմաստուն Առասանքն վառեալ լսպտերօք՝ տենչալի ձայնի քարոզին :

Եւ ներեսջիք ինձ՝ որ ասեմ , եթէ քարոզն Սարկաւազին տենչալի է ինձ և փափագելի քան զձայնն հանդերձեալ այնք քարոզին , որ 'ի միւսանդամ գալստեան անմահ Փեսային կոչեցէ զԱռասանն յառնել ընդ առաջ՝ և մտանել յառագաստ նորին , քարոզելով « Ի՛հա Փեսայ գայ՝ արիք ընդ առաջ նորս » . Խոր . Ի . Ե . 6 : Իսկ սարկաւազն կոչէ՝ Երկիւղիւ և հաւատով մատչիլ յառաջ , և սրբութեամբ հաղորդիլ Մարմնոյ և Արեան կենարարին . որով լինի աստ 'ի կեսնս միաւորիլ և բնակիլ ընդ երկնաւոր Փեսային :

Այրանի այնոցիկ՝ որք սրբութեամբ մատչին և արժանաւորութեամբ հաղորդին . և հոգևոր ուրախութեամբ օրհնեն և գոհութեամբ եղանակեն աւելով՝ « Գոհանամք զքէն Տէր, որ կերակրեցեր ըզմեզ յանմահական սեղանոց քոյ . Բաշխելով զճարձիգ և զտրիւնդ ՚ի փրկութիւն աշխարհի, և կեանք անձանց մերոց » :

Ահա կեանք, և առաւել ևս կեանք, զի Քրիստոս եկն յաշխարհ վասն մեր . որք հաւատալով ՚ի նա՝ զկեանս ունիցիմք, և կերակրեաց ըմզ յանմահական Սեղանոց իւրոյ՝ զի առաւել ևս ունիցիմք .

Յովն . Ժ . 10 :



